

PFUNDO LA U THOMA

 Kha ri kotamise zwifhaṭuwo zwashu zwino u itela thabelo. Khotsi ashu wa Taqulu, ri a U livhuwa madekwana a namusi nga n̄hani ha itshi, tshiñwe tshifhinga tsha u da u U luvha. Ri a livhuwa u vha vha tsilahalo na u vha na iyi nzumbululo khulwane ya Vhutshilo Vhu Sa Fheli vhu dzulaho ngomu hashu. Huno ro da, madekwana a namusi, Khotsi, u guda Ipfi Lāu, rothe, izwi zwiphiri zwo dzumbiwaho zwe zwa dzumbiwa u bva tshee shango la tehwa. Huno Ngwana ndi Yone fhedzi ine i nga ri dzumbululela Zwone. Ndi rabela uri U do da vhukati hashu, madekwana a namusi, huno u do dzhia zwa Ipfi Lawe huno a Li dzumbulula kha rine, uri ri kōne u divha uri ri nga vha hanī vhalanda Vhawe vha khwine, zwifhingani izwi zwa vhufhelo. O Mudzimu, musi ri tshi vhona uri rine zwino ri kha tshifhinga tsha vhufhelo, ri thusē u divha fhethu hashu, Murena, na tshivhili tshi shayah nungo tshashu, na vhuṭanzi ha u Da ha Murena, hu si kale. Ri a zwi humbela Dzinani la Yesu. Amene.

² Ndi tenda uri ho vha hu Dafita, we a ri, “Ndo vha ndo takala musi vha tshi ri kha nne, kha ri ye ngomu nquni ya Murena.” Tshifhinga tshothe ndi u tondwa huhulwane u da. Huno—huno u guda Ipfi, rothe, hu ri nea ili fhulufhelo lihulu.

³ Zwino hu na vhanzhi vho imaho, huno ndi khou yo dzhaya nga u tavhanya u ya nga hune zwa konadzea. Fhedzi ndi a fulufhela uri no qiphina nga Vhuhone ha Muya Mukhethwa, vhunga nne ndo ralo, kha izwi zwifhinga zwi si gathi zwa u fhedzisela. [Tshivhidzo tshi ri, “Amene.”—Mudz.]

⁴ Huno, namusi, ndo do vha na tshiñwe tshithu tshi teaho u bvelela tshe nda sa vhe natsho lwa tshifhinga tshilapfu. Ndo vha ndi tshi khou guda nga ha iyi, nga ha iyi nzumbululo hafha, nga ha u pfunululwa ha Pfundo.

⁵ Minwaha yo fhiraho ndo gidima nga Khayo fhano, miñwaha i todaho u ita ya fumbili yo fhiraho, ndi a humbulela, kana tshiñwe tshithu tsha u ralo, fhedzi nga inwe ndila kana inwe a tho ngo tou fushea kokotolo na khathihi. Ho vhonala hu tshi nga ho vha na zwiñwe zwithu, nga maanda kha aya Mapfundo, ngauri ayo Mapfundo ndi Bugu yothe. Ni a vhona? Ndi Bugu. Bugu yothe ndi Bugu nthihi, yo pfunelwa. I thoma . . .

⁶ Sa tsumbo, arali ndo vha ndi na tshiñwe tshithu fhano, ndo vha ndi tshi do ni sumbedza zwine nda khou zwi amba. [Mukomana Branham u fanyisa u peta na u pfundewa ha tshikurolo, nga u shumisa mabaphathi a bammbiri—Mudz.] *Hafha* hu na pfundo lithihi. Illo ndi linwe, huno ni a li peta nga ndila iyi, nga ndila ye la petwa. Huno ni li peta nga uyu

mukhwa. Huno, vhufheloni, hu na tshipiда tshițuku tshi no khou ḥodzimela nnđa, nga ndila *iyo*. Ilo ndi pfundo la u thoma. Zwo luga, zwenezwo, itsho ndi tshipiда tsha u thoma tsha bugu. Zwenezwo, pfundo li tevhelaho li petwa nga *uyu* mukhwa, heneffho nga thungo yalo. Huno li petwa nga *uyu* mukhwa, vhunga *hafha*. Huno zwenezwo, vhufheloni, heneffha *hafha*, hu na huiwe u ḥodzimela nnđa. Zwi amba, mapfundo mavhili.

⁷ Huno iyo ndi ndila ye Bivhili yothe ya nwaliwa, nga zwikurolo. [Mukomana Branham u pombolola mabaphathi a bammbiri e a vha a tshi khou a shumisa kha tshifanyiso—Mudz.] Huno, ngauralo, u pfuñulula aya Mapfundo, zwi vula zwiphiri zwa Bugu.

⁸ Naa no no swika he na guda kha Yeremia, ndila ye a nwala iyo, vhunzhi ha vhoiñwi ni tshi i nwala fhasi madekwe? Ndila ye ayo mapfundo a nwaliwa nahone a vhewa kule, u itela u vhulunga, u swika o no vhuya nga murahu ha miñwaha ya fusumbe, ya vhuthubwa. O humiselwa murahu huno ha whilwa thundu yawe.

⁹ Huno ndi na vhuñanzi ha u takalela u Li guda. Inwi ni nga si kone... A hu na ndila ya u Li bula ḥothe, ngauri Ndi Ipfi la U Ya Nga Hu Sa Fheli. Huno Ndi Bugu ya U Ya Nga Hu Sa Fheli, ngauralo-ha ri tea u vha na lushaka lwa u rwa mafhethu a n̄tha. Huno ḥamusi, kha u guda, ndo nwala fhasi Mañwalo manzhi u itela uri ni Li gude. Huno nahone... Huno theiphi dzi do dzumbulula zwinzhi Zwało, musi ni tshi guda. Huno hu na zwithu zwinzhi nga maanda!

¹⁰ Arali ndo vha ndi tshi nga ima hafha kha pulatifomo huno nda ni dzumbululela Lone, ndila ye La dzumbululwa kha nne lufherani, nñenñe, zwi do kanukisa. Fhedzi, musi ni tshi swika hafha, no kandeledzea, huno ni tou nga ni fhufha zwithu, huno na lingedza u wana tshipiда tshihulwane kha vhatu, uri vha kone u Li vhona.

¹¹ Nne zwa vhukuma ndi takalela ulwo luimbo lwe Mukomana Ungren a kha di bva u lu imba; *Fhasi U Bva Vhugalani Hawe*. Arali A songo da a tshi bva kha Vhugala Hawe, naa riñe rothe ro vha ri tshi do vha ri ngafhi madekwana a ḥamusi? Ngauralo ri a livhuwa uri U da fhasi u ri thusa.

¹² Zwino, hu na vhanzhi vho imaho, ri do tou dzhaya heneffho nga kha ngomu hafha, zwa—zwa khwinesa zwine ra kona. A thi khou ri ri khou yo dzhaya ri sa imi, fhedzi ndi khou amba uri ri khou yo thoma nga u ḥavhanya u ya nga hune zwa konadzea. Huno zwino kha ri vule, zwino, nga murahu ha...

¹³ Ro vha na ndima ya 1, ya vhu2, ya vhu3, na ya vhu4. Huno ya vhu5, madekwe. Huno madekwana a ḥamusi ri khou thoma kha ndima ya vhu6 ya Nzumbululo.

¹⁴ Zwino, musi ri tshi guda iyi ndima, ri amba nga ha mafhethu o fhambanaho, na kha Ndala na Testamente

Ntswa, u fana, ngauri Bugu yoṭhe ndi nzumbululo ya Yesu Kristo. Ni a vhona? Iyo tshoṭhe ndi nzumbululo ya—ya Murena Yesu, nzumbululo ya Yesu Kristo. Ndi Mudzimu, a tshi Didzumbulula kha Bugu; a tshi Didzumbulula, nga kha Kristo, kha Bugu. Huno Kristo ndi nzumbululo ya Mudzimu. U ḏa u dzumbulula Mudzimu, ngauri Ene na Mudzimu vho vha vha tshi fana. “Mudzimu o vha e kha Kristo, a tshi khou Dipfumēdzanya na shango.” Nga mañwe maipfi, no vha ni tshi ḏo vha ni songo divha zwe Mudzimu a vha e zwone u swika O no Didzumbulula nga kha Kristo; zwenezwo ni nga kona u vhona.

¹⁵ Ndo vha ndi tshi anzela u elekanya, miñwaha yo fhiraho, uri khamusi Mudzimu o ntsinyutshela, fhedzi Kristo o mpfunu. Nda ḏa nda wanulusa, ndi onoyo Muthu muthihi, ni a vhona. Huno Kristo ndi yeneyo mbilu ya Mudzimu.

¹⁶ Huno zwino musi ri tshi guda iyi, ri khou i vhambedza zwino. Bugu tharu dza u thoma dza Bivhili, dza Nzumbululo, dze ra dzi gama nga hoṭhe, ndi zwikhathi zwa tshivhidzo, zwi—zwivhidzo zwa sumbe zwa tshivhidzo. Zwino hu na zwikhathi zwa tshivhidzo zwa sumbe, Mapfundo a Sumbe, Phalaphala dza Sumbe, na Mabulayo, na—na mimuya i songo kunaho vhunga zwiḍula, huno izwi zweṭhe zwi tshimbila zweṭhe.

¹⁷ Nnenñe, nga ndila ine nda takalela u vha na ma—mapa muhuluhūlu, huno nda u ola u buđekanya, nga ndila ine nda u vhona, inwi ni a divha, u tou ri muñwe na muñwe u dzhia hani fhetħu haw. Ndo u ola kha gwati lituku ḥa bammbiri, fhedzi ndi... Inwi ni a zwi divha. Huno tshiñwe na tshiñwe, u swika zwino, tshi rema kokotolo zwi re zwone. Huno na tshifhinga na zwikhathi, vhunga zwo ḏa nahone zwa ṭuwa, huno tshiñwe na tshiñwe tsho ḫumekana ngomu zwo tou ralo lwo fhelelaho. Ngauralo, zwi nga di vha zwi si zwone tshoṭhe, fhedzi ndi zwa khwinesa zwine nda divha nga hazwo, nga inwe ndila. Huno ndi a divha, arali—arali ndi tshi ita zwa khwinesa zwanga, huno nda ita khakho kha u lingedza u ita zwanga zwa khwinesa, na zwa khwinesa zwine nda zwi divha, uri Mudzimu nga ngoho u ḏo nkhangwela u ita... vhukhakhi arali ndo ita zwo khakheaho.

¹⁸ Fhedzi, zwino, idzo bugu tharu dza u thoma ndi dza u thoma, Zwikhathi Zwa Sumbe Zwa Tshivhidzo. Huno zwenezwo ri a wanulusa, kha ndima ya vhu⁴ ya Nzumbululo, Yohane o takulelwa n̄tha. Ni a vhona? Ri vhona zwivhidzo. A hu na zwinzhi zwo ambiwaho nga ha zwikhathi zwa tshivhidzo. Heneffo ndi hune nda elekanya uri vhatu vha khou yo mangala nga maanda. Vha—vha—vha khou shumisa Tshivhidzo kule ngei kha Maṭhupho, kha izwo zwithu zwi no ḏo bvelela. Huno vhunga ndo amba, nga Swondaha, mulovha: tshithu tsha u thoma ni a divha, ayo maṭhupho a ḏo kwasha a dzhena, huno ni ḏo mangala uri ndi ngani ho vha hu

songo... U da ha u thoma ho vha hu U Takulelwa Ṭadulu. Huno zwi do vha vhunga zwe zwa vha zwi zwone: zwo fhira huno a no ngo zwi ḫivha. Ni a vhona?

¹⁹ Zwino, a hu na zwinzhisa zwo fulufhedziswaho itsho Tshivhidzo, itsho Tshivhidzo tsha Vhannda, Muselwa. Zwino, ndi toda vhoiñwi ni tshi zwi vhulunga ḫalukanyoni, hu na tshivhidzo na Muselwa. Ni a vhona?

²⁰ Inwi tshifhinga tshothe ni tea u zwi ita uri zwi gidime nga zwiraru; zwiña zwo khakhea. Zwiraru! Zwiraru, zwa sumbe, zwa mahumi, zwa fumimbili, na zwa fumbiliña, na zwa fuina, zwa fuñhanu, idzo nomboro dzi songo kwashekanywaho. Bivhili ndi...huno Mudzimu u gidimisa Milaedza Yawe nga—nga mba—mbalo dza Bivhili, nga idzo nomboro. Huno inwi ni wana tshiñwe tshithu tshi no fhufha tshi tshi bva kha iñwe ya idzo nomboro, ndi khwine ni tshi sedzesa. Zwi nga si bve nga ndila yone, kha tshithu tshi tevhelaho. Zwi tea u zwi vhuisa murahu hafha kha he na thoma hone.

²¹ Mukomana Vayle, Mukomana Lee Vayle, ene—ene... Ndi elekanya uri u fhano. Ro vha ri tshi khou amba nga liñwe ḫuvha nga ha vhathu vha no bva ḫhirekeni. Hu tou nga u thuntsha gobane. Arali itsho tshigidi tsho linganyiswa nga ndila yo fhelelaho, tsho pfumbiswa nga ndila yo fhelelaho nahone tsho vhoniwa, tshi tea u rwa gobane; nndani ha musi lubobo lu tshi sudzuluwa, kana lwa thwista, kana munzenzero wa tshi posela kule, na huñwe na huñwe... kana maya u tshi vhudzula. Huñwe na huñwe hune tsha thoma hone, hu na ndila nthihi fhedzi ya u ita, ndi u vhuya murahu he tsha ḫutshela ḫhireke, huno na thoma hafhu, arali tshi tshi khou yo rwa gobane. Arali tshi sa iti, mulandu, tshi tou vha tshi sa rwi gobane.

²² Huno iyo ndi ndila kha u guda Luñwalo, ndi a tenda. Arali ri tshi wanulusa ri thoma tshiñwe tshithu hafha, huno a tshi bveli nn̄da nga ndila yone, ni a vhona uri a tshi ralo, iina, ro ita khakho huñwe fhethu, ni tea u vhuya murahu. Ni nga si kone u Li anganya na khathihi nga ḫalukanyo yañu. I tou vha uri a si... .

²³ Ri kha di bva u wanulusa, nga Mañwalo, zwauri a hu na munna ngei Ṭadulu, kana kha lifhasi, kana nga fhasi ha lifhasi, kana ha vhuya ha vha nga u ralo, kana hune ha do vha nga u ralo, ane a nga zwi ita. Ngwana i yothe i nga zwi ita. Ngauralo, u akhamala ha seminar, tshiñwe na tshiñwe tshine tshi nga vha tshone, tshi tou vha tshi si tshithu. Ni a vhona? Zwi dzhia Ngwana u Li dzumbulula, ndi zwenezwo fhedzi, ngauralo ri fulufhela uri U do ri thusa.

²⁴ Yohane, o takulelwa nthia, kha ndima ya vhu4, u vhona zwithu “zwe zwa vha zwi hone, zwi re hone, na zwi no do da.” Fhedzi Tshivhidzo tshi khunyeledza kha ndima ya vhu4. Huno Kristo u dzhia Tshivhidzo, o takulelwa nthia, u ḫangana Nae, huno a sa bvelele hafhu u swika nga ndima ya vhu19, musi

A tshi vhuya murahu na...sa Khosi ya khosi na Murena wa marena, e na Tshivhidzo. Huno zwino, oo, ndi a fhulufhela uri nga liñwe duvha line ri nga zwi fhedza zwoþhe, khamusi A sa athu ða. Arali ri sa iti, ri ðo zwi vhona, nga iñwe ndila, ngauralo a zwi na thaidzo.

²⁵ Zwino, kha iyi ndima ya vhu5, u pfuñululwa ha aya Mapfundo, huno zwino Bugu ya mapfundo a sumbe. Tsha u thoma, ri þoda u vhala Pfundo la u Thoma.

²⁶ Madekwe o fhiraho, u nea muþodo zwiþukunyana fhedzi, ri a wanulusa, uri, musi Yohane a tshi sedza huno a vhona iyo Bugu i tshi kha ði vha zwandani zwa Muñe wa vhubvo, Mudzimu. Ni a elelwa uri Yo xela hani? Nga Adamu. O xedza Bugu ya Vhutshilo, u itela ndivho ya Saþhane, huno a xedza ifa lawe, a xedza tshiñwe na tshiñwe; huno a hu na ndila ya thengululo. Zwenezwo, Mudzimu, o itwa nga tshifanyiso tsha munna, o tsela fhasi huno a vha Murengululi kha riñe, u ri rengulula.

²⁷ Huno zwino ri a wanulusa uri, kha maðuvha o fhiraho, izwi zwithu zwe zwa vha zwi tshi mangadza zwi ðo vulelwa riñe nga maðuvha a u fhedzisela.

²⁸ Zwino ri a wanulusa, hafhu, kha izwi, uri, nga u þavhanya Yohane o no pfa iyi ndivhadzo ya ene—ene Murengululi wa Lushakani uri a ðe na u ðita mbilo Dzawe, ho vha hu si na munna we a vha a tshi nga kona u zwi ita; a hu na munna ngei Taðulu, a hu na munna kha liphasi, a hu na munna fhasi ha liphasi. A hu na we a vha o fanela na u sedza kha Bugu. Itonu elekanya nga ha hezwo. A hu na muthu, na luthihi, we a vha o fanela u I sedza.

²⁹ Huno Yohane a thoma u tswimila. O zwi ðivha izwo, oo, ho vha hu si na tshikhala tsha thengululo tshifhingani itsho. Tshiñwe na tshiñwe tsho kundelwa.

³⁰ Huno nga u þavhanya ri wana u tswimila hawe hu tshi ima, nga u þavhanya, ngauri ho vha ho ðivhadzwa nga liñwe la Mavhanda maña, kana vhahulwane, kha ndi ralo. Muñwe wa vha—vhahulwane a ri, “U songo tswimila, Yohane, ngauri Ndau ya lushaka lwa Yuda yo kunda,” nga mañwe maipfi, “kundani, huno yo phenya.”

³¹ Yohane, a tshi rembuluwa, o vhona Ngwana i tshi bva. U fanela u vha o vha e na malofha huno o tumulwa nahone o vhaisala. Yo no ði vhulawa, yone...a amba, uri, “Ngwana ye ya vhulawa.” Huno, a hu na zwiñwe, yo vha i tshi kha ði vha na malofha; arali no tumula ngwana huno—huno no i vhulaha nga ndila ye iyo Ngwana ya vha i ngayo, nga iñwe ndila. Yo tshetshekanywa ya bva zwipiða kha tshifhambano, mapfumo e nga thungo, huno nala zwandani na milenzheni, na mipfa kha tsie. O vha e kha nyimele i shushaho. Huno iyi Ngwana yo ða, huno ya ya kha Uyo we a dzula kha Khulunoni, we a fara liñwalo la vhune tshoþhe la

Thengululo. Huno Ngwana i a ya ya dzhia Bugu kha tshanda tsha Uyo o dzulaho kha Khuluñoni, huno a dzhia, huno a pfunçulula Mapfundo huno a vula Bugu.

³² Huno musi izwo zwi tshi bvelela, ro wanulusa uri hu fanela u vha ho vha na tshi—tshithu tshihulwane tsho bvelelaho ngei Tađulu. Ngauri, vhahulwane, na vhahulwane vhaña na vha fumbili, na Mavhanda, na—na tshiñwe na tshiñwe ngei Tađulu, tsha thoma u vhidzelela, “Wo fanela!” Huno hafha hu da Vharuňwa, huno vha shululela Midzio ya thabelo dza vhakhethwa. Vhakhethwa vha re fhasi ha aličari vha zhamba, “Wo fanela Iwe, O Ngwana, ngauri Wo ri rengulula, huno zwino Wo ri ita dzikhosi na vhotshifhe, huno ri do vhusa kha lifhasi.” Yawee, nnennen! Huno izwo zwe ralo, musi O vula iyo Bugu.

³³ Inwi ni a vhona, Bugu yo pułanelwa zwa vhukuma huno ya ñwalwa shango li sa athu tehwa. Iyi Bugu, Bivhili, zwa vhukuma yo ñwalwa shango li sa athu tehwa. Huno Kristo, e Ngwana, o vhulahwa shango li sa athu tehwa. Huno mi—mirađo ya Muselwa Wawe, madzina avho o vha o vhewa Buguni ya Ngwana ya Vhutshilo shango li sa athu tehwa. Fhedzi, Yo pfunçelwa, huno zwino Yo dzumbululwa; vhe madzina avho a vha e ngomu henehfo, zwoþhe nga Haþo, nahone tshithu-de tshihulwane.

³⁴ Huno Yohane, musi a tshi zwi vhona, a—a ri, “Tshiñwe na tshiñwe ngei Tađulu, tshiñwe na tshiñwe fhasi ha lifhasi...” Tshiñwe na tshiñwe tsho mu pfa a tshi ri, “Amene, dziphathutshedzo, na khuliso!” Ene zwa vhukuma o vha e na tshifhinga tshihulwane, huno, ngauralo, “Ngwana yo vha yo fanela.”

³⁵ Huno zwino Ngwana yo ima. Zwino, madekwana a namusi, musi ri tshi dzhena kha iyi ndima ya vhu6, U na Bugu tshandani Tshawe, huno a tshi khou thoma u I dzumbulula.

³⁶ Huno, oo, ndo vha ndi tshi do vha namusi zwa vhukuma na... Huno ndi a fhulufhela uri vhathe ndi vha tshimuya. Ndo vha ndi tshi do vha ndo vha na khakho i ofhisaho kha Izwo, arali ho vha hu songo vha, tsini na awara ya fumimbili nthia ha tshithoma ñamusi, musi Muya Mukhethwa wo dzhena lufherani huno wa nkhakhulula kha tshiñwe tshithu tshe nda vha ndi tshi khou tshi ñwala fhasi u tshi amba.

³⁷ Ndo vha ndi tshi khou Li dzhia kha u pfesesa ha kale. Ndo vha ndi si na tshithu Khaþo. A thi divhuri Pfundo la Vhuvhili ndi mini, zwe engedzeaho u fhira u sa vha na tshithu. Fhedzi ndi na u pfesesa ha kale ha tshiñwe tshithu tshe nda amba nga hatsho kha miñwaha yo vhalaho yo fhiraho, huno nda tshi ñwala fhasi. Huno ndo kuvhanganya uhu u pfesesa, u pfesesa hu bvaho kha Dok. Smith, vhadededzi vhanzhi vhahulwane, vha vhonalaho vhe nda—nda i kuvhanganya khavho. Huno

vhone vho^{the} vho tenda izwo, ngauralo ndo zwi nwala fhasi. Huno ndo vha ndi tshi khou dilugisela u ri, “Zwo luga, zwino ndi do Li guda nga uvho vhuiimo.”

³⁸ Huno heneffo, tsini na awara ya fumimbili n̄tha ha tshithoma nga masiari, Muya Mukhethwa wo sokou swiela heneffo fhasi ngomu lufherani, huno tshithu tsho^{the} tsho sokou vulea kha nne, huno heneffo Tshi hone, ni a vhona, tsha ili—tsha ili Pfundo la u Thoma li tshi pfunululwa. Ndi na ngoho vhunga ndo ima hafha madekwana a namusi, uri iyi ndi Ngoho ya Mafhungo-madifha ine nda khou yo i amba hafha. Ndi—ndi tou zwi divha uri ndi zwone.

³⁹ Ngauri, arali nzumbululo yo fhambana na Ipfi, zwenezwo a si Nzumbululo. Huno, inwi ni a divha, hu na zwiñwe zwa zwithu zwine zwi nga vhonala zwi ngoho zwa vhukuma, huno naho zwo ralo a si ngoho. Ni a vhona? Zwi vhonala zwi tshi nga zwo ralo, fhedzi a zwo ngo ralo.

⁴⁰ Zwino, ri wana, Ngwana i na Bugu, zwino. Huno zwino kha ndima ya vhu6 ri a vhala.

Huno nda vhona musi Ngwana i tshi pfunulula linwe la mapfundo, huno nda pfa, vhunga ho vha hu phosho ya wona mubvumo, na tshiñwe tsha zwivhumbwa zwiñga tshi tshi ri, Idha huno u vhone.

Huno nda vhona, huno vhonani bere tshena: na uyo o dzulaho khayo o vha e na vhura; huno khare ya newa ene: huno a ya a tshi fhenya, na u fhenya.

⁴¹ Zwino, ilo ndi Pfundo la u Thoma, line ra khou yo li lingedza, nga tshilidzi tsha Mudzimu, u Li talutshedza madekwana a namusi. Nga zwa khwinesa nga maanda... Huno ndi a limuha uri munna, a tshi khou lingedza u talutshedza Ilo, u khou tshimbila mavuni a khombo arali ni sa divhi zwine na khou ita. Ni a vhona? Ngauralo arali li tshi da kha nne nga nzumbululo, ndi do ni vhudza nga u ralo. Arali ndi tshi tea u zwi dzhia nga kha thalukanyo yanga, zwenezwo ndi do—ndi do ni vhudza izwo ndi sa athu amba nga hazwo. Fhedzi ndi tou vha a re na ngoho, vhunga ndo ima hafha madekwana a namusi, Ilo li da li liswa kha nne, namusi, li tshi bva kha Ramaandaøhe. A thi na ndowelo ya u amba zwithu zwa u ralo, musi zwi tshi da kha itshi tshipida tsha Luñwalo. Ndi—nne ndi...

⁴² Ndi a fhulufhela uri ni a divha zwine nda khou amba nga hazwo zwino, inwi ni a vhona. Zwino, inwi ni a divha, huno ni nga si ambe zwithu... Arali tshiñwe tshithu tshi tshi tea u vha tshi nga hafha tshi sa athu bvelela, inwi—inwi ni nga si kone u tshi amba u swika tshiñwe tshithu tshi tshi vhea henengyeo. Ni a vhona? Naa ni khou vhala? Naa ni khou thetshelesa tshiñwe tshithu? Ni a vhona?

⁴³ Zwino, Pfundo ḥa Vhusumbe, Bugu yo pombwaho i khou vhofhololwa zwino nga Ngwana. Ri sendela afho fhethu madekwana a ḥamusi. Mudzimu, ri thuse. Vhunga Mapfundo a tshi pfundululwa na u vhofhololwa, zwiphiri zwa Bugu zwe dzumbululwa.

⁴⁴ Zwino, inwi ni a vhona, *Iyi* ndi Bugu yo pfundelwaho. Zwino, ri a zwi tenda izwo. Naa a ri ralo? [Tshivhidzo tshi ri, “Amene.”—Mudz.] Ri tenda uri Ndi Bugu yo pfundelwaho. Zwino, na khathihi izwi a ro ngo zwi ḫivha u rangani, fhedzi Yo ralo. Yo pfundelwa nga Mapfundo a Sumbe. Ndi uri, nga murahu ha Bugu, Bugu yo pfundelwa nga Mapfundo a Sumbe.

⁴⁵ Arali ro vha ri tshi khou amba nga ha *ulu* lushaka lwa bugu, zwe vha zwi tshi ḥo nga u vhea tshiṭerepe u budekanya nayo, zwit̄erepe zwa sumbe. [Mukomana Branham u sumbedza bugu sa tshifanyiso—Mudz.] Fhedzi a si *ulu* lushaka lwa bugu.

⁴⁶ Ndi tshikurolo. Huno musi tshikurolo tsho pombololwa, itsho ndi tshone; zwenezwo heneffo kha tshikurolo hu na nomboro ya vhuvhili. Huno heneffha *hafha* I amba zwine Ya vha zwone, fhedzi Ndi tshipphiri. Fhedzi, naho zwe ralo, ro no ḥodisisa Khayo; fhedzi, elelwani, Bugu yo pfundelwa. Huno Bugu ndi Bugu ya tshipphiri, ya nzumbululo. Ndi nzumbululo ya Yesu Kristo, ni a vhona, Bugu ya dzinzumbululo. Huno zwino ni a ḫivha, fhasi nga kha tshikhathi, munna o ḥodisisa huno a lingedza u dzhena ngomu ha Izwo. Riṇe roṭhe ro ralo.

⁴⁷ Huno, naho zwe ralo, nga tshiṇwe tshifhinga, ndi a elelwa... Arali—arali Vho-Bohanon zwe itea vha vha hone, kana—kana vhaṇwe vha vhatu vhavho, a—a thi khou zwi amba nga ha huṇwe u nyefula. Vho-Bohanon ndi khonani ya haṇwani, huno o vha e musuphirithennde wa Public Service musi ndo vha ndi tshi khou shuma heneffo. Musi ndi tshi thoma u tshidzwa, ndo vha ndi tshi khou mu vhudza nga ha u vhala Bugu ya Nzumbululo. A ri, “Ndo lingedza u vhala itsho tshithu,” a amba. Huno Vho-Bohanon vho vha e vhe munna wavhudzi, huno o—o vha e murado wa tshivhidzo. Huno—huno a thi ḫivhi zwe a vha e wazwo, fhedzi o ri, “Ndi elekanya uri Yohane u fanela u vha o vha na tshilalelo tsha phiriphiri tswuku uvho vhusiku, huno a ya mbetenī thumbu yo dala.”

⁴⁸ Nda ri kha ene, naho zwe vha zwi tshi nga vha zwe ndurela mushumo wanga, nda ri, “Naa a ni shoni u amba izwo?” Huno ndo vha ndi tshi tou vha mutukana. Fhedzi nda ri, “Naa a ni shoni u amba izwo malugana na Ipfi ḥa Mudzimu?” Ni a vhona? Naho zwe ralo, huno ndi tshi tou vha ḥwana, hu si zwe engedzeaho u fhira zwi t̄avhanyedzaho...khamusi fumbilinthihi, miṇwaha ya fumbilimbili; huno mushumo u tshi shaea, huno hu na mutsiko. Fhedzi, naho zwe ralo, ho vha hu na nyofho ngomu heneffo, musi ndo...tshingama, ndo vha na

u tshingamela u yela kha Ipfi la Mudzimu. Ndi Ngoho; Ngoho yothe. Ngauralo, ho vha hu si muloro kana tshikandeledzi; ho vha hu si u la ha Yohane.

⁴⁹ O vha e kha Tshitangadzime tsha Patimosi ngauri o lingedza u vhea Ipfi la Mudzimu nga tshivhumbeo tsha bugu, huno o vha e vhuthubwani nga muvhuso wa Vharoma. Huno o vha e kha tshitangadzime, nga Duvha la Murena. Huno a pfa nga murahu hawwe Ipfi la madzi manzhi, huno a rembulutshela u sedza, huno a vhona Zwitomambone zwa Musuku zwa Sumbe. Huno henehfo ho vha ho ima Murwa wa Mudzimu, vhukati havho, zwino.

⁵⁰ Huno, zwenezwo, Bugu ndi nzumbululo. Ngauralo, nzumbululo ndi tshiñwe tshithu tshi no divhadzwa nga tshiñwe tshithu, tshiñwe tshithu tsho dzumbululwaho. Huno zwino, dzhielani nzhele, ngauralo ni nga si zwi hangwe, tsho "valiわho u swika zwifhingani zwa vhufhelo." Ni a vhona? Tshiphiri tshothe Tshalo ndi tsho "valiわho u swika zwifhingani zwa vhufhelo." Ri wana izwo kha Lunwalo hafha.

⁵¹ Zwino, tshiphiri tsha Bugu tshi a dzumbululwa musi Mapfundo a tshi pfuñululwa. Huno musi Mapfundo a tshi pfuñululwa tshothe, tshifhinga tsha thengululo tsho fhela; ngauri Ngwana yo tutshela fhethu ha u rabelela, u tshimbila nn̄da u dzhia mbilo Dzawe. O vha e Mupfumedzanyi, vhukati ha izwo. Fhedzi musi nzumbululo ya vhukuma i tshi bvelela kha Mapfundo, musi A tshi thoma u pfuñululea, Ngwana i bva kha nn̄du khethwa. Ndi u ya nga ha Ipfi. Ro zwi vhala madekwe. U da a tshi bva kha...u bva vhukati, huno a dzhia Bugu, ngauralo Ha tsha vha Mupfumedzanyi. Ngauri, vho vhuya vha Mu vhidza Ndau, huno uyo ndi—uyo ndi Khosi, huno A si Mupfumedzanyi nga itscho tshifhinga.

⁵² Naho, vhatambi vha aya Mapfundo vha thoma kha tshikhathi tsha u thoma. Zwino elelwani, ngauralo inwi—inwi ni do wana zwa muñodo wazwo nga ndila yo fhelelaho, arali ri tshi nga kona, kana nga hothe nga hune zwa konadzea. "Vhatambi," ndi do zwi vhea nga u ralo ngauri mutambi ndi munna a no tshintsha zwidzumbatshifhañuwo. Ni a vhona?

⁵³ Huno kha iyi nyito, madekwana a ñamusí, ri khou yo vhona uri ndi Sañhane a no tshintsha tshidzumbatshifhañuwo tshawe. Huno, vhothe, vhatambi.

⁵⁴ Kristo, a tshi khou tambo tshipiða tshe A ita, musi A tshi bva kha Muya u ya kha muthu, Ó ambara fhedzi tshiambaro tsha mutambi, ñama ya muthu, huno a da phasi nga tshivhumbeo tsha Munna, u itela uri a vhe Murengululi wa Lushakani.

⁵⁵ Zwino—zwino, inwi ni a vhona, ndi tshivhumbeo fhedzi tsha mutambi. Itscho ndi tshone tshi itisaho uri zwothe zwi vhe zwifanyiso na sy...na ndila ine zwa vha ngayo hafha, vhunga

mavhanda, na dziphukha, na zwinwe-vho. Ndi nyito. Huno avha vhatambi vha thoma kha tshikhathi tsha u thoma tsha tshivhidzo, ngauri ho vha hu Kristo a tshi khou Didzumbulula kha zwikhathi zwa sumbe zwa tshivhidzo. Zwino ni a zwi pfectes? [Tshivhidzo tshi ri, "Amene."—Mudz.] Zwo luga. Ni a vhona? Kristo u khou Didzumbulula kha zwikhathi zwa sumbe zwa tshivhidzo.

⁵⁶ Zwenezwo, nga kha izwi zwikhathi zwa tshivhidzo, hu na phusuphusu khulwane i no da. Zwenezwo, vhufheloni ha tshikhathi tsha tshivhidzo, Mulaedza wa muruňwa wa vhusumbe ndi u doba zwiphiri izwi two xelaho na u zwi nekedza kha Tshivhidzo. Ni a vhona? Zwino ri do dzhiela nzhele izwo.

⁵⁷ Fhedzi a si nga itsho tshifhinga he zwa dzumbululwa nga tshiimo tshazwo tsha ngoho. Zwino, zwifhingani zwa Bivhili, zwiphiri two vha zwi hone, huno vho vhona izwi zwithu zwi tshi bvelela nga ndila ye Yohane a zwi vhona hafha. Zwino o ri, "Hu na munameli wa bere tshena." Fhedzi, zwine tshiphiri tshazwo tsha vha zwone ndi, hu na tshiphiri tshi no tshimbila na uyo munameli. Zwino, zwe zwa vha zwi zwone, vho vha vha sa divhi, fhedzi zwi tea u dzumbululwa. Fhedzi zwi tea u dzumbululwa nga murahu ha musi Ngwana i tshi ḫutshela Khulunoni ya Khotsi, ya u rabelela Hawe sa Murengululi wa Lushakani.

⁵⁸ Ndi khou yo posela tshinwe tshithu tshiṭuku ngomu hafha. Zwino, arali nnyi na nnyi a tshi wana idzi theiphi... Muňwe munna a nga amba tshiňwe na tshinwe tshine a ḫoda. U na pfanelo kha tshiňwe tshithu u ya nga ha muhumbulo wawe. Fhedzi arali... Inwi ni a divha, arali mushumeli a sa ḫodi izwi vhukati ha vhatu vhawé, zwenezwo vha vhudzeni uri vha sa zwi dzhie. Fhedzi ndi—ndi... Izwi zwi vhukati ha vhatu vhe nda rumelwa u amba navho, ngauralo-ha ndi fanela u dzumbulula uri Ngoho ndi ifhio. Ni a vhona?

⁵⁹ Zwino, Ngwana, nga tshifhinga tsha u rabelela murahu *hafha*, O divha uri ho vha hu na madzina ngomu heneffo e a vhewa ngomu heneffo u bva tshee shango la tehwa. Huno samusi ayo madzina na khathihi a sa athu vhonadzwa kha lifhasi, O do tea u dzula heneffo sa Murabeleli. Naa ni a zwi wana? [Tshivhidzo tshi ri, "Amene."—Mudz.] Lwo fhelelaho, nga u ta! Ni a vhona? Zwo luga. O do tea u dzula heneffo, ngauri O da u fela avho vhe Mudzimu a vha odeinela kha Vhutshilo Vhu Sa Pheli. Ni a vhona? Ni a vhona? Nga u divhela phanda Hawe, O vha vhona. Hu si nga lufuno Lwa Ene muňe; lufuno Lwawe lwo vha lu lwa uri hu songo lovha muthu. Fhedzi nga u divhela phanda Hawe O divha uyo a no do ralo na uyo ane a sa do ralo. Ngauralo-ha, samusi ho vha hu na dzina lithihi le la si ralo, na khathihi a li athu divhadzwa—divhadzwa kha lifhasi, Kristo o do tea u dzula heneffo sa Murabeleli, u londa ilo dzina.

⁶⁰ Fhedzi nga u t̄avhanya ilo dzina la u fhedza lo no t̄aniwa kha iyo Clorox kana bilitshi, zwenezwo maduvha Awe a u rabelela o vha o no fhela. “I ri ni uyo a re na tshika a vhe na tshika. I ri ni uyo a re mukhethwa, ene u kha di vha mukhethwa.” Ni a vhona? Huno U t̄utshela nndu khethwa huno zwenezwo i vha Tshidzulo tsha Khaṭhulo. Khombo kha avho vha re nga nndā ha Kristo tshifhingani itsho!

⁶¹ Zwino dzhielani nzhele, fhedzi Li tea u dzumbululwa musi Ngwana i tshi t̄utshela fhethu Hayo ha u rabelela i tshi bva ha Khotsi. Zwino, iyo ndi Nzumbululo ya vhu5. Zwino U dzhia Bugu ya Mapfundo, Bugu ya Mapfundo, kana Bugu i re na Mapfundo, u a a pfunulula huno a a sumbedza. Sedzani. Vhufheloni ha tshikhathi zwino, nga murahu ha musi u rabelela ho no fhela, zwikhathi zwa tshivhidzo zwe no di khunyelela.

⁶² U a dzhena ngomu, nga tshikhathi tsha u thoma, Tshikhathi tsha Efeso; a dzumbulula, a rumu mudinda.

⁶³ Dzhielani nzhele zwine zwa bvelela, musi ri tshi ya phanda. I hafha pulane yazwo. Tshithu tsha u thoma tshi a bvelela, hu na ndi—ndi—ndivhadzo ngei Maṭadulu, u thoma. Naa hu bvelelani? Pfundo li a pfunululwa. Naa ilo ndi mini? Tshiphiri tshi a petuluwa. Ni a vhona? Huno musi tshiphiri tshi tshi petuluwa, zwenezwo lufhalafhala lu a lila. Lu divhadza nndwa. Bulayo li a wa, huno tshikhathi tsha tshivhidzo tshi a pfunululea. Ni a vhona?

⁶⁴ Naa tshipida tsha “nndwa” ndi tshifhio? Muruňwa wa Tshivhidzo ū fara tshiphiri tsha Mudzimu, tshi sa athu dzumbululwa nga vhuđalo. Fhedzi, musi a tshi ita, u fara itshi tshiphiri tsha Mudzimu, huno zwenezwo u bvela phanda kha vhatu nga murahu ha musi tshiphiri tsho no newa ene. Ū bvela phanda kha vhatu! Naa u itani ngeyo nndā? U thoma u huwelela uyo Mulaedza. Huno zwi thomanī? Nndwa, nndwa ya tshimuya.

⁶⁵ Huno zwenezwo Mudzimu u dzhia mudinda Wawe, na Vhanangiwa vha itsho tshikhathi, huno a vha vhea kule, vha edela. Huno zwenezwo U wisa bulayo khavho vho Li landulaho; khaṭhulo ya tshifhinganyana.

⁶⁶ Huno zwenezwo nga murahu ha musi izwo zwe no fhela, zwenezwo zwi bvela phanda, huno vha a dinomineitha, huno vha dzhenisa ngomu dzidinomineisheni, huno vha thoma mushumo wa uyo munna, vhunga wa Wesley na vhaňwe vhothe vhavho. Huno zwenezwo u dzhenisa zwothe kha khakhathi ya phosho hafhu.

⁶⁷ Huno zwenezwo tshiňwe tshiphiri tshi a da. Zwenezwo ho bvelelani? Muňwe mudinda u swika kha lifhasi, u itela tshikhathi tsha tshivhidzo. Ni a vhona? Zwenezwo, musi a tshi swika, u lidza lu—lufhalafhala. U divhadza nndwa. Ni a vhona? Huno zwenezwo hu bvelelani? Mafhedziselonī,

zwenezwo, u a fariwa. Huno zwenezwo musi a tshi vhewa kule, zwenezwo bulayo li a wa, li a vha tshinyadza. Lufu lwa tshimuya lu rwa tshivhidzo, huno tsho ḥuwa, itsho tshigwada.

Zwenezwo U ya kha tshiñwe. Oo, ndi pułane khulwane!

⁶⁸ U swika, zwi tshi ḫa kha uyo muruñwa wa u fhedza. Zwino, ha na tshiñwe tshiphiri tsha vhukuma. Fhedzi u kuvhanganya zweþe zwo xelaho kha izwo zwiñwe zwikhathi, Mafhungo-ngoho oþe e a vha a sa athu dzumbululwa nga ngoho, ni a vhona, sa nzumbululo i tshi ḫa, zwenezwo u dzumbulula izwo zwithu nga ḫuvha ḫawé. Aráli ni tshi ḫoða u zwi vhala, zwi henefho. Nzumbululo 10, 1 u ya... 1 u ya kha ya 4, ni do zwi wana. Zwo luga. Ni a vhona? "U dzhia Bugu na, zwa Mapfundo, huno a a pfunulula," huno a sumbedza muruñwa wa vhusumbe; u itela uyu fhedzi, zwiphiri zwa Mudzimu, ndi mushumo wa muruñwa wa vhusumbe. Zwino, ri kha ñi bva u ña nga zwikhathi zwa tshivhidzo, na divhazwakale, huno ra sumbedza izwo. Ni a vhona? Ndi mu—Mulaedza wa muruñwa, wa tshivhidzo tsha vhusumbe, zwo luga, u dzumbulula zwiphiri zweþe zwe zwa vha zwi hone tshifhingani tsho fhiraho, zwithu zweþe zwe zwa vha zwi hone tshifhingani tsho fhiraho. Nzumbululo 10:1-7, zwi no do ralo. Zwino, elelwani, "Maduvhani a muruñwa wa vhusumbe, u huwelela hawe, a tshi thuthubisa lufhalafhala lwa Mafhungo-maðifha, u tea u khunyeledza zwiphiri zweþe zwa Mudzimu."

⁶⁹ U tou fana, hafha hu ña, kha zwikhathi zwa u ranga zwa tshivhidzo. Ri ño zwi wana, nga murahu ha tshikhathinyana, pfunzo. Huno, zwenezwo, zwi vha liambele, u thoma; zwenezwo pfunzo; huno zwenezwo ya vha ndaela; zwenezwo ya vha tshivhidzo, na nga kha zwikhathi zwa swiswi.

⁷⁰ Zwenezwo nga nn̄da ha zwikhathi zwa swiswi hu ña tshandululo ya u thoma, Luther. Huno o ñisa, nae, tshaka dzoþe dza zwithu zwi mangadzaho zwe zwa bvelela nga itsho tshikhathi tsha tshivhidzo, zweþe murahu ngomu henefho zwenezwo, fhedzi na khathihi ho ngo zwi khunyeledza.

⁷¹ Zwenezwo ha mbo ña Wesley, e na khethefhadzo, a wana zwo engedzeaho zwayo. Nangwe, na khathihi ho ngo zwi khunyeledza; a ḫutshela magumo o vhofholowaho huñwe na huñwe, vhunga u shasha vhudzuloni ha ndovhedzo. Huno Luther a dzhia "Khotsi, Murwa, Muya Mukhethwa" vhudzuloni ha "Murena Yesu Kristo." Izwi zwithu zweþe zwo fhambanaho!

⁷² Zwenezwo ha mbo ña tshikhathi tsha Pentekoste, tshi na ndovhedzo ya Muya Mukhethwa, huno vha ita zwa vhutsilu fhasi khazwo. Zwino, hu nga si kone u vha na zwikhathi zwo engedzeaho. Izwo ndi zwone zweþe. Iyo ndi Philadelphia...kana, zwino, Tshikhathi tsha Laodikea. Fhedzi zwenezwo yone...

⁷³ Ra wana, kha u guda Luñwalo, uri mudinda kha tshikhathi u da heneffo vhufheloni ha tshikhathi, tshifhinga tshothe. Paulo u da vhufheloni ha tshikhathi. Ri a wanulusa uri Irenaeus u da kha vhufhelo ha tshikhathi. Martin, vhufheloni ha tshikhathi. Luther, vhufheloni ha tshikhathi tsha Katolika. Huno (mini?) Wesley vhufheloni ha tshikhathi tsha Luther. Huno Pentekoste vhufheloni ha tshikhathi tsha khethefhadzo, u ya kha ndovhedzo ya Muya Mukhethwa.

⁷⁴ Huno vhufheloni ha tshikhathi tsha Pentekoste, ri tea u ḥanganedza, u ya nga Ipfi, vhunga Mudzimu a tshi nthusa madekwana a namusi u ni sumbedza, nga kha hafha, uri ri tea u vhona, u ḥanganedza mudinda a no do dzhia ayo magumo o vhofholowaho othe ngeyo nn̄da huno a dzumbulula tshiphiri tsha Mudzimu tshothe, u itela u takulelwa ḥadulu ha Tshivhidzo.

⁷⁵ Huno zwenezwo hu khou da Mibvumo ya sumbe i mangadzaho ine ya vha uri a yo ngo nwaliwa na luthihi. Izwo ndi zwone. Huno ndi a tenda izwo, nga kha iyo Mibvumo ya Sumbe, zwi do dzumbululwa maquvhani a u fhedzisela u itela u kuvhanganya Muselwa fhethu huthihi u itela lutendo lwa u takulelwa ḥadulu. Ngauri, zwine ra vha nazwo zwa zwino, ri-ri nga si kone u zwi ita. Hu na tshiñwe tshithu. Ri tea u kandela kule. Riñe, ri nga si kone u vha na lutendo lwo edanaho lwa phodzo ya Muya, na zwiñkuñuku. Ri tea u vha na lutendo lwo edanaho u shandukiswa, nga tshikhathinyana, huno ra swielwa nn̄da ha ili lifhasi. Huno ri do wana uri, nga murahu ha tshikhathinyana, Murena a tshi funa, ra wana he La nwaliwa hone.

⁷⁶ Zwenezwo, khañhulo dzothe dza avha vhadzia-u-tshinya! Zwino, vhonani, u tsa fhasi nga kha zwikhathi zwa aya Mapfundo, a tshi khou pfunululwa, u swika zwino Pfundo la u fhedza li tshi pfunululwa. Huno zwino musi vha—musi vho vha vha tshi khou sedza ngomu kha aya Mapfundo huno vha sokou dzhia nga u ralo, vha tshi sokou dzhia nga u ralo zwe vha vha vha tshi khou ita. Zwino, vhufheloni ha zwikhathi, zwa zwikhathi zwa tshivhidzo, avha vhadzia-u-tshinya vhothe vha do vha hone huno vha ranga phanda kha Mat̄hupho; avha vhadzia-u-tshinya vha aya Mapfundo a Sumbe, o vhaho a tshi khou shuma tshivhidzoni nga ndila i mangadzaho.

⁷⁷ Huno ri do wanulusa, nga muniti, zwo vhuya zwa shuma nga dzina la tshivhidzo. Vha ñivhidza, “Tshivhidzo.” Huno inwi ni tou vhonana arali izwo zwi si zwone. A zwi mangadzi ndo vha a hanedzanaho na dinomineisheni, ndi sa ñivhi uri ndi ngani. Ni a vhonana? Ni a vhonana?

⁷⁸ Vha a guma. Zwino, zwi thoma murahu hafha nga tshivhumbeo tsho dzikaho, huno zwa dzulela u ñana u vhifha na u vhifha, u ya phanda fhasi u swika... Huno vhatu vha dzhena heneffo ngomu hazwo, vha tshi ri, “Oo, ee, *itshi* tshi

tou vha tshavhuđi.” Fhedzi mađuvhani a u fhedzisela, izwi zwithu zwi a ñivhadzwa. Huno mafhedziseloni zwone zwi vha zwe vhifhaho nga maända u swika vha tshi ya thwii ngomu ha phiriodi ya Mathupho.

⁷⁹ Huno munna a nga amba hani uri Muselwa wa Kristo u dzhena kha Mathupho? A thi zwi pfectesi. Ni a vhona? O tuwiswa kha Mathupho. Arali—arali Tshivhidzo tsho no hañuliwa, huno vho no hañula vhone vhanë huno vho ñanganedza Malofha, naa Mudzimu a nga hañula hani munna a si na tshivhi o fhelelaho, tshothe-tshothe?

Inwi ni ri, “A hu na muthu o raloho.”

⁸⁰ Mutendi muñwe na muñwe o bebwaho hafhu, mutendi wa ngoho, o fhelelaho, zwa vhukumakuma ha na tshivhi phanda ha Mudzimu. Ha khou fulufhela kha mishumo yawe; kha Malofha a Yesu, uri u bula hawe ho wela ngomu. Bivhili i amba nga u ralo. Ni a vhona? “Uyo o—o bebwaho nga Mudzimu ha iti tshivhi, ngauri ha koni u ita tshivhi.” Naa ni nga ita hani munna muitazwivhi musi bilitshi ya Malofha a Yesu Kristo i vhukati hawe na Mudzimu? Izwo zwi do balanganya tshivhi u swika hu si na tshithu tsho salaho tshatsho. Ni a vhona? Naa Malofha o ñambaho a Kristo a nga tendela hani tshivhi u fhira henehfo? A nga si kone.

⁸¹ Yesu o ri, “Ivhani vho fhelelaho, vhunga Khotsi anu a re Tađulu o fhelela.” Huno ro vha ri tshi nga thoma hani muhumbulo wa u vha vho fhelelaho? Fhedzi Yesu o hu ñoda. Huno arali Yesu o hu ñoda, U tea u hu itela ndila. Huno O ralo; Malofha A Ene muñe!

⁸² Zwino, zweithe, zwi dzumbulula zwiphiri zweithe zwe no fhiraho tshifhingani tsho fhiraho. Zwino, muhumbulo ndi, hafha tshifhingani tsha vhufhelo, uri zwiphiri zwi no thoma murahu kule ho fhiraho huno zwe no da fhasi nga kha zwikhathi zwa tshivhidzo, zwi tea u dzumbululwa fhano kha u pfuñululwa ha Mapfundo, fhano nga mađuvha a u fhedzisela, nga murahu ha tshifhinga tsha u rabelela tshi tshi kha di bva u khunyeleta, nga itsho tshifhinga.

⁸³ Zwenezwo, khañhulo dzi lindela avho vha re murahu. Vha ya nnđa ngomu ha hezwo. Izwo ndi nga murahu ha musi Muselwa o no di bvísma vhuponi.

⁸⁴ Oo, kha ri vhale Luñwalo. Vhoinwi nothe ni a takalela u nwala fhasi mañwe Mañwalo? Kha ri dzhie Vhathesalonika Vha Vhuvhili, lwa tshikhathinya, huno ri sedze hafha lwa muniti fhedzi. I—i tou vha tshifanyiso tsho nakaho hafha! Ndi a tshi funa. Huno kha ri vhone. Ee, Vhathesalonika Vha Vhuvhili. Huno ndi ñoda ndima ya vhu2 ya Vhathesalonika Vha Vhuvhili, na ndi—ndimana ya vhu7. Kha ri vhone. Vhathesalonika Vha Vhuvhili 2:7. Ndi elekanya uri iyo ndi yone, zwino. Ndo vha ndi tshi khou ñwala izwi fhasi, ndi tshi tetemela na u dzinginyea.

*...tshiphiri tsha vhutshinyi tsho no thoma u shuma:
fhedzi uyo a...a no tendela u do tendela, u swika a
tshi bviswa ndilani.*

⁸⁵ Nnyi? "Uyo a no tendela." Ni a vhona? Ni a vhona, tshiphiri, "tshiphiri tsha vhutshinyi," murahu kule kha itsho tshikhathi tsha u thoma tsha tshivhidzo fhano. Hafha hu na Paulo u khou nwala, a tshi ri, "Tshiphiri tsha vhutshinyi." Naa vhutshinyi ndi mini? Vhutshinyi, ndi tshiñwe tshithu tshine na ñivha uri a ni tei u tshi ita, huno na tshi ita naho zwe ralo. Huno Paulo o amba uri hu na tsho raloho lifhasini ñamusi, vhashumi vha vhutshinyi. Oo, arali inwi... Ri khou yo swika kha... Kha ri vhale itsho tshipida, lwa muniti. Thomani u ya phanda zwiñku, ndimana ya vhû3.

*Hu songo vha na munna a no ni fhura nga inwe ndila:
ngauri ilo ñuvha a li nga ñi, nnñani ha musi hu tshi da u
wa u thoma, huno uyo (m-u-n-n-a) munna wa tshivhi u
do dzumbululwa, murwa wa tshinyalo; (izwo ndi zwone)*

*Ane a hanedza na u hulisa ene muñe u fhira zwe ñe
zwi no pfi Mudzimu, kana zwi no luvhiwa; uri ene
sa Mudzimu o dzula thembeleni ya Mudzimu, a tshi
sumbedza ene muñe uri ndi ene Mudzimu, a tshi
hangwela zwivhi.*

*Ni a elelwa, zwe, musi ndi na vhoinwi, ndo ni vhudza
izwi zwithu?*

⁸⁶ Ndi do takalela u vha na vhudzulo fhasi ha dzinwe pfunzo dzawe. Naa inwi a ni nga do ralo?

*Huno zwino inwi ni a ñivha tshi no thivhela uri a
kone u dzumbululwa nga tshifhinga tshawe.*

⁸⁷ Hu si zwenezwo, ni a vhona, hu si zwenezwo; fhedzi, "nga tshifhinga tshawe," ni a vhona, kha u pfunululwa ha ilo Pfundo. Ri a ñivha kokotolo zwe zwa vha zwi zwone. Naa ndi nnyi uyu munna wa vhutshinyi? Naa ndi nnyi uyu munna wa tshivhi, uyu muthu a no khou shuma vhutshinyi? "Fhedzi a dzumbululwe nga tshifhinga tshawe."

*Ngauri tshiphiri tsha vhutshinyi tshi vho shuma
(vhafhuri, inwi ni a vhona, hu tshi fhurwa vhatatu kha
tshiñwe tshithu, ni a vhona); fhedzi ene (Mudzimu) a
no do tendela u do tendela, u swika ene (Tshivhidzo,
Kristo, Muselwa) a tshi ñuwiswa ndilani.*

Huno zwenezwo uyo Muvhi u do dzumbululwa,...

⁸⁸ Kha u pfunululwa ha Pfundo, "nga tshifhinga tshawe." Paulo o ri, "Hu si nga tshifhinga tshanga, fhedzi nga tshifhinga tsha musi a tshi do dzumbululwa." Ni a vhona?

*...ane Murena a do mu la nga maya wa mulomo
wawe,...*

⁸⁹ Ri khou do swika kha izwo nga murahu ha tshikhathinyana, “muya wa mulomo wawe.” Sedzesani uri itsho ndi mini.

...*huno a do tshinyadza nga lupenyo lwa u da hawe:*

Na ene, ane u da hawe hu nga murahu ha u shuma ha Sathane...

⁹⁰ Ene, “ene,” munna ane u shuma hawe ha vha nga murahu ha mushumo wa Sathane.

...*nga maanda othe na zwiga na zwimangadzo zwa mazwifhi,*

Na vhufhura hothe ha u sa luga, a tshi fhura vhathu nga u sa luga, kha avho vha no lovha (hu si Muselwa uyu), *kha avho vha no toda tshithu tsho raloho; ngauri a who ngo tanganedza lufuno lwa ngoho,...*

⁹¹ Huno Kristo ndi Ngoho, huno Kristo ndi Ipfi; fhedzi vha do namba vha vha na ndaela. Huh! Ni a vhona?

...*uri vha kone u tshidzwa.*

Huno nga itshi tshivhangi Mudzimu o no vha rumela zwi fhurahu zwa maanda, zwa uri vha tea u tenda ma—mazwifhi:

⁹² Zwi tea u ḥalutshedzwa henefho, musi ndi tshi sedza kha ḥalusamaipfi, “one mazwifhi,” hu si “mazwifhi.” “One mazwifhi,” eneo mathihi e a a vhudza Efa.

Uri vhone...vha latiwe vha songo tendaho ngoho, fhedzi vha vha na u takalela u sa luga.

⁹³ Ndi tshitatamennde-de nandi! Nnenne! Nga murahu ha musi Muselwa o no ḥuswa, zwenezwo uyu munna wa tshivhi u do di dzumbulula.

⁹⁴ Ene, Muselwa wa ngoho wa Kristo, o nangiwa kha tshikhathi tshiñwe na tshiñwe tsha tshivhidzo.

⁹⁵ Zwino, nga liñwe ḫuvha ndo ita tshitatamennde, “Muselwa a nga ya Hayani huno inwi a ni nga ḫivhi tshithu nga hazwo na khathihi.” Izwo ndi ngoho.

⁹⁶ Muñwe muthu o ri, “Zwo luga, Mukomana Branham, itsho tshi do vha tshigwada tsha maanda tshiñuku.”

⁹⁷ Yesu o ri, “Sa zwe zwa vha zwi zwone maduvhani a Noaxe,” zwino inwi ambani Nae nga hazwo, ni a vhona, “he mimuya ya malo ya tshidzwa nga madi, zwi do ralo kha u Da ha Murwa-muthu.” Arali vho vha vhe mađana a malo vhe vha dzhena kha u Takulelwa Ṭadulu madekwana a ḥamusi, inwi no vha ni si nga pfi ipfi nga hazwo matshelo, kana nga ḫuvha li tevhelaho, kana nga tshiñwe tshifhinga-vho. Vha do vha vho ḫuwa huno a ni nga ḫivhi tshithu nga hazwo. Ni a vhona, zwi do tou vha tshithu tshithihi.

⁹⁸ Naa ndi khou lingedza uri mini? A thi khou lingedza u ni shushedza, u ita uri ni vhilaele. Ndi—ndi ḥoda ni tshi fhaṇuwa. Dilugiseni, ni tshi khou sedzesu, muniti muṇwe na muṇwe. Litshani vhuṭafuṭafu hanu. Itonu tsela fhasi kha mushumo wa Mudzimu, ngauri ho no lengiwa u fhira nga hune na elekanya.

Zwino, inwi elelwani, Muselwa wa ngoho!

⁹⁹ Zwino, hu na muselwa wa khole-khole. Ri wana uyo kha Nzumbululo 17. O ri, “Ndi tshilikadzi, huno a thi na tshine nda ḥoda,” inwi ni a vhona, o dzula kha ili livhanda la muvhala mutswukutswuku, na zwiṇwe-vho, livhanda, kha ndi ralo.

¹⁰⁰ Zwino, fhedzi Muselwa wa ngoho u do itwa nga vhatu vha zwigidi zwi tshi andiswa nga zwigidi, fhedzi hu do vha Vhanangiwa vha bvaho kha tshikhathi tshiṇwe na tshiṇwe tsha tshivhidzo. Tshifhinga tshiṇwe na tshiṇwe mulaedza u tshi bva, huno vhatu vho zwi tenda huno vha zwi ṭanganedza nga Tshedza tshoṭhe tshe zwa vha zwi ngatsho, musi vho vha vho pfunelwa u swika nga ilo Duvha la Thengululo.

¹⁰¹ Naa Yesu ha funzi zwenezwo zwithihi, musi A tshi ri, “Mu—mubvumo u da nga tshi—tshifhinga tsha vhusumbe”? Itsho ndi tshikhathi tsha u fhedza tsha tshivhidzo. Ni a vhona? Huno ha pfi, “Vhonani, Muhwe u a da; ibvani ni yo Mu ṭanganedza.”

¹⁰² Huno zwenezwo musidzana o edelaho a da, a fluluṭa maṭo awe, huno a ri, “Ndi dzhia uri ndi tea u vha na maṇwe a hayo Mapfura, na nne-vho, ngauralo khamusi ndi khwine ni tshi vha na maṇwe.”

¹⁰³ Huno Muselwa wa vhukuma, wa ngoho o ima henefho, a ri, “Ri na o edanaho riṇe vhaṇe. Uh-huh. Ri tou vha na o edanaho u dzhena ngomu, riṇe vhaṇe. Ri nga si kone u ni nea tshithu. Arali ni tshi ḥoda maṇwe, iyani u rabela nt̄ha.”

¹⁰⁴ Huno musi o no ḥuwa, Muhwe a da, huno nga ngomu ha dzhena Muselwa. Huno zwenezwo ayo masalela e henefho, avho vhe vha vhe vhavhuḍi zwa vhukuma, tshivhidzo, vha siiwa nn̄da. Huno A ri, “Hu do vha na u tswimila, na u lila, na u shenganya mano.”

¹⁰⁵ Ni a vhona, zwino, avho ndi Vhanangiwa. Huno musi mubvumo u tshi da, “Muhwe u a da,” zwenezwo muṇwe na muṇwe wa avho vhe vha edela fhasi kha izwo zwikhathi, vha vuwa, muṇwe na muṇwe. Ni a vhona, a si Mudzimu, vhunga ri tshi do elekanya, ri khou tou ya u Mu zwima kha vhatu vha si gathi vha tshigidi vha tshino tshikhathi huno a vha dzhia. Ndi vhenevho Vhanangiwa vha bvaho kha tshikhathi tshiṇwe na tshiṇwe. Huno itsho ndi tshone tsho itisaho uri Kristo a dzule kha tshidzulo tsha vhupfumedzanyi ngeno murahu, sa Murabeleli, u swika wa u fhedzisela a tshi da kha tshikhathi tsha u fhedzisela. Huno idzi nzumbululo zwenezwo, dza zwe

zwa vha zwi hone, dzi a pfuṇululea phanda ha vhatu, huno vha a vhona zwe zwa bvelela. Ni a vhona? Inwi ni a zwi wana zwino? [Tshivhidzo tshi ri, “Amene.”—Mudz.] Zwo luga.

¹⁰⁶ Dzhielani nzhele, “Vhafu vho salaho,” mirado ya tshivhidzo, “a vho ngo tshila hafhu u swika miñwaha ya tshigidi yo no fhira.” Mirado ya tshivhidzo, vhone—vhone Vhakriste, tshivhidzo, a vho ngo tshila hafhu u swika vhufheloni ha miñwaha ya tshigidi. Huno zwenezwo vha a da u ima phanda ha Muselwa, izwo ndi zwone, u ima phanda ha Khosi na Khosikadzi. Vhugala!

Tshiñwe tshivhidzo ḥamusí tshi ḥividzsa, “Khosikadzi ya Tađulu.”

¹⁰⁷ Khosikadzi ya Tađulu ndi Muselwa wa Kristo o nangiwaho, huno U da Nae. Daniele o zwi vhona, huno a ri, “Zwigidi zwa fumi zwi andiswa nga zwigidi zwa fumi zwi tshi Mu shumela.” Zwino arali ni tshi do sedzesu Luñwalo heneffo, kha Daniele, “khaṭhulo ya vhewa, huno bugu dza vuliwa.” Zwino elelwani, musi A tshi da, U da na Muselwa Wawe. Mufumakadzi u shumela munna wawe. “Huno vha zwigidi zwa fumi zwi tshi andiswa nga zwigidi zwa fumi zwa zwigidi vha Mu shumela. Khaṭhulo ya vhewa, huno bugu dza vuliwa.” “Huno iñwe bugu ya vuliwa, ine ya vha bugu ya Vhutshilo,” hu si Muselwa, na luthihi. O no di gonyela n̄tha huno a vhuya, huno o ima heneffo kha khaṭhulo ya iyo mirafho yo hanaho Mulaedza wa Mafhungo-mađifha.

¹⁰⁸ Naa Yesu ho ngo amba? “Khosikadzi ya Vhurwa i do vuwa na uyu murafho mađuvhani ayo, nga Khaṭhulo, huno u do laṭa uyu murafho; ngauri o bva a tshi bva kha zwipiđa zwa kule zwa shango, u pfa vhuṭali ha Salomo, huno a fhiraho Salomo u fhano.” Heneffo ho ima kha—khaṭhulo, khosikadzi ya—ya Sheba, ya Vhurwa, yo ima heneffo kha Khaṭhulo, na vhuṭanzi hayo.

¹⁰⁹ A hu na Muyuda na muthihi we a da na uyo murafho we wa vha u wa Vhayuda. Huno vho vha vho pofula, huno A vha misa. Ngauri, vho vha vha tshi khou ṭoda Ene, fhedzi O da nga u nyadzea nga maända lwe vha ya thwii nga n̄tha hazwo, nga u ralo.

¹¹⁰ Huno, heneffo, iyo khosikadzi khulwane ya ḥiṭukufhadza, huno ya da huno ya ḥanganedza mulaedza. “Huno u do ima Khaṭhuloni,” A ri, “huno a laṭa uyo murafho.”

¹¹¹ Zwino ni vhona kilasi tharu, tshifhinga tshoṭhe. Bugu, vhafu vho haṭulwa; iñwe bugu, bugu ya Vhutshilo, avho vho vhaho vhe na madzina avho buguni ya Vhutshilo.

¹¹² Vha ri, “Arali dzina ḥanu li kha bugu ya Vhutshilo, lo luga, uh?” Hai, muñe wanga!

¹¹³ Sedzani, Yudasí Iskariote o vha e na dzina ḥawé kha bugu ya Vhutshilo. Zwino ni ri izwo zwo khakhea? Yesu, kha Mateo

10, o vha ḥea maanda a u pandela vhodiabolo, huno a vha ruma u yo fhodza vhalwadze, na u ḥanzwa vha mapele, na u vusa vhafu. Huno vha bva, huno vha vhuya murahu, Yudasí e navho. Huno vha pandela vhodiabolo, huno vha ita tshaka dzoṭhe dza madembe. Huno vha humela murahu, huno vha ri, “Na vhodiabolo vha a ri thetshelesa.”

¹¹⁴ Yesu a ri, “Ni songo takalela uri vhodiabolo vha a ni tshetshelesa, fhedzi takalani ngauri madzina aṇu o ḥwalwa ngei Taḍulu.” Huno Yudasí o vha e navho. Fhedzi ho bvelelani? Musi zwi tshi da fhasi kha tshigwada tsha Vhanangiwa, u ya ngei nt̄ha Pentekoste huno vha ḥanganedza Muya Mukhethwa, Yudasí o sumbedza mivhala yawe. U ḫo vha hone kha Khaṭhulo.

¹¹⁵ Ngauralo bugu dza vuliwa; huno bugu, Vhutshilo, ya vuliwa; huno munna muiwe na muiwe a haṭulwa nga u ralo. Zwino, Muselwa o ima heneffo na Kristo, u haṭula shango. Naa yone... Paulo u ri, “A ni ofhi,” a tshi amba na Muselwa, “ni na muiwe mukhwa wa mbilaelo nga tshaṇu, lune na ya kha mulayo u songo lugaho. Naa a ni zwi ḫivhi uri vhakhethwa vha ḫo haṭula lifhasi?” Ni a vhona? Khezwo. Vhakhethwa vha khou yo haṭula ḫifhasi huno vha li dzhia. Izwo ndi zwone.

¹¹⁶ Ni ri, “Zwi vha hani kha shango u vha tshigwada tshiṭuku nga u ralo?” A thi ḫivhi uri zwi khou yo itwa hani. Fhedzi O amba uri zwi khou yo itwa, ngauralo izwo zwi a li ladza, u ya nga hune nda ḫivha.

¹¹⁷ Zwino sedzani. Zwino dzhielani nzhele. “Vhafu vho salaho,” mirado ya tshivhidzo, mirado ya tshivhidzo yo faho, “a yo ngo tshila hafhu u swika miṇwaha ya tshigidi.” Huno zwenezwo kha miṇwaha ya tshigidi, vha kuvhanganywa; huṇwe u vuwa hu a da, hune ha vha u vuwa ha vhuvhili, huno vha kuvhanganywa. Huno Kristo na Tshivhidzo, Muselwa, hu si tshivhidzo; Muselwa, Kristo na Khosikadzi, hu si tshivhidzo. Tshivhi... Kristo na Muselwa vho ima heneffo.

¹¹⁸ Huno vho fhandekanywa, vhunga nngu kha dzimbudzi. Izwo zwo luga. Heneffo ndi mirado ya tshivhidzo i no da. Huno arali vho pfa Ngoho huno vha landula Ngoho, zwenezwo naa hu khou yo ambiwani musi tshithu tshihulu tsho phaḍaladzwa u buḍekanya labi, musi na mihumbulo yanu i tshi do vha heneffo, zwe na elekanya nga Halo? Naa ni khou yo zwi ponya hani, huno zwone zwi heneffo kha labi la lutombo, huno thelevishini khulwane ya Mudzimu i heneffo. Ndi mihumbulo yanu i no khou lwa. Mihibumbulo yanu i do amba i tshi lwa na inwi nga iyo awara.

¹¹⁹ Ngauralo arali ni tshi amba tshithu tshithihi, huno na elekanya nga ha tshiṇwe, ndi khwine ni tshi tshi litsha itsho. Vheani mihibumbulo yanu kha Mudzimu. Itani uri i dzule yo ḫamba, huno ni dzule heneffo nazwo, huno ni ambe zwenezwo

zwithihi tshifhinga tshōhe. Ni a vhona? Ni songo ri, “Zwo luga, ndi do amba uri ndi a Li tenda, fhedzi ndi do ya nda todisisa.” Inwi ni Li tende! Amene.

¹²⁰ Dzhielani nzhele, itshi tshifanyiso, tshi no itisa uri vha fe, vha ya nga kha u ḥanzwiwa ha tsengo ya Mathupho ngauri zwa vhukuma a vhaho fhasi ha Malofha. Vha vhila uri vho ralo, fhedzi a vho ngo ralo. Naa vha nga ya hani nga kha tsengo, u vha ḥambisa, musi hu na musi (bilitshi) Malofha a Yesu Kristo a tshi dzhia tsumbadwadze iñwe na iñwe ya tshivhi na zwithu kule hanu? “Huno no no di fa, huno vhutshilo hanu ho dzumbama Khae, nga kha Mudzimu, huno ha pfunelwa ngomu henehfo nga Muya Mukhethwa.” Naa ni khou yo haṭulelwa mini? Naa ni khou yo wana u ḥamba hanu ngafhi? Naa ni khou tea u ḥambiswa kha mini, musi ni vho fhelelaho kha Kristo, ni sa iti tshivhi? Hani... Naa khatħulo ndi ya mini? Fhedzi ndi tshivhalonyana tsho edelaho, tshine avho vhatħu vha nga si tshi ite.

¹²¹ Zwino, a vho ngo zwi ita lwa miñwaha, inwi ni a vhona, fhedzi iyi ndi awara ya nzumbululo, ni a vhona, ni a vhona, zwi tshi khou dzumbululwa kha u da ha Muselwa; u moniswa ha u fhedzisela, zwithu zwa u fhedza zwi khou da. Zwi khou da vhufheloni, khonani, ndi a tenda. Musi? A thi ḥivhi. Ndi—ndi nga si ni vhudze. Fhedzi tshiñwe tshithu... Ndi ḥoda u tshila madekwana a ḥamusi vhunga ho vha hu tshi nga ho vha ho ralo madekwana a ḥamusi, ndo vha ndi tshi do dilugisa. Ni a vhona? A nga di da madekwana a ḥamusi, naho zwo ralo, huno A nga si de lwa miñwaha ya fumbili. A thi ḥivhi uri U do da lini. Fhedzi tshifhinga tshiñwe na tshiñwe musi zwi hone,... Huno vhutshilo hanga vhu nga di vha ho fhira, madekwana a ḥamusi; huno, zwenezwo, tshiñwe na tshiñwe tshe nda ita hafha, tshi khunyelela nga iyo awara. Ndi—ndi tea u ḥangana Nae kha khaṭħulo, ndila ye nda tsela fhasi hafha. “Ndila ine muri wa tshingama, iyo ndi ndila ine wa wa.”

¹²² Elelwani, musi vho ya u renga Mapfura, vho... “Oo,” inwi ni ri, “zwino imani lwa muniti, Mukomana Branham. A thi ḥivhi tshithu nga ha hezwo.” Musi vho ya u renga Mapfura, musi vha tshi vhuya, Muselwa o vha o no di ḥuwa huno vothi lo vha lo valiwa. Huno vha khokhonya, huno vha ri, “Ri tendeleni ri dzhene! Ri tendeleni ri dzhene!” [Mukomana Branham u khokhonya kha phuluphithi lwo vhalaho—Mudz.] Fhedzi vho vha vhe nn̄da kha swiswi la nga nn̄da.

¹²³ Zwino, arali ni tshi ḥoda tshifanyiso tsha izwo, zwino sedzani. “Nga tshifhinga tsha Noaxe,” Yesu o amba, o amba nga hazwo. Zwino, nga tshifhinga tsha Noaxe, vho dzhena ngomu gungwani. Fhedzi vho papamala kha...nga tshifhinga tsha khaṭħulo, fhedzi izwo—izwo a zwe ngo fanyisa Muselwa wa Kristo.

¹²⁴ Enokho o fanyisa Muselwa. Enokho! Noaxe o ya a fhira, nga kha Muselwa... a fhirela nga hangei, nga kha phiriodi

ya mathupho, huno a tambula, huno a kambiya, huno a fa. Fhedzi Enokho o tshimbila phanda ha Mudzimu, lwa miñwaha ya madana mañanu, huno o vha e na vhuzanzi, “o takadza Mudzimu,” nga lutendo lwa u takulelwa ḥadulu; huno a thoma u tshimbila heneffo nnda, huno a ya n̄ha nga kha lutombo, huno a ya Hayani hu si u vhuya a thetshela lufu; ho ngo fa na khathihi, na luthihi.

¹²⁵ Itsho ndi tshifanyiso tsha hone, “Rine ri tshilaho huno ro sala, a ri nga rangeli, kana u thithisa, ulwo lushaka lwa vhatu vho edelaho,” vhe vha edela nga n̄hani ha vhukale ha muthu, nga—nga tshiimo tsha vhukale ha muthu. Vho fa ngei murahu, fhedzi a vho ngo fa. Vho edela. Amene. Vho edela, hu si u fa. Huno tshithu fhedzi tshire vha ḥoda ndi Muhwe wa u vha vusa. Ee. “Huno rine ri tshilaho nahone ro sala, a ri nga thithisi avho vho no di edelaho. Ngauri lufhalafhala lwa Mudzimu lu do lila, huno vhafu vha re kha Kristo vha do vuwa u thoma; zwenezwo rine vhane ra tshila huno ro sala ri do ḥanganedzwa rothe navho, huno ri do ḥanganana na Murena tuyani.”

¹²⁶ “Huno vhañwe vhafu vhothe a vho ngo tshila lwa miñwaha ya tshigidi.” Khezwo, vho ya nga kha phiriadi ya Mat̄hupho.

¹²⁷ Naa ho vha hu mini? Vhunga Enokho. Vhoinwi ni a ñivha, Noaxe o sedzessa Enokho. Ngauri, musi Enokho a tshi ña a sa vhonali, o ñivha uri khañhulo yo vha yo sendela. O lindela heneffo u mona na gungwa.

¹²⁸ Fhedzi Noaxe ho ngo ya n̄ha. O tou papamalisa tshipida tshiñuku, huno a namela a pfuka mathupho. O hwalwa nga kha phiriadi ya mat̄hupho, u fa lufu. Ni a vhona? Fhedzi Noaxe o hwalwa a fhira.

¹²⁹ Enokho o shandukiswa, hu si na lufu, tshifanyiso tsha Tshivhidzo tshi tshi ḥanganedzwa na avho vho edelaho, u ḥanganana na Murena tuyani, huno vhañwe vho salaho vhothe vha tshivhidzo vho hwalelwa nga hangei ha phiriadi ya Mat̄hupho. Vha nga si ite tshinwe tshithu-vho nga hazwo, nne-vho. Enokho, o takulelwa ḥadulu, hu si na lufu.

¹³⁰ Zwino kha ri thome u guda zwiñuku zwino, ri tsele fhasi kha ngudo yashu. Ndi tou dzula kha izwo, rine na khathihi ri nga si dzhene ngomu ha izwi, ili Pfundo. Zwino džhielani nzhele. Kha ri dzhie zwino, ngauri ri khou yo vha, nga u ralo, khamusi vhusiku ha matshelo kana vhusiku vhu tevhelaho, ra rwa Lufhalafhala, zwino na nga tshifhinga itsho, ngauri Lufhalafhala lu lila nga tshifhinga tshenetsho tshithihi sa Mapfundo. Zwi tou vha zwithu zwithihi. Tshikhathi tsha tshivhidzo tshi vula, yone... zwenezwo zwithu zwithihi fhedzi. Ni a vhona?

¹³¹ Zwino, lufhalafhala tshifhinga tshothe lu amba nndwa kana, arali zwi si hezwo, khakhiso ya politiki. Lufhalafhala lu ita khakhiso ya politiki, huno ulwo lu vhanga nndwa. Musi ni tshi ita plusuphusu kha politiki, huno na ita uri vhothe vha

vhe kha phusuphusu, vhunga ri nazwo zwino, sedzani nn̄da, nndwa yo sendela. Fhedzi, ni a vhona, muvhuso u kha di vha wa Saṭhane. U kha di vha na itshi tshipiḍa tshandani tshawe.

¹³² Ngauri ndi ngani? Tsho rengululwa nga Kristo, fhedzi U khou ita tshipiḍa tsha Murengululi wa Lushakani, a tshi dzhia vhalanda Vhawé, u swika kha wa u fhedza (dzina) a tshi vhewa kha iyo Bugu, o no Li ḥanganedza huno a pfuelwa. Zwino naa ni nazwo? [Tshivhidzo tshi ri, “Amene.”—Mudz.]

¹³³ Zwenezwo U da a tshi bva kha Khulunoni Yawe, Khulunoni ya Khotsi Awe, a tshi ya phanda, a dzhia Bugu kha tshanda tsha Mudzimu, i tshi bva kha Khulunoni, huno a vhila pfanelo Yawe. Tshithu tsha u thoma tshine A ita ndi u vhidza Muselwa Wawe. Amene! Zwenezwo naa U dzhia mini? U dzhia mukhaedu Wawe, Saṭhane, huno a mu vhofha, huno a mu posela ngomu muliloni ngeyo nn̄da, na vhoṭhe vhe vha mu tevhela.

¹³⁴ Zwino, elelwani, ho vha hu si Rashia. Hai. Mulwanakristo ndi muthu wa u suvhelela. Itonu sedza uri u suvhelela hani. O thanya, zwino. Ee, muṇe wanga. Itonu dzhia Muya Mukhethwa; tshithu fhedzi tshine tshi nga mu fhira.

¹³⁵ Dzhielani nzhele, Phalaphala dzi amba khakhiso ya politiki, dzinndwa. Mateo 24, Yesu o zwi amba. O ri, “Ni do pfa nga ha dzinndwa na phungo ya dzinndwa, ni a vhona, ndilani yoṭhe u tsa fhasi.” Inwi ni a elelwa yone... Yesu a tshi amba izwo, “Dzinndwa, dziphungo na dzinndwa, huno dziphungo na dzinndwa, huno na ya thwii fhasi vhufheloni.” Zwino, idzo ndi Phalaphala dzi no khou lila.

¹³⁶ Zwino, musi ri tshi swika kha Phalaphala, ri do humela murahu henefho huno ra doba inwe na inwe ya idzo nndwa, huno ra ni sumbedza uri dzo tevhela izwo zwivhidzo, ra ni sumbedza uri dzi tevhela aya Mapfundo. “Dzinndwa na phungo dza nndwa.” Fhedzi, Lufhalafhala, lu amba khakhiso ya politiki.

¹³⁷ Hone, Mapfundo a shumana na khakhiso ya vhurereli. Ni a vhona? Pfundo li a pfunululwa, Mulaedza u a wiswa. Huno zwenezwo tshivhidzo tshifhinga tshoṭhe tsho vhewa nga ndila dzatsho dza politiki, na zwiñwe-vho zwo engedzeaho, na zwoṭhe zwa vhuhulisei hatsho. Huno musi uyo Mulaedza wa vhukuma u tshi wela fhasi, mudinda u ya phanda huno a zwi dzinginyisa zwa vha zwipiḍa. Izwo ndi zwone. Ndi u dina ha vhurereli musi Pfundo li tshi pfunululwa. Izwo ndi zwa bvelela. Iina. Ee.

¹³⁸ Vha a digeda vhoṭhe ngei Sioni. Tshivhidzo tshi a dzudzanye tshoṭhe, huno, “Ri nazwo zwo itwa tshoṭhe.” U tou fana na tshivhidzo tsha England, vhoṭhe vho vha vho dzudzanywa. Tshivhidzo tsha Katolika, tsho dzudzanywa tshoṭhe, huno na Luther a da. Ho vha hu na khakhiso ya vhurereli. Ee, muṇe wanga! Ngoho zwo vha zwo ralo! Zwo luga, tshivhidzo tsho ḥuwa, na Zwingli. Huno u bva kha Zwingli,

tsha tsela fhasi kha vho fhambanaho, na kha Calvin. Huno nga murahu ha tshikhathinyana, tshivhidzo tsha Angilikheni tsha dzudzanywa, huno tsho vha tsho digeda, huno ha da Wesley. Ho vha hu na khakhiso ya vhurereli. Izwo ndi zwone. Ni a vhona, tshifhinga tshothe zwi amba khakhiso ya vhurereli.

¹³⁹ Zwino, Pfundo. Kha ri Li vhale zwițukunyana zwino. Ndi ḥoda u—u wana izwi, ri do tou Li vhala. Ndi swika hune nda amba. Ndi . . .

Huno nda vhona musi Ngwana yo pfunulula linwe la mapfundo, (naa ho bvelelani?) huno nda pfa, vhunga ho vha hu phosho ya mubvumo, . . .

¹⁴⁰ Oo, nga ndila ine nda do takalela u dzula kha izwo lwa miniti i si gathi! Huno ndi a fhulufhela zwino uri vhatu vhothe vha no divha izwi zwithu huno vho lindela khuthadzo ya Murena, zwino vha do guda zwavhuđi vhukuma; na kha dzitheiphi, hafhu, uri ni do elekanya nga ha izwi.

¹⁴¹ Tshithu tsha u thoma tsho bvelela, musi iyo Ngwana i tshi pfunulula ilo Pfundo la u Thoma, Mubvumo wo bvuma. Zwino, izwo zwi na ndeme. Zwi na . . . Zwi na ndeme. Zwi na zwine zwa amba. Ndi zwine zwa amba. A hu na tshine tsha bvelela tshi si na zwine tsha amba. Zwo luga, Mubvumo, Mubvumo wa bvuma. Ndi a mangala uri uyo Mubvumo wo vha u mini?

¹⁴² Zwino kha ri vhale zwițukunyana. Kha ri ye kha Mateo . . . Hai, kha ri dzhie Yohane Mukhethwa, u thoma. Yohane Mukhethwa, ndima ya vhu12, huno ni tou i fara lwa muniti. Yohane Mukhethwa, ndima ya vhu12. Huno zwino kha ri thome nga ndimana ya vhu23 ya Yohane Mukhethwa 12. Zwino thetshelesani hafha, zwino, zwavhuđi vhukuma, zwenezwo ni nga si vhe na u mangala ho engedzeaho uri zwone ndi mini.

Huno Yesu a tshi vha fhindula, a ri, Awara yo da, ya uri Murwa-muthu a wane vhugala.

¹⁴³ Ni a vhona, ni vhufheloni ha tshikhathi, henefho. Mushumo Wawe u khou fhela. Ni a vhona? “Awara yo da, ya uri Murwa-muthu a wane vhugala.”

¹⁴⁴ Mini-ha nga ha, “Awara yo da ine Muselwa Wawe a fanela u dzhiiwa”? Mini? Awara yo da, ine, “Tshifhinga a tshi tsha do vha hone.” Muruňwa o lugela u vhea mulenzhe muthihi kha shango, huno muňwe kha Iwanzhe, e na musengavhadzimu nga nthia Hawe, e na milenzhe, huno a ri, “Tshifhinga tsho fhela.” Huno nga nnnda ha hezwo, O imisa tshanda Tshawe huno a ana uri “tshifhinga a tshi tsha do vha hone,” musi izwi zwi tshi bvelela. Zwo fhelela hani—hani, afidafithi yo anelwaho ya Tshivhidzo!

. . . Awara yo da, ine Murwa-muthu a tea u newa vhugala.

Ngocho, ngocho, Ndi ri kha inwi, Nndani ha musi thoro ya goroi i tshi wela ngomu mavuni huno ya fa, i dzula i yothe: fhedzi arali ya fa, i bveledza mitshelo minzhi.

A funaho vhutshilo hawe u do vhu lovhisa; . . . a vhengaho vhutshilo hawe kha lino shango u do vhu vhulungela kha vhutshilo vhu sa fheli.

Arali muñwe muthu a tshi ntshumela, i ri ni a ntevhele; hune Nda vha hone, henehfo . . . na mulanda wanga u do vha hone: arali muñwe muthu a tshi ntshumela, ene Khotsi anga u do mu hulisa.

Zwino myua wanga wo ḥungufala; . . .

¹⁴⁵ Inwi ni ri, “Zwo luga, Ene, a tshi da vhufheloni ha ndila, huno inwi na wana vhuleme?” Naa zwi ni ita uri ni elekanye mini musi tshiñwe tshithu tshihulwane tsha tshimuya tshi tshi bvelela, tshi no ni dina? Yawee, nñenñe! Uh-huh!

Zwino kha myua wanga u re na vhuleme; huno Ndi do ri mini? Khotsi, ntshidze kha ino awara: fhedzi u itela itshi tshivhangi Ndo da kha lino shango, kha ino awara.

Khotsi, nea dzina lau vhugala. Zwenezwo ha da ipfi li tshi bva ḥadulu, li tshi ri, Ndo no li nea vhugala, huno ndi do li nea vhugala hafhu.

Vhatu vha amba, vhe vha ima tsini, vhe vha li pfa, vha amba . . . lo bvuma: . . .

¹⁴⁶ Zwenezwo, musi Ngwana yo no dzhia Bugu huno ya pfundulula ilo Pfundo la u Thoma, Mudzimu a amba kha Khulun̄oni Ḥawe ya U Ḥa Nga Hu Sa Fheli, u amba zwe ilo Pfundo la vha li zwone, u dzumbululwa. Fhedzi musi Li tshi vhea phanda ha Yohane, Lo vha li tshiga. Musi Yohane a tshi Li vhona, Lo vha li kha di vha tshiphiri. Ndi ngani? A zwo ngo vhuya zwa dzumbululwa nga itsho tshifhinga. Zwi nga si kone u dzumbululwa u swika zwe A zwi amba hafha, “vhufheloni ha tshifhinga.” Fhedzi zwi da nga tshiga.

¹⁴⁷ Musi, wo “bvumaho.” Elelwani, phosho khulu ya u vhanda ya Mubvumo ndi Ipfi la Mudzimu. Izwo ndi zwine Bivhili ya amba, ni a vhona, “u vhanda ha Mubvumo.” Vho elekanya uri ho vha hu mubvumo, fhedzi Ho vha hu Mudzimu. O Li pfectesa, ngauri Lo dzumbululelwa Ene. Ni a vhona? Ho vha hu Mubvumo.

¹⁴⁸ Huno, dzhielani nzhele, Pfundo la u Thoma u pfundululwa. Pfundo la u Thoma, musi Li tshi pfundululwa nga tshivhumbeo tsha tshiga, lo bvuma. Zwino mini-ha musi Li tshi pfundululwa nga tshivhumbeo tsha vhukuma Tshalo? Tshanga . . . Lo bvuma zwenezwo Ngwana i tshi rwa murahu Pfundo. Huno Lo dzumbulula mini? Hu si zwothe Zwalo. Tsha u thoma, Li na Mudzimu; tshi tevhelaho, Ndi tshiga; zwenezwo, Lo dzumbululwa. Zwithu zwiraru. Ni a vhona? Li da li tshi bva kha Khulun̄oni.

¹⁴⁹ U thoma, Li nga si kone u vhonwa, u pfiwa, kana tshithu. Lo pfundulwa. Malofha a Ngwana o badela mutengo.

¹⁵⁰ Lo bvuma musi A tshi Li amba. Huno musi O ita, munameli wa bere tshena a thoma, huno Yone yo vha i kha di vha tshiga. Zwino sedzesani, O amba uri Zwi do divhea nga duvha la u fhedzisela. Fhedzi Li da nga tshiga tsha tshivhidzo. Naa ni a zwi pfectesa, tshivhidzo? [Tshivhidzo tshi ri, "Amene."—Mudz.] Li da nga—nga tshiga tsha tshivhidzo, uri vha divhe uri hu na Pfundo. Fhedzi zwine La vha zwone, naho zwe ralo, a vha divhi, ngauri Ndi munameli wa bere tshena.

¹⁵¹ Huno fhedzi zwi do dzumbululwa nga duvha la u fhedzisela, musi ili Pfundo la vhukuma li tshi pfuñululwa. Li tshi pfuñululelwa nnyi? Hu si kha Kristo, fhedzi kha Tshivhidzo. Dzhielani nzhele, zwino. Yawee, nnenne, izwo zwi tou nnyita uri ndi tetemele! Ndi—ndi—ndi a fhluluhela uri Tshivhidzo nga ngoho tshi a Li pfectesa, zwine nda khou amba, vhoiwi vhathu. Ndi khou yo ni vhidza Muselwa, ni a vhona, uri Ni Li pfectesa.

¹⁵² Ipfi ndi Mubvumo. Ipfi lo bva li tshi bva ngafhi? Kha Khulunoni he Ngwana ya kha di bva u tuwa, sa Murabeleli. Zwino O ima hafha u dzhia vhimo Hawe na mbilo Dzawe. Fhedzi Mubvumo wo da u tshi bva nga ngomu ha Khulunoni, wa bvumela nnnda. Huno Ngwana yo vha yo no tuwa. Yo tuwa kha Khulunoni ya Khotsi, u ya ya dzhia Khulunoni Ya Yone ine. Vhugala! Zwino, zwino zwi songo ni pfuka, dzikhonani.

¹⁵³ Rothe ri a divha, vhunga Vhakriste, uri Mudzimu o anela Dafita uri U do vusa Kristo uri a dzule kha Khuluñoni yawe, huno a Mu nea muvhuso wa lini na lini fhano kha lifhasi. O zwi ita.

¹⁵⁴ Huno Yesu a ri, "A kundaho mulwanakristo na zwithu zweithe zwa shango, u do dzula na Nne kha Khulunoni Yanga, vhunga Ndo kunda huno nda dzula kha Khuluñoni ya Khotsi Anga." Ni a vhona?

¹⁵⁵ Zwino, linwe duvha U a vuwa kha Khuluñoni ya Khotsi, huno a ya u dzhia Khuluñoni Ya Ene muñe.

¹⁵⁶ Zwino U a da u vhidza vhalanda Vhawe. Naa U khou yo vha whila hani? O no di vha na Bugu ya Thengululo tshandani Tshawe. Vhugala! Oo, ndi pfa ndi tshi nga ndi nga imba ngosha.

Hu si kale Ngwana i do dzhia Muselwa Wayo
u vha nga thungo Hawe,
Mavhuthu othe a Tadulu a do kuvhangana
hone, (u sedzesan izwo);
Oo, hu do vha mbono ya vhugala,
vhakhethwa vhothe vho ambara tshena dzi
si na tshika;
Huno na Yesu ri do ita munyanya lwa U Ya
Nga Hu Sa Pheli.

¹⁵⁷ Yawee, nnennen! Ni amba nga ha “u dzula zwino mafhethu a Tađulu”? A do vha mini! Arali ri tshi nga zwi pfa nga iyi ndila, ro dzula hafha fhasi kha lifhasi, phanda ha u da ha U Takulelwa Tađulu, kha iyi nyimele ine ra vha khayo zwino; huno ri nga kona u diphina, huno ra ima u mona na mbondo, huno ra ima mvulani, u tou pfa Izwi; zwine zwa do vha zwone musi ri tshi Mu vhona o dzula henefho! Yawee, nnennen! Oo, tshi do vha tshifhinga tsha vhugala.

¹⁵⁸ O tuwa kha Khuluđoni ya Khotsi, a da phanda u... Murwa Wawe, u vha... Ndi ene Murwa wa Dafita. Izwo ndi zwe Vhaisraele vha elekanya uri U do ita tshifhingani itsho. Elelwani musadzi wa Musirofenike, o ri, “Iwe u Murwa wa Dafita!” Elelwani Bartimeo wa u pofula, “Iwe Murwa wa Dafita!” Uh-huh! Huno Yesu, a tshi divha uri pulane yo vha i ifhio, naho zwo ralo a vho ngo i divha. Vho lingedza u Mu komboketshedza huno vha Mu ita uri a dzhie khuluđoni. Na Pilato o Mu vhudzisa.

¹⁵⁹ Fhedzi A ri, “Arali muvhuso Wanga wo vha u wa lino shango, zwenezwo vhalanda Vhangwa vho vha vha tshi do lwa. Muvhuso Wanga u N̄ha.” Fhedzi O ri, “Musi ni tshi rabela, rabela, ‘Muvhuso Wau u de. Lufuno Lwau lu do itwa hafha lifhasini, vhunga lu tshi ralo ngei Tađulu.’” Amene. Uh-huh! Itshi tshithu tshihulwane ndi tsha vhugala hani!

¹⁶⁰ O tutshela Khuluđoni ya Khotsi, u dzhia Khuluđoni Ya Ene muñe. Ene zwino o da phanda a tshi bva kha mushumo Wawe wa u rabelela, u vhila Khuluđoni Ya Ene muñe, vhalanda vho rengululwaho Vhawe. Izwo ndi zwine A da a tshi bva kha Khuluđoni u zwi ita. Nga itsho tshifhinga Tshivhumbwa tshi no nga ndau tsho ri kha Yohane, “Ida, vhona.” Sedzesani. Naa ni khou zwi vhala?

...linwe la mapfundo, huno la...zwi tshi tou
nga ho vha hu phosho ya mubvumo, na linwe la
zwivhumbwa zwiña...

¹⁶¹ Inwi ni a divha zwe Zwivhumbwa zwa vha zwi zwone. Ro a dzhia. “Liñwe li tshi nga ndau; liñwe li tshi nga ñamana; huno liñwe li tshi nga munna; huno liñwe li tshi nga goni.” Zwino, itshi Tshivhumbwa tsha u thoma tsha ri... Sedzesani, tshifhinga tshiñwe na tshiñwe hu na Tshivhumbwa tsho fhambanaho, u swika avho vhanameli vhana vha bere vha tshi fhira. Hu na Zwivhumbwa zwiña, huno hu na vhanameli vhaña vha bere.

¹⁶² Dzhielani nzhele, liñwe na liñwe la izwo Zwivhumbwa li tshi divhadza. Mateo, Marko—Marko, Luka, na Yohane. Ri khou yo vhuyelela murahu ngomu huno ra sumbedza uri lifhio, Mateo, Marko, ndi ufhio Marko—Marko, ndi ufhio we a vha e Yohane, muñwe na muñwe zwezwo vha tshi tuwa!...?...

...linwe lao...mavhanda li tshi ri, Ida...ni a
vhona.

¹⁶³ A pfa phosho ya mubvumo. Huno linwe la Zwivhumbwa la ri, "Zwino ida, vhona."

¹⁶⁴ Nga manwe maipfi, zwino, *hafha* ho ima Ngwana, huno Yohane o ima henefho nn̄da o sedzesza zwi tshi bvelela. Ngwana i a da i tshi bva kha Khuluñoni, vhunga Yo vha yo vhulawa, Malofha a Khayo hothe. Yo vha i Yone ye ya wanala yo fanelia. Huno musi I tshi swikelela hangei huno ya dzhia Bugu, zwenezwo tshiñwe na tshiñwe tsha thoma u ḥavha mukosi, na u zhamba, na u bvela phanda, inwi ni a vhona, ngauri vha a divha uri thengululo yo badelwa.

¹⁶⁵ Zwino O da u vhila Vha re Vhawe. Ngauralo, U dzhia Bugu, a ima henefho nn̄da phanda ha Yohane, huno U I kokodzela murahu huno a pfunulula Pfundo. A kokodzela Pfundo fhasi! Huno musi A tshi kokodzela Pfundo fhasi, Mubvumo wa vhanda nga kha fhethu. Huno musi Mubvumo u tshi vhanda, a hu na u timatima uri Yohane a nga di vha o fhufha tuyani, musi Mubvumo u tshi vhomba.

¹⁶⁶ Huno musi linwe la Zwivhanda zwinja lo ri, "Zwino ida, vhona zwine La vha zwone, zwe zwa dzumbululwa henefho fhasi." Yawee, nn̄nenñe! "Yohane, nwala zwe wa vhona." Ngauralo Yohane u ya u sedza, u vhona zwe La vha li zwone. Yohane u ya u vhona zwe Mubvumo wa amba. Ndi nga itsho tshifhinga tshe itshi Tshivhumbwa tsha vhudza Yohane, "Ida, vhona uri tshiphiri ndi tshifhio fhasi ha Pfundo la u Thoma." [Mukomana Branham u khokhonya kha phuluphithi luna—Mudz.] Mubvumo, Ipfi la Musiki lo Zwi amba. Zwino, U tea u divha zwine zwa vha Heneffho. Ni a vhona? Yawee, nn̄nenñe! Fhedzi, elekanyani zwino, o nwala Izwi.

¹⁶⁷ Fhedzi musi a tshi thoma u nwala iyo minwe, Mibvumo ya Sumbe, O ri, "U songo I nwala." O newa ndaela ya u nwala tshiñwe na tshiñwe tshe a tshi vhona. Fhedzi musi iyi Mibvumo ya Sumbe, nga hangei kha Nzumbululo 10, yo amba, A ri, "U songo I nwala, na luthihi." Ndi zwiphiri. A ri athu divha uri ndi mini. Fhedzi, muhumbulo wanga, i do dzumbululwa nga u ḥavhanya. Huno musi zwi tshi ita, zwi do nea lutendo lwa itsho tshilidzi tsha u takulelwa ḥadulu, u itela uri itsho Tshivhidzo tshi bvele nnda. Ni a vhona?

¹⁶⁸ Ri kha di bva u sudzuluwa na tshiñwe na tshiñwe tshine ra divha nga hatsho, nga kha zwikhathi zweþhe. Ro sedza tshiñwe na tshiñwe. Ro vhona zwiphiri zwa Mudzimu. Ro vhona u vhonala ha-ha khuvhangano khulwane fhethu huthihi ya Muselwa maduvhani a u fhedzisela. Fhedzi, naho zwo ralo, hu na tshiñwe tshithu ngomu Henefho tshine ri nga si kone u divhonetshela ngatsho. Hu na tshiñwe tshithu.

¹⁶⁹ Fhedzi ndi a humbulela, musi izwo zwiphiri zwi tshi thoma u da phanda, Mudzimu o ri, "Zwi fareni murahu zwino. Lindelani lwa muniti. Ndi do Zwi dzumbulula nga ilo

duvha. U songo Zwi ñwala, na luthihi, Yohane, ngauri vha do tshenuswa Ngazwo. Itou—itou litsha zwi Ȳuwe, u a vhona. Fhedzi Ndi do Zwi dzumbulula nga ilo Ȳuvha musi zwi na thodea ya u itwa.”

¹⁷⁰ A who ngo ambela tshithu. Elelwani, vhunga shotha lītuku la inki, tshiñwe na tshiñwe tshi na ndivho. Tshiñwe na tshiñwe tshi na tshivhangi. Fhedzi, dzhielani nzhele, Muvhumbi o amba. Huno o—o pfa ili Ipfi, huno a ya u vhona.

¹⁷¹ Fhedzi zwino Ngwana i khou sumbedza Yohane, nga tshiga tsha...tsha—tsha luñwalo lwa tshivhidzo, vhunga, uri tshivhidzo tshi divhe. Zwine zwa tea u ñwalwa, O tou mu sumbedza. Ha pfi, “Zwino, u songo—u songo amba itsi, tshine tsha tou vha tshone. U songo ya fhasi, Yohane, huno wa amba, zwino, uri itsi tshi tou vha tshine itsi tsha vha tshone, tsha tshine tsha vha fhasi ha ili Pfundo la Vhusumbe. U songo, u songo tsela fhasi huno wa amba izwo. Ngauri, arali nda vhudza Yohane izwo, zwenezwo zweþe u tsa fhasi nga kha tshikhathi, puþane yoþe i do kwashekana. Ndi tshiphiri.” Ni a vhona? U tou Ȳoda...u Da Hawe! A ri, zwino, “Huno a hu na muthu a no khou yo divha musi Ndi tshi da. Ndi khou tou da.” Ni a vhona? Ni a vhona? Ndi zwenezwo fhedzi. A si mushumo wanga u divha uri lini. Ndi do tou vha ndo dilugisa, inwi ni a vhona. Ngauralo a ri...

Zwino Yohane a ya phanda, a elekanya, “Ndi khou yo Li vhona zwino.”

¹⁷² Huno o ita mini, musi Yohane a tshi ya phanda? Ene, zwino, zwine a tea u ita? Zwino u tea u ñwala itsi kha tshikhathi tsha tshivhidzo. Izwo ndi zwine a tea u ita, u tshi ñwalela kha zwikhathi zwa tshivhidzo. “Ñwala zwine wa zwi vhona zwa izwi Zwiomambone zwa Sumbe zwa Musuku, u rangani. Ñwalela itsi tshivhidzo huno u vha vhudze.” Zwo luga.

¹⁷³ Huno Mubvumo wa bvuma. Yohane o divha uri ho vha hu Ipfi la Mudzimu. Huno zwenezwo tshone—tshone Tshivhumbwa tshi no nga ndau tsha ri, “Ida, vhona zwe tsha vha tshi zwone.” Huno Yohane a ya phanda zwino, e na peni yawe, u ñwala zwe a vha a tshi khou yo vhona.

¹⁷⁴ Zwino, na khathihi ho ngo vhona kokotolo zwe zwa vha zwi zwone. Na khathihi ho ngo zwi pfesesa. Fhedzi zwe a zwi vhona zwo vha zwi zwe Mudzimu a vha a tshi khou rumela tshivhidzo lwa “tshifhinga.” Zwino U na...U do funa; tshifhinga tshoþe U a ralo; U zwi ita uri zwi vhe khagala musi hu tshifhinga tsha u zwi ita khagala. Fhedzi Ho ngo zwi ita uri zwi vhe khagala tshifhingani itsho. Ndi ngani? Ngauri, O vha a tshi khou yo zwi vhulunga sa tshiphiri u swika kha tshikhathi tsha u fhedzisela. Huno u huwelelwa ha Mulaedza wa murunwa wa u fhedzisela ho vha hu ha u kuvhanganya izwi zwiphiri. Ni a vhona?

¹⁷⁵ Ho ngo zwi ita uri zwi pfale. Fhedzi zwe Yohane a vhona, o tou zwi vhona, “Bere tshena i a bva, i na munameli khayo,” ngauralo izwo ndi zwe a ñwala fhasi, ni a vhona, musi o ita.

Izwo ndi zwe a amba, “Ida, vhona.”

¹⁷⁶ Ngauralo Yohane a ya u vhona zwe a kona u vhona, u ñwalela tshivhidzo. Huno musi o ita, a vhona, “Bere tshena, na uyo o dzulaho khayo e na vhura; huno a ya a tshi fhenyekanya, na u fhenya; huno a ñewa khare.” Huno, zwino, ndi zwenezwo fhedzi zwe Yohane a vhona, ngauralo a tou ñwala, a ñwala izwo zwe ñe fhasi. Zwino, ni a vhona, izwo zwi nga tshiga. Iyo ndi ndila ye tshivhidzo tsha Li tanganedza.

¹⁷⁷ Fhedzi, hu na pfulufhedziso, nahone nga ñuvha la u fhedzisela U do Li dzumbulula, a sumbedza zwine La vha zwone. Mudzimu, ri thuse u pfesesa. Zwikhathi zwa tshivhidzo, fhedzi a two ngo itwa uri zwi ñivhee nga vhudalo u swika kha Mulaedza wa vhusumbe, wa itshi tshikhathi tsha u fhedzisela tsha tshivhidzo. Dzhielani nzhele, u a thoma . . .

¹⁷⁸ Uyu mudinda wa tshikhathi tsha vhusumbe tsha tshivhidzo, arali ni tshi do zwi dzhiela nzhele, ha thomi dinomineisheni, vhunga vhañwe vho ñe vho ita. Elelwani, arali a sa thomi . . . Hai. Arali ni tshi do wanulusa, u hanedzana nazwo. Naa Eliya, naa Eliya o vha a tshi hanedzana nazwo? Ngoho, o vha o ralo. Naa Yohane o vha a tshi hanedzana nazwo, e na Muya wa Eliya?

¹⁷⁹ Naa Eliya o vha e na lushaka-de lwa Muya khae? O vha . . . A hu na muthu a no ñivha zwinzhi nga hae. O vha a tshi tou vha munna, fhedzi o vha e muporofita. O vha o vhengiwa. Nñennen! Huno o vuwa nga tshifhinga-de? Nga tshenetsho tshifhinga tsha u ñivhea ha Israele, musi vho ñe vho vha vha ya shangoni. Huno a zwi bvisa heneffo nn̄da, huno e “muvhengi wa musadzi.” Uh-huh. Ee, muñe wanga. Ngoho o ralo. Huno o vha a tshi funa soga. Iyo yo vha i mvelo yawe.

¹⁸⁰ Zwenezwo, avho vhatu vho vha vho tea u ñivha musi uyo muthu a tshi bva heneffo e na Muya wonoyo muthihi khae, a tshi bva heneffo nn̄da, uyu Yohane. A songo ambaraho sa muhulisei, vhunga ndo amba madekwe; vha khisa vhushie, huno vha mala, na u swiña, na zwiñwe-vho. Fhedzi uyu munna u bvela nn̄da sa munna wa soga. Naa o vha e mini? O funa soga. Tshinwe tshithu tshe a ita, o vhenga dinomineisheni. O ri, “Zwino, ni songo thoma u ri, ‘Ri vha itshi kana itsho,’ ngauri ndi do ni vhudza, Mudzimu u a kona nga aya matombo, u vusela Abrahamu vhana.”

¹⁸¹ O vha e si muleludzi. A vho ngo kona . . . Ha pfi, “Naa no ya u vhona luñanga lu dzinginyiswaho nga maya? Hu si Yohane.” Hai, muñe wanga.

¹⁸² Naa o ita mini, hafhu? U tou fana na Eliya we a vhudza Jesebele, o vhudza Herodia. A tshimbila a ya kha tshifhañuwo

tsha Herode, huno a ri, "A zwi mulayoni uri iwe u vhe nae." A rema thoho yawe, nga zwenezwo. Ni a vhona? O lingedza u wana Elisha. Uyo maya muthihi, wo vha u kha Jesebele, wo vha u kha uyo musadzi.

¹⁸³ Huno zwenezwo zwithihi zwi kha tshivhidzo tsha Jesebele namusi, zwenezwo zwithihi. Zwino zwi dzhieleni nzhele. Ri wana ngudo khulwane-de hafha nandi!

¹⁸⁴ Huno, zwino, hu vhonala hu tshi nga avho vhathu vha do vha vho divha. Yohane u thoma u hambekanya vhathu, huno a ima henefho, ha vhonala hu tshi nga vha do vha vho divha uri uyo wo vha u Muya wa Elisha. Vha tea u vha vho pfectesa izwo. Izwo ndi zwe a vha e zwone.

¹⁸⁵ Zwino, huno ri a wana zwino, huno ro ralo nga kha zwikhathi zwa tshivhidzo, u ya nga Luñwalo, uri ro fulufhedziswa u vhuya ha uyo Muya, henefho tshifhinga tsha vhufhelo tshi sa athu swika. Izwo ndi ngoho? [Tshivhidzo tshi ri, "Amene."—Mudz.]

¹⁸⁶ Zwino, huno dzhielani nzhele, ni do dzhiela nzhele mvelo yazwo. Zwino, a nga si thome tshiñwe tshikhathi tsha tshivhidzo, vhunga Luther, na Wesley, na vhañwe vhothe vhavho vho ita. A nga si thome tshiñwe tshivhidzo, ngauri a hu tshe na zwikhathi zwa tshivhidzo zwi thomiwaho. Ni a vhona? Hu nga si tsha vha na zwiñwe. Ngauralo u fanela u hanedzana nazwo, ngauri Muya wawe u do tou vha kokotolo vhunga zwe vha vha vhe zwone ngei murahu, Muya wonoyo muthihi.

¹⁸⁷ Vhunga ndo amba madekwe, zwo takadza Mudzimu u Li shumisa luraru lwo fhambanaho. Iyo ndi nomboro Yawe, tharu, hu si mbili; tharu. O no di I shumisa luvhili, zwino U khou yo I shumisa hafhu. O amba ngauralo, o zwi fulufhedzisa. Zwino dzhielani nzhele, o . . .

¹⁸⁸ Dzhielani nzhele zwino, musi O ita. Ha khou yo thoma dinomineisheni, ngauri Tshikhathi tsha Tshivhidzo tsha Laodikia ndi tshikhathi tsha u fhedzisela. Huno mudinda, wa muruñwa wa vhusumbe, ane a vha mudinda wa vhusumbe, kha tshikhathi tsha vhusumbe, ndi muthu a no khou yo dzumbulula, nga Muya Mukhethwa, izwi zwithu zwe the zwi mangadzaho. Izwo zwi khou yo . . . Naa ndi vhangana vhe vha vha vhe fhano madekwe? Kha ri vhone tshanda tshanu. Ndi a humbulela uri a thi tei u dovha nda Lu vhalala, tshifhingani itsho. Ni a divha hune lwa vha hone, ndi—ndima ya vhu10, ni a vhona. Zwo luga. Zwo luga.

¹⁸⁹ Vhashandululi vho da u shandulula tshikhathi tsha u fhedzisela tsha tshivhidzo tsho waho tsha phanda havho. Huno zwenezwo, nga murahu ha musi vhashandululi vha tshi da huno vha shandulula tshi—tshikhathi tsha tshivhidzo kha zwe tsha vha tshi zwone, huno tsho no humela murahu

ngomu shangoni, zwenezwo vha thoma tshikhathi tshiswa tsha tshivhidzo. Tshifhinga tshothe vho zwi ita, tshifhinga tshothe. Zwino, ro ya nga kha hezwo. Ni a vhona?

¹⁹⁰ Nga mañwe maipfi, *hafha* ho vha na tshikhathi tsha tshivhidzo tsha Kaçolika, tsha tshivhidzo tsha Roma Katolika. Ha mbo da Luther, mushandululi. U vhidzwa mushandululi. Huno u ita mini? U thoma heneffo, kha u rwa nga hamula. Huno, musi a tshi ita, u gwalabelwa tshivhidzo. Huno, tshithu tsha u thoma ni a divha, naa u ita mini? U fhaṭa zwenezwo zwithihi zwe a dela u zwi pandela, kha tshiñwe tshivhidzo.

¹⁹¹ Zwenezwo vha na tshiñwe tshikhathi tsha tshivhidzo. Zwenezwo, tshithu tsha u thoma ni a divha, hafha hu da... Tshikhathi tsha tshivhidzo tshi kha phusuphusu yo raloho. Ha mbo da John Wesley, muñwe mushandululi. Ni a vhona, hu fhaṭwa tshiñwe tshikhathi tsha tshivhidzo. Ni a wana zwine nda khou amba? Tshiñwe tshikhathi tsha tshivhidzo tshi a fhaṭwa. Vhothe ndi vhashandululi.

¹⁹² Dzhielani nzhele, uyu Mulaedza wa u fhedzisela, wa tshikhathi tsha u fhedzisela tsha tshivhidzo, a si mushandululi. Ndi muporofita, hu si mushandululi. Ntsumbedzeni he muñwe muporofita a vhuya a thoma tshikhathi tsha tshivhidzo. A si mushandululi. Ndi muporofita.

¹⁹³ Vhañwe vhothe vho vha vhe vhashandululi, fhedzi hu si vhaporofita. Arali vho vha vha tshi do vha vho vha vhone, Ipfia la Murena li da kha muporofita. Itsho ndi tshone tshi itisaho uri vha ise phanda na ndovhedzo nga "Khotsi, Murwa, Muya Mukhethwa," izwi zwithu zwiñwe zweþhe, ngauri vho vha vhe vhashandululi, huno hu si vhaporofita. Fhedzi naho zwe ralo vho vha vhe vhanna vhahulwane vha Mudzimu, huno vho vhone thodea ya duvha le vha tshila khalo. Huno Mudzimu o vha dolisa, huno vha rumelwa nn̄da heneffo huno vha kherukanya izwo zwithu zwa vha zwipida. Fhedzi Ipfia la Mudzimu nga vhudalo na khathihi a lo ngo da khavho, ngauri vho vha vha si vhaporofita. Vho vha vhe vhashandululi.

¹⁹⁴ Fhedzi maduvhani a u fhedzisela, hu do tea u vha muporofita, u dzhia zwiphiri zwa Mudzimu, u zwi vhuisa murahu, ngauri zwiphiri zwe vha zwi tshi dihwa fhedzi nga vhaporofita. Ngauralo, ho tea uri uyu muthu a de. Ni a vhona zwine nda khou amba zwino? A nga si vhe mushandululi. Hu tea u vha muporofita, ngauri hu tea u vha muñwe muthu o ñewaho nahone o dzulaho heneffo, a no fara Ipfia.

¹⁹⁵ Zwino, avho vhashandululi vho divha uri ho vha hu na tshithu tsho khakheaho. Luther o divha izwo, uri itsho tshinnkwa tsho vha tshi si muvhili wa Kristo. Huno ngauralo a rera, "O lugaho u do tshila nga lutendo," huno uyo wo vha u mulaedza wawe. Huno musi John Wesley a tshi da, o vhona uri ho vha hu na khethefhadzo, ngauralo a rera khethefhadzo.

Uyo wo vha u mulaedza wawe. Ni a vhona? Vhapentekostała vha dzenisa ngomu mulaedza wa Muya Mukhethwa, na zwińwe-vho.

¹⁹⁶ Fhedzi mađuvhani a u fhedzisela, kha itsi tshikhathi tsha u fhedzisela, mudında a si wa u thoma iñwe tshandululo-vho, fhedzi ndi wa u dzhia zwiphiri zwe avho vhashandululi vha zwi sia, huno vha zwi kuvhanganya fhethu huthihi huno vha zwi tandulula kha vhatu. I ri ni ndi Lu vhale hafhu. Lu pfala lu lwavhuđi kha nñe! Ndi—ndi takalela u Lu vhala.

...Nda vhona muruňwa wa maanda a
tshi tsela phasi a tshi bva ḥađulu, o ambara gole:...
musengavhadzimu...kha ḥohoh yawe, huno
tshifhađuwo tshawe tsho...duvha, huno milenzhe
yawe i tshi nga khavhu dza mulilo:

¹⁹⁷ Zwino, ro vhona zwenezwo zwithihi, zve zwa vha zwi Kristo. Huno ri a divha uri Kristo tshifhinga tshođhe ndi Mudında kha Tshivhidzo. Zwo luga. U vhidzwa Khavhu ya Mulilo, Muruňwa wa Mulanga, na zwińwe-vho.

Huno tshanđani tshawe o vha e na bugu ḥukhu yo
vuliwaho:...

¹⁹⁸ Zwino, Mapfundo o no di pfunululwa, hafha. Ri khou a pfunulula zwino. Fhedzi, itsi, Tshithu tsho vuliwa.

...huno a vhea mulenzhe wawe wa tsha u ḥa kha
lwanzhe, huno wawe wa tsha monde...kha ḥifhasi,

Huno a lila...ipfi ḥihulu, vhunga musi ndau i tshi
vhomba: na musi a...lila, mibvumo ya sumbe ya amba
maipfi ayo. (Nnenñe! Tsho vuledzeaho!)

Huno musi mibvumo ya sumbe yo no amba maipfi
ayo, nñe Yohane ndo vha ndi tsini na u ḥwala (u ḥwala
mini?) zve ya amba: huno nda pfa ipfi ḥi bvaho ḥađulu
(Mudzimu) ḥi tshi ri kha nñe, Pfunela izwo zwithu zve
mibvumo ya sumbe ya zwi amba, huno u songo zwi
ṅwala. U songo zwi ḥwala. (Ni a vhona?)

Huno muruňwa we nda mu vhona o ima kha
lwanzhe...a imisela zwanda zwawe ngei ḥađulu,

Huno a ana nga uyo a tshilaho lwa lini na lini, we
a sika one mađadulu, na zwithu ngomu henefho, na
lifhasi, na zwithu zwine zwa vha ngomu henefho, na
lwanzhe, na zwithu zwi re ngomu henefho, uri hu si
tsha vha na tshifhinga:

¹⁹⁹ Sedzesani! Ni songo hangwa izwi zwino, musi ri tshi ḥuwa.

Fhedzi mađuvhani (mađuvha) a ipfi ḥa muruňwa wa
vhusumbe,...

²⁰⁰ Uyo muruňwa wa u fhedzisela, muruňwa wa lifhasi. Uyu
Muruňwa u tsela phasi a tshi bva ḥađulu. Ho vha hu si Ene; U

da a tshi bva Tađulu. Fhedzi U khou amba hafha nga ha ipfi la muruňwa wa vhusumbe, ane a vha... *Muruňwa* zwi amba “mudinda,” nnyi na nnyi u a divha hezwo, na mudinda kha tshikhathi tsha tshivhidzo.

...mađuvhani a ipfi la muruňwa wa vhusumbe, musi a tshi thoma u huwelela, tshiphiri (Mapfundo a Sumbe, othe, tshiphiri tshothe) *tsha Mudzimu tshi tea u khunyelela, vhunga o divhadza vhalanda vhawe vha vhaporofita.*

²⁰¹ Tshiphiri tshothe tsho petuluwa. Uyo ndi mushumo wa uyo muruňwa. Ni a vhona? Ivhani a nyadzeaho, vhathu vha wela nga nt̄ha hazwo. Fhedzi, naho zwo ralo, zwi do khwathisedzwa lwo fhelelaho. Zwi do tou divhea lwo fhelelaho. Ni a vhona? Muňwe na muňwe a no ḥoda u zwi vhona a nga zwi vhona. Ni a vhona? Izwo zwo luga. Fhedzi avho...

²⁰² Yesu o amba, vhunga O amba musi A tshi ḫa, a ri, “Ni na maṭo, huno a ni vhoni. Yesaya o amba uri ni nāo. Ni a vhona? Huno ni na dzindevhe, huno a ni koni u pfa.” Zwino, ngauralo ri a wanulusa uri...

²⁰³ Izwo zwo ntshuwisa. Nda sedza murahu heneffo kha iyo watshi huno nda elekanya uri yo vha i awara ya fumi nt̄ha ha tshithoma. Fhedzi, ndi, ndi–ndi na... A si ṭahe, naho zwo ralo, ni a vhona. Zwo luga. Yawee, nnenqe! Kha ri zwi wane zwino. Dzhielani nzhele. Ndi funa itshi.

²⁰⁴ Vhaňwe, vhashandululi, fhedzi, nga u vha vhanna vhabulwane vha Mudzimu, vho vhona ḥodea ya ḫuvha, huno vha ḫisa tshandululo.

²⁰⁵ Fhedzi Nzumbululo 10 yo ri Mulaedza wawe wo vha u wa u dzumbulula, hu si u shandulula; u dzumbulula zwiphiri. U dzumbulula zwiphiri! Ndi Ipfi kha munna. Vhaheberu 4 yo amba, uri, “Ipfi la Mudzimu li na vhuhali u fhira banga la mutsheahothé, li a phulekanya na u fhandekanya shambo, huno ndi mudzumbululi wa zwiphiri zwa mbilu.” Ni a vhona? Uyu munna a si mushandululi. Ndi mudzumbululi, mudzumbululi wa (mini?) zwiphiri zwa Mudzimu. He zwivhidzo zwa vha Nalo ḥo farekana na tshiňwe na tshiňwe, u do da na Ipfi la Mudzimu huno a dzumbulula tshithu.

²⁰⁶ Ngauri, u tea u “vhuyedzedza Lutendo lwa vhana murahu kha khotsi.” Lutendo lwa Bivhili lwa vhubvo lu tea u vhuyedzedzwa nga muruňwa wa vhusumbe. Zwino, oo, nga ndila ine nda funa itshi! Zwiphiri zweothe zwa Mapfundo, zwe vhashandululi na khathihhi vha si pfesese nga vhudalo! Ni a vhona? Zwino sedzani Maleaxi 4, lwa muniti. Zwo luga, inwi itonu zwi swaya phasi. Ndi muporofita, huno, u “vhuyedzedza Lutendo lwa vhubvo lwa vhokhotsi.” Zwino ri khou ḥoda uyo muthu uri a bvelele vhuponi. U do vha a

dītukufhadzaho lune milioni dza fumi dzi tshi andiswa nga milioni dza fumi dzi do... Zwo luga, hu do vha na tshigwada tshiṭuku tshi no do Li pfesesa.

²⁰⁷ Musi, ni a elelwa liñwe ḫuvha, musi Yohane a tshi khou tea u da, a porofita, muđinda musi Kristo a sa athu da, "ipfi la muñwe a vhidzelelaho sogani." Maleaxi o mu vhona. Sedzani, ndima ya vhu3 ya Maleaxi ndi u da ha Eliya we a vha a tshi tea u da huno a ranga phanda u da ha Kristo.

²⁰⁸ Inwi ni ri, "Oo, hai, hai, Mukomana Branham. Ndi ndima ya vhu4." Ndi humbelia pfarelo.

²⁰⁹ Yesu o ri yo vha i ndima ya vhu3. Zwino dzhiani Mukhethwa... Ni dzhia Mateo Mukhethwa, ndi—ndima ya vhu11 na ndimana ya vhu6, U do—U do amba ili. Ndima ya 11—ya vhu11, ndi a tenda ndi ndimana ya vhu6; ya vhu4, ya vhu5, kana ya vhu6, heneffo nga heneffo. A ri, "Arali ni tshi nga zwi ḫanganedza," musi O vha a tshi khou amba nga ha Yohane, "uyu ndi ene we ha ambiwa nga hae, 'Ndi do ruma mudinda Wanga phanda ha tshifhaṭuwo Tshanga.'" Zwino vhałani Maleaxi 3. Vhañwe vhavho vha lingedza u lu shumisa kha Maleaxi 4. Hai, muñe wanga, izwo a si zwone.

²¹⁰ Dzhielani nzhele Maleaxi 4, zwenezwo uyo mudinda a tshi ya phanda, shango li fhiswa tshothe, huno vho lugaho vha tshimbila nn̄da kha Nwahagidi, kha milora yavho. Ngauralo, inwi ni a vhona, arali ni tshi vhea izwo zwi ene ngei murahu, zwenezwo—zwenezwo Bivhili yo amba tshiñwe tshithu tshe tsha vha tshi songo ralo. Ro vha na miñwaha ya zwigidi zwivhili, huno shango a li athu swa, huno vho lugaho vha tshi khou tshila khalo. Ngauralo zwi tea u vha tshifhingani tshi daho. Yawee, nñenñe! [Mukomana Branham u vhanda zwanda zwawe luthihi—Mudz.]

²¹¹ Arali na da nga hangeno kha Nzumbululo, huno na vhona zwine uyo mudinda vhufheloni ha itshi tshikhathi a tea u ita, zwenezwo ni do vhona zwine zwa vha zwone. U fanela u vha muporofita. U tea u fara aya magumo e avha vhashandululi vha sa a vhone, huno a A vhea ngomu heneffo.

²¹² Naa Mateo 28:19 i nga vhambedza hani na Mishumo 2:38, hu si na nzumbululo ya tshimuya ya Mudzimu? Naa avha vhathu vha nga kona u amba hani uri mađuvha a madembe o fhira, na zwiñwe-vho nga u ralo, huno (huh!) hu si na nzumbululo ya Mudzimu? Ndila i yothe ine vha do vhuaya vha zwi ḫivha, u ḫivha uri kana ndi zwone kana zwo khakhea! Ni a vhona? Fhedzi vho da nga kha dziseminari. Ndi a fhulufhela uri ri na tshifhinga tsha u dzhena ngomu ha izwo.

²¹³ Ndi ḫoda u ḫavhanya, ngauri a thi ḫodi u ni dzudza hafha lwa u fhira vhege, ni a ḫivha uri ndi ri miní, iyi, pfunulula aya Mapfundo. Ndi na ḫuvha lithihi, huno ndi do takalela u vha na thabelo ya vhalwadze nga ilo ḫuvha, arali ndi tshi nga kona.

²¹⁴ Zwino sedzani, Maleaxi 4, ndi muporofita, huno u "vhuyedzedza Lutendo lwa vhubvo lwa vhokhotsi."

²¹⁵ Tshifhingani tsha vhufhelo, musi phiriodi ya Mathupho i tshi da... Zwino hafha hu na tshithu tshiṭuku tshine ra khou yo tshi humisela murahu, lwa muniti, hune miňwaha miraru na hafu... Kana, vhege dza fusumbe dza Daniele, tshipida tsha u fhedzisela tsha vhege dza fusumbe dza Daniele, tshine tsha vha miňwaha miraru na hafu. Zwino, rine, ndi vhangana vha no elelwa izwo, zwi bvaho kha zwikhathi zwa tshivhidzo? [Tshivhidzo tshi ri, "Amene."—Mudz.] Ni a vhona? "Hu na vhege dza fusumbe dzo vhekanywaho" Sedzani uri dzo vha dzo fhelela hani. Ha pfi, "Mesia u do da, huno U do tumulwa, u itela tshiṭhavhelo, vhukati ha vhege, huno u luvha hu do guma." Zwenezwo, hu kha di vha na miňwaha miraru na hafu yo lindelaho, u itela Pfunzo ya Mesia kha Muyuda.

²¹⁶ Huno Mudzimu ha shumi na Muyuda na Wannda nga tshifhinga tshithihi. U shuma na Israele sa lushaka, Wannda sa muthihi. Na khathihi Ha athu dzhia Vhannda sa Muselwa Wawe; O dzhia vhathu kha Vhannda. Ni a vhona? Zwino U shuma na Israele sa lushaka. Huno zwino heneffo u a dzula, heneffo zwino, sa lushaka.

²¹⁷ Ndi na luňwalo lu bvaho ha Paul namusi, Paul Boyd. Huno o vha a tshi khou mmbudza, a ri, "Mukomana Branham, hu na ngoho hani! Avha Vhayuda vha kha di vha na vhudipfi vhu seisaho kha Vhannda, hu sa londwi zwe zwa bvelela." Ngoho, vha do ralo. Vha tea u ralo.

²¹⁸ Musi Martin Luther o ita ndivhadzo, ya uri, "Vhayuda vhothe vha tea u gidimiswa, huno zwifhaço zwavho zwa fhiswa, ngauri vho vha vhe mulwanakristo." Ni a vhona? Martin Luther o ita itscho tshitatamennde, ene muñe, kha liňwalo lawe. Zwino, Hitler o tou khunyeledza zwe Martin Luther a amba. Naa ndi ngani Martin Luther o amba izwo? Ngauri o vha e mushandululi, hu si muporofita.

²¹⁹ Mudzimu, uri, "Muporofita Wanga o fhaṭutshedza Israele, a ri, 'A no u fhaṭutshedza u do fhaṭutshedza, huno uyo a u semaho u do seňwa.'" Naa muporofita muňwe a nga kona hani u ima huno a hana zwe muňwe muporofita a amba? A nga si zwi ite. Zwi tea u vha kha nyandano, ni a vhona.

²²⁰ Fhedzi itscho ndi tshone tshi vha itisaho uri vha khethekanye... Ni a vhona, Dzheremane i tea u vha lushaka lwa Vhakriste, huno, vhone, ndila ye vha fara Israele! Vha kha di vha na lubada kha shađa lavho, huno ni nga si kone u vha vhea mulandu. Fhedzi itonu elelwa, Vhayuda vho dzula hafha, ni songo whilaela, duvha li khou da! Mudzimu a nga si kone u vha hangwa na khathihi. Vho pofudzwa u itela riňe.

²²¹ Ni a diňha, O ri kha muporofita, U... Muporofita a vhidzelela, a ri, "Naa U do hangwa Israele?"

²²² A ri, “Dzhia ulwo lubada lwa u kala; huno lutombo lu n̄tha hani? Naa lwanzhe lwo tsa hani?”

A ri, “Ndo kundelwa u lu kala.”

²²³ Ha pfi, “Na khathihi Ndi nga si hangwe Israele.” Avho ndi vhathu Vhawe, vhalanda Vhawe.

²²⁴ Huno Wannda, ndi vha si gathi vho dzhiwaho heneffo, u itela Muselwa Wawe. Izwo ndi zwone kokotolo. Uyo ndi Muselwa.

²²⁵ Zwino, vhege dza fusumbe dzo vhekanyiwa, lwo fhelelaho, vhunga Daniele o amba uri Mlesia u do da huno u do tumulwa vhukati ha vhege. Huno Yesu o porofita lwa miñwaha miraru na hafu. Zwino, vhukati ha iyi, miñwaha miraru na hafu ya Daniele, vhukati hadzo, O tumulwa. Fhedzi zwino tshipida tsha u fhedzisela ndi phiriodi ya Mathupho, hune tshivhidzo tsha Vhannda tsha vha hone. Oo, izwi ndi zwiulwane! Zwino ni songo... Muselwa u dzhena ngomu na Muhwe; zwenezwo, nga murahu ha Nwahagidi, u a tshimbila nn̄da kha milora ya vhavhi.

²²⁶ I ri ni ndi ni sumbedze tshiñwe tshithu hafha, zwenezwo ro zwi wana ḥhalukanyoni. Kha ri ni sumbedze zwe Ya amba, zwine Bivhili ya amba. Huno ri nga si kone u hana Ili li Ipfi la Mudzimu. Arali ri tshi ita, zwenezwo ri vha sa tendi. Ni a vhona, ri tea u Li tenda. Inwi ni ri, “A thi Li pfesesi.” Na n̄ne a thi ralo. Fhedzi ndi khou ḥoda Ene uri a Li dzumbulule. Sedzani.

Ngauri, vhonani, duvha li a da, li no do fhisa sa n̄ando; huno vha u ḥihudza vhothe (vhunga Vhaamerika, na vhañwe-vho), *iina,...vhothe vha no ita zwivhi, vha do vha mavhivhi:* (Li khou yo fhisa.) *huno duvha line la da, Ndi do vha fhisa, u ralo MURENA wa mavhuthu,...li nga si vha sie mudzi kana davhi.*

²²⁷ Naa no wana vhudzulavhafu ha U Ya Nga Hu Sa Fheli ngomu heneffo nga itsho tshifhinga? Ni a vhona, ndi mađuvha a u fhedzisela, musi izwi zwithu zwi tshi dzumbululuwa. A hu na fhethu kha Bivhili hune ha ri vhudzulavhafu ndi ha U Ya Nga Hu Sa Fheli. Zwo ralo, u tea u vha kha vhudzulavhafu ha U Ya Nga Hu Sa Fheli, ni do tea u vha na Vhutshilo Vhu Sa Fheli u dzula heneffo. Hu na tshivhumbeo tshithihi tsha Vhutshilo Vhu Sa Fheli, huno uvho ndi hone vhune ra kakarikela hone. Tshiñwe na tshiñwe, tsho vha na u rangani, tshi na vhufhelo. “Vhudzulavhafu ho sikelwa diabolo na vharuñwa vhawé,” huno zwi do liwa huno zwa thuthekanywa. Ndi zwone. Ni a vhona? Fhedzi musi izwi zwi tshi itea, “A zwi vha sieli mudzi kana davhi.”

Fhedzi kha avho vha ofhaho dzina langa Duvha la u luga li do ḥavha li na phodzo phaphani dzało;...ni do tuwa, na aluwa sa n̄amana dza dangani.

Huno ni do kandekanya vhavhi; ngauri vha do nga milora fhasi ha nayo dza milenzhe ya vhoinwi nga ilo duvha line Nda do ita izwi, u ralo MURENA wa mavhuthu.

²²⁸ Naa vhavhi vha khou yo vha ngafhi nga murahu ha Mathupho? Milora.

Elelwani...milayo ya Mushe...ye Nda laya... ene ngei Horebe u itela Israele yothe, na dzindaela na khatulo.

Vhonani, Ndi do rumela kha inwi muporofita Eliya hu sa athu da ilo duvha lihulwane nahone li ofhisaho la MURENA:

²²⁹ Amene! Hafha Testamente Ndala i khou vala nga u ralo, huno hafha Testamente Ntswa i khou vala nga zwenezwo zwithihi. Naa ni do zwi shavhelafhi? Ni nga si kone. Sedzani, “Ndi do ni rumela muporofita Eliya ilo duvha li sa athu da.”

Huno u do rembulusa mbilu dza vhokhotsi kha vhana, na mbilu dza vhana kha vhokhotsi avho, uri Ndi sa do da huno nda rwa lifhasi nga samba. (Uh!)

²³⁰ Khezwo. Ilo ndi Ipfi la Murena. O zwi fulufhedzisa. Zwi fanela u da. Huno zwino arali ni tshi do dzhiela nzhele uri izwi zwi bvelela hani. Zwo naka, ndila ine Mudzimu a zwi ita. Muselwa u ya phanda, na Muhwe. Huno—huno zwenezwo nga murahu ha izwo, vhavhi vha fhiswa nga mulilo u sa dzimi. Huno nga murahu ha musi shango lo no tambiswa, li a dibveledza. Tshiñwe na tshiñwe tshi tea u ita izwo, tshi tea u ya nga kha tshiimo tsha u tambiswa.

²³¹ Thavhandubi i do kwashékana nga itsho tshifhinga tshihulwane tsha u fhedzisela, huno shango li do thuthuba, huno la boda, huno la ya phanda; na izwi zwitivha zwa tshivhi, na zwe the zwi re kha lifhasi, zwi do nokiswa zwa si tsha vha tshithu. Zwi do swa nga biso lo raloho li sa fheli, lune zwi do tou nga iyo bilitsi i no rumela mu—muvhala wa—wa inki murahu ngomu ha tsiko yayo ya vhubvo. Ngauralo Mulilo u bvaho ha Mudzimu u do fhiswa nga maanda, une wa do shandukisela tshithu tshiñwe na tshiñwe tsha tshika murahu kha nyimele yatsho hafhu, musi Sathane na tshivhi tshothe zwi tshi fhiswa, na tshiñwe na tshiñwe. Huno zwenezwo li do da lo naka sa zwe la vha li zwone ngadeni ya Edeni. Zwo luga. Oo, iyo awara khulwane i tou vha phanda hashu!

²³² Kha phiriodi ya Mathupho. Hafha ndi zwine nda toda ni tshi zwi dzhiela nzhele zwino, tshithu tshiñuku tshe nda tshi wisela ngomu hafha. Kha iyi phiriodi ya Mathupho, nga murahu ha musi Muselwa o no vhidzelwa nnnda, huno tshivhidzo tshi tshi ya nga kha phiriodi ya Mathupho, vha tshigidi tsha dana na fuinaña vha khou vhidzwa nga thanzi

mbili dla Nzumbululo 11. Zwino sedzani. Vha do porofita, lwa mađuvha a tshigidi na mađana mavhili na a furathi, vho ambara madzanganda.

²³³ Zwino, ri a divha uri iyi khalenda ya Vharoma i na... Ri na maduvha a fumbilimalo huno, t̄shinwe tshifhinga, na furaru, na furarunthihi. Fhedzi, zwa vhukuma, khalenda i vhala izwi, mađuvha a furaru kha nwedzi muñwe na muñwe. Ndi zwone. Huno dzhiani qana... maduvha a tshigidi na mađana mavhili na furathi, huno na vhea furaru khao, huno na vhona tshire na vha natsho. Miñwaha miraru na hafu, kokotolo zwa tou ralo. Itsho ndi tshifhinga tsho newaho, tshifhinga tsha Mulaedza wa Mesia u no tea u rerwa kha Israele, vhunga zwe vha zwe ralo ngei murahu. Musi A tshi vhuya murahu huno a Didivhadza, nga tshiga uri musi A tshi da...

²³⁴ Musi, Yosefa o dzhiiwa a iswa ngomu shangoni, huno a landulwa nga vhakomana vhawé, ngauri o vha e munna wa tshimuya. O vha a tshi kona u vhona mabono huno a ɏtalshedza miloro. Huno musi o ita, o dzhiiwa a iswa fhasi ngomu shangoni huno a rengiswa nga masetha a siliva a ɏodaho u swika a furaru. O fanyisa Kristo, kokotolo, ngauri ho vha hu Muya wa Kristo khae.

²³⁵ Dzhielani nzhele zwe bvelelaho-ha. Huno dzhielani nzhele uri, musi a tshi ita izwi, o vhewa dzhele, huno munna muthihi o tshidzwa huno muñwe a xela. Yesu kokotolo, musi O vha e dzhele kha tshifhambano, mbava nthihi yo tshidzwa huno iñwe ya xela, kokotolo.

²³⁶ A poselwa tshaloni, a nga o fa, huno a dzhiiwa, huno a gonyela kha tshanda tsha u la tsha Farao, uri hu sa vhe na muthu a konaho u vhona Farao a songo vhona Yosefa u thoma. Yesu u dzula kha tshanda tsha u la tsha Mudzimu, huno a hu na munna ane a nga da kha Khotsi nga nn̄da ha Murwa. Ndi zwone.

²³⁷ Huno dzhielani nzhele tshifhinga tshothe Yosefa a tshi tuwa, musi Yosefa o vuwa kha itscho tshanda tsha u la tsha iyo khulunoni. Sedzesani! Vhugala! Henefho ho dzula Yosefa, kha tshanda tsha u la tsha Farao. Huno musi Yosefa o vuwa, u tutshela iyo khulunoni, lufhalafhala lwa lila. “Gwadamani nga gona, muñwe na muñwe! Yosefa u khou da!”

²³⁸ Musi iyo Ngwana i tshi tutshela Khuluñoni, hangei, nga mađuvha Awe a mushumo wa u pfumedzanya, musi A tshi tutshela Khuluñoni ngei nthā, huno a dzhia iyo Bugu ya Thengululo huno a tshimbila, gona liñwe na liñwe li do gwadama. Henefho U hone. Dzhielani nzhele.

²³⁹ Huno musi Yosefa, o landulwa nga vhakomana vhawé, o newa mufumakadzi wa Wannda. Potifaro o mu nea... Kana, Farao u mu nea mu—mufumakadzi wa Wannda, huno a beba vhana vha Wannda, Wannda hafu na Muyuda. Vha nea tshiga

tshihulwane. Musi Yakobo a tshi khou vha fhaṭutshedza, Ufuraimi thungo iñwe huno Manase kha iñwe, a budekanya zwanda zwawe huno a nea ñwana muṭuku phaṭhutshedzo. Huno vhana vhavhili vho engedzwa kha tshaka dza fumbili, dze dza vha dzi fumi nga itsho tshifhinga, huno a vha fhaṭutshedza kha Yakobo ene muñe. Huno Yosefa, murwa wawe wa muporofita, o ima heneffo, a ri, "Khotsi, vho khakha." Ha pfi, "Vho vhea tshanda tshavho tsha u la tsha phaṭhutshedzo kha ñwana muṭuku, he tsha tea u vha tsho ya kha wá kale."

²⁴⁰ Huno a ri, "Ndi a ḋivha uri zwanda zwanga two budekana, fhedzi Mudzimu o zwi budekanya." Ndi ngani? Israele, e na pfanelo dza u vha Musélwa, o landula huno a rengisa vhutanzhe havho, huno yone...ya ṭuwa kha murwa wa kale, Israele, u ya kha muswa, Wannda. Huno phaṭhutshedzo dzo ṭuwa heneffo, nga kha tshifhambano, u ya kha Wannda.

²⁴¹ Fhedzi dzhielani nzhele nga murahu ha hezwo, ni a vhona, nga kha izwo, musi vhothe...O no ḋi dzhia muselwa wawe. Fhedzi musi avho vhatukana vho ḋa fhasi u renga zwiliwa...

²⁴² Oo, tshi tou vha tshifanyiso tsho nakaho! Ndo bva kha Pfundo, fhedzi ndi tea u tou zwi amba, ni a vhona, ngauri ni ḋo wana tshifanyiso nga ndila ya khwine, ndi a tenda. Dzhielani nzhele.

²⁴³ Zwino, musi vha tshi ḋa fhasi u renga zwiliwa, ni a ḋivha, Yosefa o vha limuha nga u ṭavhanya. Huno Yosefa o vha e murwa wa vhuando. A hu londwi he a ya, tshifhinga tshothe two vha na vhuando.

²⁴⁴ Inwi lindelani u swika A tshi ḋa kha lifhasi hafhu; lindelani u swika Yosefa washu a tshi ḋa! Ni a vhona? "Phanga i ḋo fhufhuma sa rosi, huno Duvha ṥa u Luga li tshi ṭavha na phodzo phaphani Dzalo." Yawee, nnenne! Kakituse yothe u mona na Arizona dzi ḋo petuluwa dza vha miri yo nakaho, huno i-huno i ḋo naka.

²⁴⁵ Dzhielani nzhele, hafha u a ḋa, huno u tamba maano maṭuku khavho heneffo. Huno u a rumu, huno u ri, "Naa khotsi anga vha kha ḋi tshila?" Ni a vhona? O vha a tshi ṭoda u ḋivha arali khotsi a uyo mutukana vha tshi kha ḋi tshila. Ha pfi, "Ee." O ḋivha uri uyo o vha e mukomana wawe. Fhedzi no dzhiela nzhele musi o no ḋilugisa u ḋidzumbulula kha vhakomana vhaw?

²⁴⁶ Huno a wana Benyamini muṭuku, we a bebiwa tshee a ṭuwa. Huno izwo zwi imela avha Vhayuda, avha vha tshigidi tsha dana na fuinaiña vha no khou kuvhangana fhano zwino tshee A ṭuwa. Huno musi A tshi vhuya, O ri...O sedza Benyamini; mbilu yawe yo vha i tsini na u kwashea.

²⁴⁷ Huno, elelwani, vho vha vhe na...o...A vho ngo zwi ḋivha uri o vha a tshi kona u amba nga Tshihevheru. O vha a tshi khou

dzhia muṭalutshedzi. O ita u nga ri ndi ene Muegipita. Ni a vhona? Huno zwenezwo musi zwi tshi ḋivhadziwa, o ḥoda u ita uri ene a ḋivhee, o dzulela u sedza Benyamini muṭuku. Huno, elelwani, o ḥuwisa mufumakadzi wawe. O vha e pfamoni musi a tshi ḋidivhadza kha vhakomana vhawe.

²⁴⁸ Huno Muselwa wa Vhannda, Mufumakadzi, nga murahu ha musi Yesu o no landulwa nga vhathe Vha Ene muṇe, O dzhia Muselwa wa Vhannda. Huno u do Mu dzhia hafha, a mu isa Pfamoni, kha Nndu ya Khotsi Awe ngei Vhugalani, u itela Tshilalelo tsha Mutshato. Huno u do redzemutshela murahu fhasi, u Didivhadza kha vhakomana Vhawe, vha tshigidi tsha dana na fuīnaiṇa . . . ? . . . nga itsho tshifhinga.

²⁴⁹ Heneffo o ima. Huno, elelwani, sedzani tshiga nga ndila yo fhelelaho. Huno musi a tshi vhuya ngeno he tsha vha tshi hone, o sedza fhasi khavho, huno a ri—a ri . . . a thoma u sedza. Huno vha thoma u amba. Vha ri, “Zwino, Rubeni, ni a ḋivha uri ri khazwo zwino, ni a vhona. Ngauri, ni a ḋivha zwe ra ita. Ri na uyu mutukana kha ho valeleliwaho. Zwino, ro vha ro tea u vha ri songo rengisa murathu washu.” Uyo o vha e mukomana wavho o imaho heneffo, uyo mukololo wa maanda, huno a vho ngo zwi ḋivha.

²⁵⁰ Itsho ndi tshiitisi Israele i sa koni u Mu pfectesa ḥamus. A si awara ya u zwi ḋivha.

²⁵¹ Huno zwenezwo, ene, vho elekanya uri o vha a sa koni u pfectesa Tshihevheru, fhedzi o vha o thetshelesa heneffo khavho. Vho ri, “Zwino ri nga ngomu hazwo.” Huno Yosefa, musi o vha sedza, ho ngo kona u ḥwa a tshi kha ḋi zwi kondilela.

²⁵² Zwino, elelwani, mufumakadzi wawe na vhana vho vha vhe pfamoni nga tshenetsho tshifhinga. Vhakhethwa vho bva, nn̄da ha vhuhone.

²⁵³ Huno a ri, “Ndi Yosefa, murathu waṇu.” Huno a gidimela hangei huno a dzhuvhula Benyamini muṭuku, a wela kha mutsinga wawe, huno a thoma u lila. Ni a vhona? Huno a didivhadza.

²⁵⁴ Huno zwenezwo vha ri, “Zwino ri a ḋivha uri ri nayo i khou ḏa, ngauri ro mu rengisa. Ho vha hu riṇe vhe vha mu rengisa. Ho vha hu riṇe vhe vha lingedza u mu vhulaha, zwino ri a ḋivha uri u do ri vhulaha.”

²⁵⁵ A ri, “Hai, ni songo ḋisinyutshela, no zwi ita fhedzi u vhavhalela vhutshilo. Izwo ndi ngazwo Mudzimu o nthumela hafha fhasi.”

²⁵⁶ Huno musi A tshi Didivhadza, Bivhili yo ri . . . musi ri tshi ḏa nga khazwo. Musi A tshi Didivhadza kha avho vha tshigidi tsha dana na fuīnaiṇa heneffo, Benyamini muṭuku wa ḥamus, na masalela a avho Vhayuda vho salaho heneffo; musi A tshi Didivhadza, vha do ri, “Naa Wo wana ngafhi ayo mavhadzi? Naa a khou ita mini tshandani Tshau?”

²⁵⁷ U do ri, “Oo, Ndo a wana nduni ya khonani Dzanga.” Ni a vhona? Oo, zwenezwo vha do limuha uri vho vhulaha Mesia. Fhedzi U do ri mini? Zwi fānaho na zwe Yosefa a ita. “No zwi ita u shumela vhutshilo; ni songo... u tshidza vhutshilo. Ni songo disinyutshela.” Ngauri, izwo, Vhannda vho vha vha tshi do vha vha songo diswa ngomu arali Vhayuda vho vha vha songo ita izwo nga maano a u pofudzwa maṭo. Ngauralo, O tshidza vhutshilo ha Tshivhidzo, nga zwithu zwe vha ita. Ngauralo khezwo. Itsho ndi tshone tshiitisi, ḥamusi, a vha koni u pfesesa Itshi; a si awara.

²⁵⁸ A ro ngo tsha kona u pfesesa izwi zwithu u swika tshifhinga tshi tshi da tsha uri Li pfesesiwe. Yawee, nñenñe! Mibvumo ya Sumbe, ya Nzumbululo, ngavhe A tshi sumbedzā Muselwa ndila ya u lugisela u shandukiswa huhulwane ha lutendo!

²⁵⁹ Zwino kha ri ṭavhanye, ngauri a ri na miniti i ṭodaho u swika ya fumiṭhanu, hu tshee ho sala ya fumbili.

²⁶⁰ Zwino, naa iyi bere tshena i amba mini? I ri ni ndi vhale... Ndo vha ndi kule nga maanda; ni mpfarele u bva kha ṭhoho yanga. Fhedzi, fhedzi ndi do vhala ndimana hafhu, ndimana mbili.

Huno nda vhona musi Ngwana yo no pfuṇḍulula linwe la mapfundo, huno nda pfa, vhunga ho vha hu phosho ya mubvumo, huno linwe la mavhanda maṇa la ri, Ida... vhone.

Huno nda vhona, huno vhonani bere tshena:...

²⁶¹ Zwino ri ya kha ndimana ya vhu2.

...bere tshena: huno uyo we a dzula khayo o vha e na vhura; huno khare ya newa ene, (o vha a si nayo tshifhingani itsho)...kha ene: huno a ya a tshi fhenyekanya, na u fhanya.

²⁶² Ndi zwenezwo fhedzi zwa hezwo. Ilō ndi Pfundo. Zwino kha ri wane zwiga.

²⁶³ Ro wana zwine Mubvumo wa amba. Izwo ndi zwo fhelelaho, ri a ḏivha izwo, ni a vhona. Mubvumo wo vha u Ipfi la Mudzimu, musi Pfundo li tshi pfuṇḍululea.

²⁶⁴ Zwino, naa bere tshena i amba mini? Zwino, hafha ndi hune nzumbululo ya bva hone. Ndi tou vha a re na ngoho ya izwi, vhunga ndo ima hafha, ndi tshi ḏivha uri ilī ndi Ipfi.

²⁶⁵ Ndo vhala bugu inwe na inwe nga hazwo ye nda kona u i wana. Huno na... Ndi... Tshifhinga tsho fhiraho tshe nda—nda lingedzwa u ya nga khazwo, ndi tshi tou zwi funza, miñwaha i ṭodaho u swika furaru yo fhiraho, ndo dzhia bugu... Muñwe muthu o mmbudza uri Adventists vho vha vhe na tshedza tsho engedzeaho nga ha u Da ha vhuvhili ha Kristo u fhira vhañwe vhathe vhe vha vha ḏivha, ngauralo nda wana dziñwe dza bugu

dzavho dzavhudzi, u dici vhala. Ndo wana bugu ya Smith nga ha Daniele, wa dzinzumbululo. Huno a ri iyi bere tshena ye ya ya yo vha i tshena, huno yo nea tshiga tsha mufhenyi. Huno kha u fhenya uhu... Vhunzhi ha vho inwi vhakomana vha Adventist hafha ni a divha bugu, na vhunzhi ha vho inwi vhañwe, hafhu, nga u i vhala. Huno—huno vhañwe, ndo vhala mbili kana tharu. Ndo vhala, huno ndi nga si kone u vhidza... Hu na bugu mbili dzo engedzeaho dze nda dici vhala, huno vhanna vhothe vho tendelana uri izwo zwe vha zwi zwone. [Mukomana Branham u khokhonya kha phuluphithi luñanu—Mudz.] Avho vho vha vhe vhadededzi vhavhudzi, vha tshi tea u vha vhanwe vha khwinesa, nga tshedza tsha khwinesa. Ngauralo nda elekanya, “Zwo luga, arali ndi sa divhi, ndi do tou amba zwe vha amba, nda lingedza u zwi funza nga iyo ndila.”

²⁶⁶ Vha nea u akhamala hazwo havhudzi nga maanda, zwe vhukuma zwa amba. Huno vho ri, “Zwino, hafha hu na bere tshena, huno bere tshena ndi maanda, ndi tshadzhara.” Huno ha pfi, “Munna a no dzula khayo, o vha e be—bere tshena, o vha e Muya Mukhethwa we wa tuwa nga tshikhathi tsha u ranga huno wa kunda itscho tshikhathi u itela Muvhuso wa Mudzimu. O vha e na vhura tshandani tshawe, zwe zwa amba, vhunga Cupid, a thuntsha misevhe ya lufuno mbiluni dza vhatu, lufuno lwa Mudzimu, huno a fhenya.”

²⁶⁷ Zwino, izwo zwi pfala zwi zwavhudzi nga maanda, fhedzi a si Ngoho. Hai, mune wanga. Iina. Zwe vha zwi si zwone. Tshena a i ambi u luga. Ri—ri a limuha izwo. Tshena i amba yo lugaho. Vhadededzi vho zwi funza, uri zwe vha zwi Muya Mukhethwa we wa vha u tshi fhenya kha tshikhathi tsha u thoma; fhedzi nzumbululo yanga, nga Muya Mukhethwa, a i nga iyo ndila.

²⁶⁸ Nzumbululo yanga, nga Muya Mukhethwa, ndi: Kristo na Muya Mukhethwa ndi Muthu onoyo muthihi, u tou vha nga tshivhumbeo tsho fhambanaho. Ngauralo, *hafha* ho ima Kristo, Ngwana. Ri a divha uri O vha e Ngwana. O vha o ima *hafha* na Dzibugu tshandani Tshawe; huno *heneffo* hu tuwa munameli wa bere tshena, ni a vhona, ngauralo ho vha fu si Muya Mukhethwa.

²⁶⁹ Zwino, itscho ndi tshiñwe tsha zwiphiri zwa maduvhani a u fhedzisela, ndila ine Kristo a nga vha vhatu vhararu kha Muthihi. A si vhatu vhararu vho fhambanaho, Khotsi, Murwa, na Muya Mukhethwa, vhe Midzimu miraru, vhunga sa vha vhuraruthihi vha tshi lingedza u ri vhudza uri O ralo. Ndi huraru, ndi u divhonadza huraru ha Muthu onoyo muthihi. Kana, ni nga di zwi vhidza ofisi tharu. Arali ni tshi khou amba na vhashumeli, no vha ni si nga shumisi ofisi; ngauri, ndi zwone, zwe itea nda elekanya, ndi kha theiphi. Ngauralo ndi do ni vhudza... A hu na zwiñwe, Kristo ho ngo kona u ri, “Ndi do rabela ofisi Yanga, huno U do ni rumela inwe ofisi.” Ri a zwi divha izwo. Fhedzi arali ni tshi ḥoda

u zwi ita... Ndi zwiṭaluli zwiraru zwa Mudzimu muthihi. Ni a vhona? A si Midzimu miraru. Zwiṭaluli zwiraru zwa Mudzimu muthihi! Ni a vhona?

²⁷⁰ Huno ngauralo naa Kristo o vha a tshi nga vha hani *henefho* nnda, bere tshena, a tshi fhenya, huno o ima *hafha* na Bugu tshandani Tshawe? A si zwone, nangwe. A si Kristo.

²⁷¹ Dzhielani nzhele zwino, Muya Mukhethwa (kha nzumbululo) na Kristo, ndi, Muya Mukhethwa ndi Kristo nga tshiñwe tshivhumbeo. Ndi zwone.

²⁷² Dzhielani nzhele, ndi Ngwana ye ya pfuṇulula Dzibugu, huno Ngwana ndi Kristo. Huno Kristo ha tsha vhonwa, u bva tshifhingani itsho, fhedzi U a vhonwa kha Bugu ya Nzumbululo, ndima ya vhu19, a tshi da nga bere tshena.

²⁷³ Arali ni tshi do takalela u i vhala, kha ri ye kha Nzumbululo 19:11, rathi-... Huno itonu i vhala nga u ṭavhanya zwino musi ri—musi ri... Ri na tshifhinga tsho eðanaho, ndi a fhlufhela, ngauralo zwi do zwi ita khwinenyana kha riñe. 19, 19:11, ri thoma nga ndimana ya vhu11, huno ra vhala u tsa fhasi, ri tshi katela ya vhu16.

Huno nda vhona ṭadulu lo vulea,... vhonani bere tshena; (hu si kha lifhasi; ngei ṭadulu, ni a vhona) huno uyo o dzulaho khayo o vha a tshi pfī a Fulufshedzeaho... Ngoho,... nga u luga u a haṭula huno a ita ndwa.

Maṭo awe o vha... khavhu dza mulilo, huno kha ṭhoho yawe ho vha hu na khare nnzhi, (sedzani bannda la ṭhoho!); huno o vha e na dzina lo nwaliwaho, le ha sa vhe na munna we a li ñivha, fhedzi... ene muñe.

²⁷⁴ Ndi tama ndo vha ndi tshi nga ima kha izwo lwa muniti fhedzi. [Mukomana Branham u khokhonya kha phuluphithi luthihi, huno a awela—Mudz.] Yawee, nnenñe! Ndi na muhumbulo wavhudzi, fhedzi... Khamusi ndo vha ndi tshi nga, arali ni... [Tshivhidzo tshi ri, “Iyani phanda!”]

²⁷⁵ Ni a vhona, a hu na a no Zwi ñivha. Naa no vhuya na ñivha uri Dzina la “Jehovah” a lo ngo luga? Muñwe na muñwe u a ñivha. Dok. Vayle, ni a ñivha uri izwo ndi ngoho. Vhaṭalutshedzeli a vho ngo kona u Li ṭalutshedza. Li peleṭwa J-u-h-v... J-v-h-u, ndi a amba. A si “Jehovah.” A vho ngo kona u Li kwama. A vha ñivhi zwine La vha zwone. Vho Li vhidza “Jehovah,” fhedzi lo vha li si Dzina Lawe.

²⁷⁶ Sedzani, tshifhinga tshiñwe na tshiñwe gundo li tshi winiwa, kana tshiñwe tshithu tshi tshi bvela phanda, dzina li a shandukiswa.

²⁷⁷ Sedzani maduvha a Abrahamu. O vha, tsha u thoma, Abram, huno na khathihi o vha a si nga vhi na ulwo lushie u swika

dzina lawe li tshi shandukiselwa kha Abraham. Huno Sarra, S-a-r-r-a, ho ngo vha na tshithu nga nn̄da ha mbumbelo yo faho u swika dzina lawe li tshi shandukiselwā kha S-a-r-a-h.

²⁷⁸ Jacob li amba “muṭalifhedzi, mufhuri,” huno izwo ndi zwe a ita. O vhea mukumbā wa nngu kha ene muṇe, huno a fhura muporofita khotsi awe, u dzhia vhutanzhe. O vhea vhūṭasana ha mupopoliri madini, a vhu swaya nga zwithomathoma, a shushedza kholomo musi dzo vha dzi na ḍamu nga...dzi na vhana vhadzo, u ita dzikholomo na nngu dzo swaiwaho nga zwithomathoma. A hu na tshithu nga nn̄da ha mufhuri!

²⁷⁹ Fhedzi vhusiku vhuthihi a fara Tshiñwe tshithu tsha vhukuma, huno a divha uri Tsho vha tshi tsha vhukuma. Huno a dzula Natsho, huno a farelela u swika a tshi kunda. Huno dzina lawe la shandukiswa, huno a vhidza *Israel*, li tshi amba “mukololo a re na maanda phanda ha Mudzimu.”

²⁸⁰ Naa izwo zwo luga? [Tshivhidzo tshi ri, “Amene.”—Mudz.] Mukundi muñwe na muñwe!

²⁸¹ Simoni o vha e murei wa khovhe. Fhedzi musi lutendo lwawe lu tshi fara huno a divha uri uyo o vha e Yesu, musi O mu vhudza uri ndi Ene Mesiā, huno a mu vhudza uri dzina lawe ndi nnyi na uri dzina la khotsi awe lo vha li lifhio, o kundwa, huno a shandukiswa u bva kha Simoni u ya kha Petro.

²⁸² Saulo, dzina lavhuđi. Saulo, o vha e khosi kha la Israele, fhedzi ene, e *Saul*, a lo ngo fanela muapostola. Li nga di vha lo luga tshothe kha khosi, fhedzi hu si muapostola. Ngauralo Yesu a shandukisa dzina lawe (u bva kha mini?) u bva kha Saulo u ya kha Paulo.

Sedzani “Vharwa vha mubvumo,” na u tsela phasi.

²⁸³ Huno, Yesu, Dzina Lawe kha lifhasi lo vha li “Murengululi,” Yesu. Musi O vha e kha lifhasi, O vha e Murengululi, izwo ndi ngoho. Fhedzi musi A tshi phenya lufu na vhudzulavhafu, huno a zwi kunda, huno a gonya N̄tha, A ṭanganedza Dzina liswa. Itsho ndi tshone tshi itisaho uri ni huwelele nga ndila ine vha ita, huno a vha wani tshithu.

²⁸⁴ Li do dzumbululwa kha Mibvumo. Uh-huh. Ni a vhona? Dzhielani nzhele zwiphiri. U khou da, o namela...Hu tea u vha na Tshiñwe tshithu tsha u shandukisa itshi Tshivhidzo. Ni a zwi divha izwo. Hu tea u vha na Tshiñwe tshithu. Dzhielani nzhele, “A hu na munna we a divha, fhedzi Ene muṇe.” Zwino, dzhielani nzhele, “A hu na munna we a divha, fhedzi Ene muṇe.”

Huno o vha o ambara nguvho yo lovhevawaho malofhani: huno dzina lawe lo vhidzwa Ipfi la Mudzimu.

Yawee, nn̄enñe! Dzhielani nzhele!

*Huno mmbi dze dza vha dzi ṭaḍulu dza mu tevhela
dzi kha dzibere tshena, dzo ambara sila ḥavhudi,
litshena nahone ḥo kunaho.*

*Huno kha mulomo wawe hu tshi bva ipfi ḥa vhuhali,
uri ngalo a rwe dzitshaka: huno u ḥo vha vhusa nga
mugo wa tsimbi: huno u vha fhonda vhufhondeloni
ha veini ya vhuhali na dzone mbīti dza Mudzimu
Ramaandaothe.*

*Huno o vha e na dzina ḥo nwaliwaho kha nguvho
yawe na kha shumbi lawe, KHOSI YA DZIKHOSI, NA
MURENA WA MARENA.*

²⁸⁵ Heneffo hu da Mesia. *Heneffo* U hone; hu si uyu muthu kha iyi bere *hafha* murahu. Sedzesani phambano. Hafha U ima na Bugu tshandani Tshawe, *hafha*, mushumo wa u rengulula u tou vha... Ha athu dzhia fhethu Hawe. Ngauralo, ho vha hu si Kristo we a ḥuwa, Muya Mukhethwa.

²⁸⁶ Hu si u sa tendelana na avho vhanna vhahulwane. Hai, mune wanga, a thi zwi iti. Ndi nga si ḥode u ita izwo, fhedzi izwi ndi zwine—zwine nzumbululo yanga Yaḥo ya vha zwone. Ni a vhona? Arali ni na tshinwe tsho fhambanaho, zwo luga, izwo zwo luga, fhedzi a zwo ngo luga kha nne. Ni a vhona, ndi—ndi a tenda uri ḥi nga ndila iyi. Ni a vhona, zwino, ni a ḥivha uri mini. Ni a vhona?

²⁸⁷ Huno, dzhielani nzhele, Kristo ha tsha vhonwa, ni a vhona, u bva nga tshifhinga heneffo. Fhedzi U kha bere tshena. Ngauralo arali uyu munna o namela bere tshena, u tou vha fhedzi muedziseli wa Kristo. Ni a vhona? Ni wana izwo? [Tshividzo tshi ri, “Amene.”—Mudz.]

²⁸⁸ Dzhielani nzhele, munameli a re kha bere tshena ha na līnwe dzina. A nga dī shumisa maimo mavhili kana mararu, ni a vhona, fhedzi ha na līnwe dzina.

²⁸⁹ Fhedzi Kristo u na Dzina! Naa ndi mini? Ipfi ḥa Mudzimu. Izwo ndi zwine zwa vha zwone. “U rangani ho vha hu Ipfi, huno Ipfi ḥo vha ḥi na Mudzimu, huno Ipfi ḥo vha ḥi Mudzimu. Huno Ipfi, ḥa itwa ḥnama.” Ni a vhona? Munameli ha na dzina, fhedzi Kristo u pfi “Ipfi ḥa Mudzimu.” Izwo ndi zwine A vha zwone. U vhidzwa zwenezwo. Zwino U na Dzina line ha sa vhe na munna a no ḥi ḥivha; fhedzi U vhidzwa, “Ipfi ḥa Mudzimu.”

Uyu munna ha vhidzwi tshithu, ni a vhona, fhedzi u kha bere tshena.

²⁹⁰ Munameli ha na misevhe ya vhura hawe. Naa no zwi dzhiela nzhele? O vha e na vhura, fhedzi a hu na tsho ambiwaho nga ha u vha na mīnwe misevhe-vho, ngauralo u fanela u vha e mufhuri. Ndi zwone. Khamusi u na mubvumo munzhi, huno hu si na lupenyo. Fhedzi ni a wanulusa, Kristo o vha e na lupenyo na mubvumo, ngauri kha mulomo Wawe hu

bva Banga la mutsheahothé, huno U rwa dzitshaka Ngało. Uyu munna a nga si rwe tshithu, ni a vhona, fhedzi u khou tamba tshipida tsha muhói. U khou ṭuwa, o namela bere tshena, a tshi khou bva u yo phenya.

²⁹¹ Kristo u na Banga la vhuhali, huno, sedzesani, Li bva mulomoni Wawe. Ipfi li tshilaho, ndi, Ipfi la Mudzimu lo dzumbuluelwaho vhalanda Vhawe. Vhunga O amba na Mushe, “Iya, ima henefho, huno u fare ulwo lubada ngeyo nnđa; vhidza thunzi,” huno ha vha na thunzi. Ngoho. Zwiňwe na zwiňwe zwe a amba, O zwi ita; huno zwa da zwa khunyelela, Ipfi Lawe li tshilaho. Mudzimu na Ipfi Lawe ndi Muthu onoyo muthihi. Mudzimu ndi Ipfi.

²⁹² Naa uyu munameli a mangadzaho ndi nnyi wa tshikhathi tsha u thoma tsha tshivhidzo-ha? Naa ndi nnyi? Kha ri elekanye nga hazwo. Naa ndi nnyi uyu munameli a mangadzaho a no thoma kha tshikhathi tsha tshivhidzo tsha u thoma huno a namela thwii ngomu ha Vhutshilo-tshothe, a ya vhufheloni?

²⁹³ Pfundo la Vhuvhili li a da huno la bva la dzhena ngomu vhufheloni. Pfundo la Vhuraru li a da huno la dzhena ngomu vhufheloni. La Vhuna, la Vhutanu, la Vhurathi, la Vhusumbe, liňwe na liňwe lao, li a mona la bva henefha vhufheloni. Huno tshifhingani tsha vhufhelo, idzi Bugu dzo no di petululwa nga itshi tshifhinga tshothe, dzi na izwi zwiphiri khadzo, Lo pfuňululea. Zwenezwo hu bva zwiphiri, u vhona zwi re zwone. Fhedzi, zwa vhukuma, vho thoma nga tshikhathi tsha u thoma tsha tshivhidzo, ngauri tshivhidzo, tshikhathi tsha u thoma tsha tshivhidzo, tsho ṭanganedza Mulaedza u no nga Uyu. [Mukomana Branham u khokhonya kha phuluphithi luraru—Mudz.]

²⁹⁴ “Munameli wa bere tshena o bva.” Ni a vhona? Naa ndi nnyi? U na maanda kha maanda awe a u phenya. Ndi muthu muhulwane kha maanda awe a u phenya. Ni ṭoda nne ndi tshi ni vhudza uri ndi nnyi? Ndi mulwanakristo. Kokotolo zwine a vha zwone. Zwino, ngauri, ni a vhona, arali mulwanakristo; Yesu o amba, uri, “Mivhili i do vha tsini nga maanda u swika i tshi fhura vhenevho Vhanangiwa (Muselwa) arali zwe vha zwi tshi konadzea.” Mulwanakristo, ndi myua wa mulwanakristo.

²⁹⁵ Elelwani, kha zwikhathi zwa tshivhidzo, musi ro vula tshikhathi tsha u thoma tsha tshivhidzo ngei murahu, ri wanulusa uri Muya Mukhethwa wo vha u tshi lwa na tshiňwe tshithu tshe vha tshi thoma nga itsi tshikhathi tsha tshivhidzo, huno itsi tsho vha tshi tshi vhidzwa “nyito dla Vhanikolatini.” Ni a zwi elelwani? [Tshivhidzo tshi ri, “Amene.”—Mudz.] Nikao zwi amba “u phenya.” Laity zwi amba “tshivhidzo,” mirado zwayo. Nico-laitane, “u phenya mirado zwayo.” “Bvisa Muya Mukhethwa tshivhidzoni huno u U nee munna muthihi mukhethwa. I ri a vhe vhasa wawo wothe.” No tshimbila nga khawo, ni a vhona, Munikolatini.

Dzhielani nzhele, Munikolatini lo vha li “li-liambele,” tshivhidzoni tshithihi. Li vha “pfunzo,” kha tshikhathi tsha tshivhidzo tshi tevhelaho. Huno kha tshikhathi tsha vhuraru tsha tshivhidzo, yo vha i “u kombetshedza,” huno vho vha na Khoro ya Nicaea. Huno tshifhingani itsyo vha yo itwa pfu—pfunzo tshivhidzoni. Huno ho vha tshithu tsha u thoma tshifhio tsho bvelelaho? Dzangano ngatsho! Zwino, naa izwo zwo luga? [“Amene.”]

²⁹⁶ Mmbudzeni hune tshivhidzo tsho dzudzanyiwaho tsha u thoma tsha bva hone. Tshivhidzo tsha Roma Katolika! Mmbudzeni arali Nzumbululo i sa ambi, Buguni ya Nzumbululo 17, uri, “Tsho vha tshi phombwe, huno vhananyana vhatsho vho vha vhe dziphombwe.” Izwo ndi zwenezwo zwithihi zwe zwa dzudzanya natsho, “dziphombwe.” “A tshi dzhia vhutudzi, tshika ya vhupombwe havho, u itela dzipfunzo.” “Vha tshi funza sa Pfunzo milayo ya vhathu.” Dzhielani nzhele.

²⁹⁷ Sedzani, u a thoma u fhenya. Dzhielani nzhele, ha na khare. Munamel wa bere tshena, ndi khou amba nga hafha. Ni a vhona? “Vhura; huno a newa khare, nga murahu.” Ni a vhona? O vha a si na khare, tsha u tou thoma, fhedzi a newa khare. Dzhielani nzhele, ngavhuva a newa khare, iina, tharu dzadzo, tharu kha muthihi. Izwo zwo vha zwi nga murahu ha miñwaha ya mađana mararu, ngei kha Khoro ya Nicaea. Musi a tshi thoma, muya wa Nikolatini, u vhumba dzangano vhukati ha vhathu. Huno zwenezwo ya bvela phanda, i tshi bvela phanda, i tshi bvela phanda, la vha “liambele,” zwenezwo la vha “pfunzo.”

²⁹⁸ Inwi ni a elelwa, Kristo a tshi khou amba murahu kha tshivhidzo, a ri, “Iwe u vhenga nyito dza Vhanikolatini, zwine Nda zwi vhenga, na nne-vho.” A tshi khou lingedza u fhenya, dzhiani Muja Mukhethwa nga munna muthihi fhedzi mukhethwa; o vha a tshi kona u hangwela zwivhi zwe the na tshiñwe na tshinwe.

²⁹⁹ Huno ri kha di bva u zwi vhala hangei, Paulo o amba nga hazwo. Itsyo tshithu tshi do dzula mađuvhani a u fhedzisela. Huno ho ngo kona u dzumbululwa u swika mađuvhani a u fhedzisela. “Zwenezwo, Uyo a tendelaho, u do dzhia Muja wa Mudzimu heneffo; huno zwenezwo u do didzumbulula.”

³⁰⁰ Namusi u fhasi ha u diitisa ha bere tshena. Sedzeseni uri u shanduka hani kha iyo bere tshena, nga miniti i si gathi. Ha vhi fhedzi bere tshena; u vha livhanda li re na ḥoho nnzhi na dzinanga. Ni a vhona? Ni a vhona? Bere tshena, ndi mudzia-u-fhura zwino, huno itsyo ndi tshone tsho itsaho uri vhathu vha sa tshi ḫivhe tshifhinga itsyo tsho the. Vho zwi elekanya. Fhedzi hafha tshi hone zwino, tshi khou yo dzumbululwa nga Luñwalo. Dzhielani nzhele.

³⁰¹ Musi Munikolatini, ni a vhona, mulwanakristo, mafhedziseloni a tshi diitela vhudzulo kha muthu kha munna, zwenezwo o newa khare. Musi a tshi thoma, vhunga maya wa Munikolatini tshivhidzoni, ndi maya. Ni nga si kone u nea maya khare. Fhedzi miñwaha ya mađana mararu ngavhuya, u vha mupapa, huno zwenezwo vha mu nea khare. O vha a si na khare, tsha u thoma. Fhedzi o wana khare, ngavhuya, ni a vhona, musi uyo maya u tshi diitela vhudzulo kha muthu. Ni a vhona? U vha munna. Pfunzo ya Munikolatini i vha munna, zwenezwo vho kona u mu nea khare. A vho ngo kona u zwi ita, ngauri, o vha a tshi tou vha pfunzo.

³⁰² Vhugala! Dzhielani nzhele! Huno musi uyu Muya Mukhethwa une ra vha nawo u tshi diitela vhudzulo kha muthu kha riñe, Uyo a re vhukati hashu zwino nga tshivhumbeo tsha Muya Mukhethwa, a tshi diitela vhudzulo kha muthu kha riñe, nga Muthu Yesu Kristo, ri do Mu nea khare sa Khosi ya dzikhosi. Izwo ndi zwone. Ni a vhona?

³⁰³ Zwino, elelwani, tshi todou swika tshifhinga tsha musi Kristo a tshi da kha Khuluñoni, mulwanakristo u da kha khuluñoni, Yudasí. Tshi todou swika tshifhinga tsha musi Kristo o tuwa kha lifhasi, Yudasí o tuwa kha lifhasi. Tshi todou swika tshifhinga tsha musi Muya Mukhethwa u tshi vhuya, mulwanakristo u a vhuya.

³⁰⁴ Inwi ni a divha, Yohane o amba nga hangeno, "Vhana vhañuku, ndi nga si ni litshe ni sa divhi, ni a divha, nga ha mulwanakristo, ane a vha uri o no di da huno a tshi khou shuma kha vhana vha u sa thetshelesa." Mulwanakristo zwenezwo, heneffo o vha e hone, u thoma u vhumba ngomu heneffo maya wa Munikolatini, u ita dzangano.

³⁰⁵ A zwi mangadzi ndo vhenga itsho tshithu! Ni a vhona? Ni a vhona? Khezwo. Ho vha hu si nne; ho vha hu Tshinwe tshithu ngomu haffa. Tshi heneffo tshithu. Tsho bva. Ni a tshi vhona? [Tshivhidzo tshi ri, "Amene."—Mudz.] Huno ndo vha ndi hothe u mona na matungo atsho. A tho ngo tshi vhona u swika zwino. Huno ndi a zwi divha zwino. Tshi heneffo. Uyo maya wa Munikolatini, Mudzimu o u vhenga.

³⁰⁶ Huno zwino uyo maya u diitela vhudzulo kha muthu, huno vho u nea khare. Huno haffa u heneffha, zwe Bivhili ya amba uri vha do ita ngawo. Wo fhelela. Yawee, nñenñe! U diitela vhudzulo kha muthu! U vha munna, huno zwenezwo vho mu nea khare.

³⁰⁷ Vhalani, dzhielani nzhele! Kana, vhalani, kha ndi ralo, ndila ine Daniele a amba uri u do dzhia muvhuso wa tshivhidzo. Naa ni do takalela u zwi vhala? [Tshivhidzo, "Amene."—Mudz.] Ri na tshifhinga tsha u ita izwo, a ri natsho? ["Amene."] Zwo luga. Thetshelesani. Kha ri humele murahu kha Daniele, lwa tshikhathinyana. Humelani murahu kha Bugu ya Daniele, huno

ri do vhala lwa tshikhathinyana. Huno a ri nga koni khamusi miñwe miniti ya fumiñhanu, ya fumbili, kana ya furaru, kana tshiñwe tshithu tsha u ralo. Zwo luga? [“Amene.”]

³⁰⁸ Kha ri wane Daniele, ndima ya vhu11, huno kha ri dzhie ndimana ya vhu21. Hafha ndi Daniele, Daniele a tshi khou amba zwino nga ndila ine uyu muthu a khou yo langa.

Huno kha muvhuso wawe hu do ima muthu a sa ñivhalei, (Roma, i tshi khou amba), kha ane vha nga si nee khuliso ya muvhuso: (zwino sedzesani) fhedzi u do ña ngomu nga mulalo... a ña ngomu nga mulalo, huno a wana muvhuso nga vhufhura.

³⁰⁹ Kokotolo zwe a ita! Izwo ndi zwe Daniele a amba uri uyu mulwanakristo u do ita. U do fanela fhethu ha vhathu. Ee, zwi do fanela zwavho—zwavho zwiliwa zwa lino duvha, zwa zwivhidzo. Ngauri, kha itsi tshikhathi tsha tshivhidzo, a vha ñodi Ipfi, Kristo, fhedzi vha ñoda tshivhidzo. Tshithu tsha u thoma, a vha ni vhudzisi arali ni Mukriste. “Naa ni wa tshivhidzo tshifhio? Naa tshivhidzo tshifhio?” A vha ñodi Kristo, Ipfi. Ni a ya, na vha vhudza nga ha Ipfi na uri hu onyoloiwa hani, a vha ñodi Izwo. Vha ñoda tshiñwe tshithu, vha tshila nga inwe ndila ine vha ñoda, huno vha di vha vha tshivhidzo huno vha wana vhutanzi havho. Ni a vhona? Ni a vhona? Ngauralo, u fanela zwiliwa zwo tou kokotolo. Huno, elelwani, mafhedziselon i vhidzwa “wa musadzi,” Bivhilini, huno o vha e murengisamuvhili na vhananyana vhawé. Zwo tea mulandu wa ñamusi, zwine vhathu vha ñoda. Zwi henefho.

³¹⁰ Mudzimu o zwi fulufhedzisa. Musi Ipfi li tshi haniwa, zwenezwo vha shandukiselwa kha lutamo lwavho. Kha ri vhale Vhathesalonika hafhu. Kha ri... Ndi ñoda vho inwi ni tshi sedzesha hafha lwa muniti fhedzi. Iina, zwo luga, ro lu vhala, tshikhathinyana tsho fhiraho. Vhathesalonika Vha Vhuvhili 2:9-11. Lwo amba uri vha do ita. “Vha tshi tsela fhasi, vha tshi hana Ngoho, vha do ñekedzwa kha ñhalukanyo i songo vhibvaho, huno vha do tenda mazwifhi huno vha lañwa ngao.” Zwino izwo ndi zwine—izwo ndi zwe Muya Mukhethwá wa amba.

³¹¹ Zwino, naa ulwo a si lutamo lwa tshivhidzo ñamusi? [Tshivhidzo tshi ri, “Amene.”—Mudz.] Inwi ni lingedza u vhudza vhathu uri vha tea u ita *itshi, itsho*, kana *tshiñwe*, huno vha do ni ñivhadza nga u ñavhanya uri ndi vhone vha Methodisi, Puresbiterieni, kana zwiñwe-vho, a vha tei “u tala vhe ngomu ha gungwa ñanu.” Ni a vhona? Zwa vhukuma. Vha a zwi ñoda.

³¹² Huno Mudzimu a ri, “Arali vha tshi zwi ñoda, Ndi do vha tendela u vha nazwo. Huno zwa vhukuma Ndi do ita uri vha tende uri izwo ndi Ngoho, ngauri Ndi do vha ñea ñhalukanyo i songo vhibvaho malugana na Ngoho.” Zwino sedzani hafha zwine Bivhili ya amba, hafhu, “Vhunga Yannesi na Yamburesi vho pikisa Mushe, ngauralo avha vhathu vha do ralo nga

mađuvha a u fhedzisela, vhe na ḥhalukanyo i songo vhibvaho malugana na Ngoho; huno vha ḫo shandukisa tshilidzi tsha Mudzimu washu tsha vha vhuyāda, vha tshi hana Murena Mudzimu.”

³¹³ Zwino ni vhona hune ya vha hone; hu si Katolika fhedzi, fhedzi Porotestanti. Ndi tshithu tshothe. Ndi shango lo dzudzanywaho lothe. Izwo ndi uyo munameli wa bere tshena, fhasi ha—ha ndila ya—ya u—u—u (tshena) luga, tshivhidzo, ni a vhona, fhedzi mulwanakristo. Zwi tea u vhonala zwi tshi fana. Kha bere, nahone, u tou nga Kristo u khou da e kha bere. Ni a vhona? Oo, u lwa, zwi tsini nga maanda lune zwa ḫo fhura vhenevho Vhanangiwa! Huno fhano u honé. Ndi mulwanakristo.

³¹⁴ O thoma u namela kha tshikhathi tsha u thoma tsha tshivhidzo. Zwino u namela a tshi ya fhasi, fhasi nga kha tshikhathi tshiñwe na tshiñwe. Zwino mu sedzeseni. Inwi ni ri, “Murahu hangei, murahu hangei nga tshifhinga tsha vhaapostola?” O vha a tshi vhidzwa “Munikolatini” heneffo. Zwenezwo, tshikhathi tshi tevhelaho tsha tshivhidzo, zwenezwo u vha “pfunzo” kha tshivhidzo. Tsha u thoma, o vha a tshi “khou ri,” zwenezwo a vha “pfunzo.”

³¹⁵ Vhathu vho zwimbaho, vha qivheaho, vho ambara zwavhuđi, vho funzeaho nga maanda, vho pholishwaho, a vho ngo ḫoda izwo zwe zwa vha zwi tshi khou bvela phanda tshivhidzoni. Hai, vhone, “A vho ngo ḫoda zwe zwa Muya Mukhethwa. Hu fanela u vha tshivhidzo! Huno rine rothe ri do ya nga kha Khoro ya Nicaea, na zwiñwe-vho, ngei Roma.” Zwenezwo musi vha tshi da heneffo, vho dzhia tshivhidzo, huno vha dzhia vhuhedeni, Roma Katoli-...kana vhuhedeni, Roma ya vhuhedeni, na vhutendadambi vhu si gathi. Huno vha dzhia ene—ene Astarte, “khosikadzi wa ḫadulu,” huno vha mu shandukisela u vha Maria, mme. Vha ita vharabelei nga vhathu vho faho, na zwiñwe-vho. Huno vha dzhia ukwo kukokisi kwa dini, kune vha kha di ku vhea u mona heneffo, huno vha ku vhidza muvhili wa Kristo, “ngauri ku imela mme vha ḫadulu.” Huno Mukatolika a tshi fhira, huno u a qibudekanya. Ngauri, mbone dzi khou duga ngomu heneffo, ku tea u vha ku si na dini kune kwa rembuluselwa kha Mudzimu, nga maanda a tshifhe. Musi, a si tshithu shangoni nga nda ha vhuhedeni vhu re khagala. Ni a vhona? Izwo ndi zwone.

³¹⁶ A thi tou pfesesa. Zwo luga, ee, ndi a ralo. Ee, ndi a ralo. Ee, muñe wanga! Ndi a zwi pfesesa, nga tshilidzi tsha Mudzimu. Ngoho.

³¹⁷ Zwino dzhielani nzhele. Yawee, nnenñe, vha nga ita hani izwo! Ni a vhona? Huno vha ḫewa lutamo lwavho. Hai, izwo ndi ngoho, inwi a ni tei u ita Izwo. Hai, muñe wanga. Arali ni sa funi u Zwi ita, a ni kombetshedzwi u Zwi ita. Arali ni sa funi u andana na ndila ya Mudzimu ya u tshila na zwithu, na u luvha, a ni tei u Zwi ita. Mudzimu ha iti muñe muthu uri a Zwi ite.

³¹⁸ Fhedzi i ri ni ndi ni vhudze tshiñwe tshithu. Arali dzina lanu lo vha lo vhewa kha iyo Bugu ya Ngwana ya Vhutshilo shango li sa athu tehwa, ni do takala nga maanda u Zwi ita, ni nga si lindele muniti u Zwi ita.

³¹⁹ Sedzani hafha. Inwi ni ri, “Ndi do ni nea u pfectesa, ndi tou vha wa vhurereli!” Zwo luga, izwo zwi nga di vha ngoho.

³²⁰ Sedzesani, naa ndi nnyi we a vha a tshi nga ri avho vhotshifhe vho vha vha si vha vhurereli, mađuvhani a Murena Yesu? Naa ndi nnyi we a vha a tshi nga ri Israele a si ya vhurereli, sogani? Musi vho vha vha tshi tou vha... .

“Zwo luga, Mudzimu o mphatshutshedza zwifhinga zwinzhi!”

³²¹ Ee, O vha ita, na vhone-vho. Vho vha vha sa vhuvi vha tea u shumela u tshila havho. O vha kanzwa nga zwi bvaho ḥadulu. Huno Yesu a ri, “Vhone, muñwe na muñwe, o xela huno a ḥuwa huno a lovha.”

³²² “Vhokhotsi ashu,” vha ri, “vho la mana sogani, lwa miñwaha ya fuiña.”

³²³ Yesu a ri, “Huno vhone, muñwe na muñwe, o fa, o fhandekanywa lwa U Ya Nga Hu Sa Fheli.” Ni a vhone? A ri, “Fhedzi ndi Tshinnkwa tsha Vhutshilo tshi no bva ha Mudzimu ḥadulu. Munna a tshi la itsi Tshinnkwa, a nga si do fa.” Ni a vhone? Ndi ene Muri wa Vhutshilo.

³²⁴ Dzhielani nzhele uri hani na musi Yesu a tshi da. Avho vhotshifhe, vha da heneffo nt̄ha, vhe vha vhurereli nga maanda. Mutukana, a hu na muthu we a vha a tshi nga ri a si vhanna vhavhudji. Nnenne! Vho tshimbila kha mutalo wa uyo mulayo. Tshiñwe na tshiñwe tshe tshiyhidzo tsha amba, vho tshi ita. Arali vha songo ita, vho kandwa nga matombo. Huno ngauralo A tshimbila a ya nn̄da... . Inwi ni a divha zwe Yesu a vha vhidzela zwone? Yohane o vha vhidza, “Vhoinwi tshivhalonyana tsha dzinowa hatsini! Naa a ni elekanyi, ngauri ni vha ilo dzangano, ni na tshiñwe tshine ni nga ita na Mudzimu.” Huno Yesu a ri, “Vhoinwi ni vha ha khotsi anu, diabolo.” Ha pfi, “Tshifhinga tshiñwe na tshiñwe tshe Mudzimu a rumela muporofita, naa ho bvelelani? No mu kanda nga matombo huno na mu posela tshaloni. Huno zwino ni a bva na ya henengei huno na pholisha tshalo tshawe.”

³²⁵ Naa itsho a si tshithu tshithihi tshe tshiyhidzo tsha Katolika tsha ita? Sedzani Joan of Arc, na Patrick Mukhethwa, na vhañwe vhothe. Ndi vhone vha no vha dzhenisa ngomu. Huno zwenezwo vha gwa muvhili wa Joan of Arc, huno vha u posela mulamboni, miñwaha i si gathi ngavhuya. Huno vha mu fhisela u vha muloi wa musadzi.

³²⁶ “Vhoinwi ni vha ha khotsi anu, diabolo, huno mishumo yawe ni do ita.” Izwo ndi zwone kokotolo. Izwi zwi do ya shangoni ḥothe. Ni a vhone? Ndi zwone! Izwo ndi zwe Yesu a amba.

³²⁷ Huno ni tenda uri zwo luga zweṭhe, i vhonala i yavhuđi nga maandā, iyo bere tshena. Fhedzi sedzani tshe na tshi wana. Izwo ndi kokotolo tshe tsha i namela. Zwino, fhedzi O ri vho i ṭoda, ngauralo U do vha nea phuro ya maandā.

³²⁸ Elelwani, uyu murengisamuvhili wa Nzumbululo 17, o vha e tshiphiri, “TSHIPHIRI, BABELE, MME A DZIPHOMBWE.” Huno Yohane o mu tama. U tou fana na uyu munna... Sedzani, lindelani, ri swika hafha huno ra mu sedzesza o sedzesza iyi bere hafha. Ni a vhona? Fhedzi no dzhiela nzhele uri zwo vha zwi... Tshe tsha bvelela tsho vha tshi itshi, tsha uri, “O mu tama nga lutamo luhulu.” Fhedzi tshiphiri tsho vha, tshi, “o nwa malofha a vhafelalutendo vha Kristo.” Tshivhidzo tsho nakaho tsho dzula benefho, tsho ṭamiwa nga phephulu na musuku, “Huno o vha e na khaphu tshandani tshawe, ya tshika ya vhupombwe hawe.”

³²⁹ Naa vhupombwe ndi mini? Ndi u tshila u songo luga. Iyo ndi pfunzo yawe ye a vha a tshi khou i nea nn̄da. A tshi dzhia Ipfi la Mudzimu huno a Li ita uri li si vhe na maandā, nga dziñwē “Ri a losha Maria,” na ulu luñwe lushaka lwoṭhe lwa zwithu, huno a tshi khou tshi nea nn̄da. “Huno khosi dza lifhasi dzo ita vhupombwe nae.”

“Zwo luga,” inwi ni ri, “itsho ndi tshivhidzo tsha Katolika.”

³³⁰ Fhedzi o vha e “mme a dziphombwe,” ni a vhona, zwenezwo zwithihi zwe a vha e zwone. Khezwo.

³³¹ Naa ho bvelelani? Musi mushandululi a tshi fa nahone mulaedza wawe wo fa, ni re... No tshi dzudzanya, huno na vhea tshivhalonyana tsha “Ricky” ngomu benefho, huno na thoma tshithu henengei murahu uri tshi tshile nga ndila ye na ṭoda. A no ngo ṭoda u dzula na Ipfi. Vhudzuloni ha u tshimbila na ya phanda na Ipfi, vho dzula benefho, “Itshi ndi Lone.” Huh! A ni iti izwo.

Ene, itsho ndi Lone, ni a vhona, Ene e nthā Hangei!

³³² Dzhielani nzhele, itsho ndi tshithu tshithihi. Ri ṭoda u rwa mafhethu o engedzeaho a si gathi ri sa athu vala.

³³³ Ndi ene mukololo we a vha a tshi khou ya u tshinyadza; vhathu vha Daniele. Naa izwo ni a zwi tenda? Zwino ndi khou yo ita itshi, arali ni tshi nga tou thusa huno na nkondelela lwa miniti i si gathi, ndi do—ndi do zwi ita nga u ṭavhanya u ya nga hune nda kona. Fhedzi ndi ṭoda u zwi ita zwa ngoho, ngauri ndi... Muya Mukhethwa u nnea Izwo, u tou vha na vhuñanzi vhunga ndo ima hafha. Ni a vhona? Ni a vhona?

³³⁴ Zwino sedzani, kha ri dzhie, ri humele murahu kha Daniele hafhu, lwa muniti fhedzi. Ndi ṭoda u ni vhalela tshiñwe tshithu, tshe... Arali ni sa yi murahu, zwo luga. Ndi ṭoda u vhala Daniele 9, Daniele 9. Huno ndi ṭoda u vhala ndimana ya vhu²⁶ na ya vhu²⁷ ya Daniele 9. Huno, sedzesani, arali e ene a no do tshinyadza vhathu vha Daniele, zwine a khou yo ita.

Huno nga murahu ha ya mahumi a rathi na vhege mbili Mesia u do tumulwa, . . .

³³⁵ Ni a vhona, ayo ndi mahumi mararu na vhege mbili A tshi nga tumulwa, dzi tshi bva kha vhege dza fusumbe.

. . . hu si u itela ene mune: fhedzi u itela vhathe na mukololo (iyo ndi u tevhekana ha maimo hafha) a no do da (a no do da) u do tshinyadza muđi na . . . nndu khethwa; huno vhufhelo hayo vhu do vha nga mudalo muhulwane, huno u ya kha vhufhelo ha nndwa u thuthiwa ho vhekanywa.

³³⁶ Ndi ḥoda u ni vhudzisa tshiñwe tshithu vhathu. Nga murahu ha musi Kristo o no tumulwa kha lifhasi, kha miñwaha miraru na hafu ya mushumo Wawe, na zwe zwa tshinyadza thembele? Naa ndi nnyi we a i tshinyadza? Roma! Ngoho. Constantine kana. . . . Hai, ndi humbela pfarelo. Tito, mudzheneralwa Vharoma, o tshinyadza mukololo. Zwino dzhielani nzhele.

Sedzesani izwi, vhathu. Idani ngeno fhasi, ha ulu luvhondo.

³³⁷ Musi Yesu o bebwa, ligwena litswuku ngei ṭađulu lo ima kha musadzi, u mila Nwana wawe zwenezwo A tshi kha di bva u bebiwa. Naa izwo ndi zwone? [Tshivhidzo tshi ri, “Amene.”—Mudz.] Naa o vha e nnyi, o lingedzaho u mila Nwana musi A tshi bebiwa? [“Roma.”] Roma. Ni a vhona? Henefho hu na ligwena litswuku. Hafha hu na mukololo wanu. Hafha hu na livhanda lañu. Ni a vhona? Vha henefho, muñwe na muñwe wavho, zwi tou fana, ni a vhona, “u mila Nwana.” Mudzimu o Mu fara n̄ha ṭađulu huno a dzula kha Khulunoni Yawe. Afho ndi hune Kristo a vha hone zwino u swika nga tshifhinga tsho vhewaho. Ni a vhona? Zwino, sedzesani zwine a do ita.

³³⁸ Zwino, oo, zwino, ndi a tenda uri ndo vha ndi tshi khou amba na muñwe muthu hafha. Hu nga di vha ho vha Mukomana Roberson namusi, kana muñwe muthu we nda vha ndi tshi khou amba nae, nga ha izwi; hu si nga izwi hafha, fhedzi nga ha zwenezwi zwithihi. Ndi a tenda uri ndo rera nga hazwo hafha, hu si kale nga maanda, zwine zwa do bvelela kha ili United States, nga ha iyi nzulele ya tshelede. Ni a vhona? Zwo luga, riñe zwino ri khou badeila zwikolodo zwashu nga mithelo i no do badelwa miñwaha ya fuiña u bva ñamusi. Izwo ndi zwine ra vha kule murahu. Naa no no vhuya na rembulutshela kha KAIR ngei n̄ha, kana Lifeline, huno na zwi thetshelesa, ni a vhona, zwi bvaho Washington? Mulandu, ro fhela tshoñhe. Ndi zwenezwo fhedzi.

³³⁹ Naa thaidzo ndi mini? Musuku woñhe u n̄duni, huno Vhayuda vho fara bonndo. Hu khou yo vha Roma. Zwino sedzesani. Ri a ñivha uri mavhengele mahulu ndi a vhonnyi, fhedzi Roma i na tshipiда tshihulwane tsha lupfumo lwa

shango. Luńwe lwothe, Vhayuda vha nalwo. Zwino sedzesani izwi. Zwino itonu thetshelesa izwi, ndila ye Muya Mukhethwa wa nn̄disela izwi.

Huno u do khwaṭhisa mulanga na vhanzhi lwa vhege nthihi: (zwino sedzesani) huno vhukati ha vhege u do ita uri tshiṭhavhelo na misumo zwi ime,...u itela u phadalala ha vhūṭudzi u do zwi ita mashubi, u swika kha magumo, huno itsho tsho vhekanywaho tshi do shululelwā nn̄da kha mashubi.

³⁴⁰ Sedzesani! Oo, ndi tshithu tsho thanyaho-de tshine a vha tshone! U hafha. Zwino, ri na tshifanyiso tshashu huno ri a divha uri ndi ene Roma. Ri a divha uri ndi ene munameli wa bere tshena. Ri a divha uri o ya sa pfunzo. Huno zwenezwo Roma ya vhuhedeni yo vha i mini? Yo rembuluselwa kha Roma ya mupapa, huno ya ḥewa khare.

³⁴¹ Zwino sedzesani, “Tshifhingani tsha vhufhelo.” Hu si kha mađuvha a u ranga musi Kristo o vha a tshi rera, fhedzi, “tshifhingani tsha vhufhelo,” tshipida tsha u fhedzisela tsha vhege, he ra tou dzhia vhege dza fusumbe dza Daniele. Huno Kristo o porofita lwa miňwaha miraru na hafu, huno miňwaha miraru na hafu i kha ḫi do vhekanywa. Naa izwo ndi zwone? [Tshivhidzo tshi ri, “Amene.”—Mudz.] Huno uyu mukololo nga itsho tshifhinga ndi wa u ita mulanga na vhatu vha Daniele, vhane vha vha Vhayuda.

Izwo ndi musi Muselwa a tshi bviselwa nn̄da zwino. A nga si zwi vhone.

³⁴² Dzhielani nzhele, kha tshipida tsha u fhedzisela tsha hafu ya vhege ya Daniele, vhatu vha ita mulanga. Uyu mukololo u ita mulanga na Roma, u ita mulanga na vhone, a hu na u timatima nga ha lupfumo, ngauri Mukaṭolika na Muyuda vho fara lupfumo lwa shango.

³⁴³ Ndo vha ndi Vatican. Ndo vhaba khare ya kararu. Ndo vha ndi tshi khou tea u vha na muvhudzisano na mupapa; Baron Von Blomberg a nngwanela hone, nga... u itela nga masiari a Lāvhuraru nga awara ya vhuraru nt̄ha ha tshithoma.

³⁴⁴ Huno musi vha tshi nnzhia vha nnyisa kha khosi, vho dzhia dzikhafu kha marukhu anga. Izwo zwo luga. Vha mmbudza uri ndi songo vhuya nda humela murahu, nda ḥuwa khae. Izwo zwo luga.

Fhedzi nda ri, “Naa ndi tea u ita mini phanda ha uyu munna?”

³⁴⁵ Ha pfi, “Zwo luga, inwi itonu dzhena ngomu huno ni gwadame nga gona ḥihihi huno ni khise munwe wawe.”

³⁴⁶ Nda ri, “Izwo zwo bva. Izwo zwo bva. Hai, muñe wanga.” Nda ri, “Ndi ḫo—ndi ḫo vhidza muňwe munna mukomana a no ḥoda u vha mukomana. Ndi ḫo mu vhidza vhafunzi, arali

a tshi ḥoda u vha na maimo a izwo. Fhedzi, u luvha munna, izwo zwoṭhe ndi zwa Yesu Kristo.” Ni a vhona? Hai. Hai, muṇe wanga. A sa khou khisa tshanda tsha munna nga u ralo. Hai, ngoho. Ngauralo, a tho ngo zwi ita.

³⁴⁷ Fhedzi ndi tea u ya nga kha Vatican. Mulandu, no vha ni si nga i rengi nga dolara dza bilioni dza bilioni dza ḥana. Zwo luga, ni do... Huno itonu elekanya, “Lupfumo lwa shango,” Bivhili yo ri, “lwa wanala khae.” Oo, itonu elekanya nga ha mafhethu mahulwane, zwifhinga zwa bilioni...

³⁴⁸ Ndi ngani vhukomunisi ho vuwa hafha kha la Rashia? Zwi tou nnyita uri ndi lwale thumbuni yanga, u pfa vhareri vhanzhi nga maanda vha tshi huwelela nga ha vhukomunisi, huno a vha vhuyi vha zwi ḥivha zwine vha khou lila ngazwo. Izwo ndi zwone. Vhukomunisi a si tshithu. Ndi tshishumiswa tshandani tsha Mudzimu, u ḥisa ndifhedzo kha lifhasi, u itela malofha a vhakhethwa. Izwo ndi zwone.

³⁴⁹ Huno nga murahu ha musi Tshivhidzo tsho no dzhiwi, Roma na—na Vhayuda vha do ita mulanga nga tshavho. Bivhili yo ri vha do ralo, na vhatu vhakhethwa. Huno zwino dzhielani nzhele, vha do zwi ita ngauri (ndi ngani?) ulu lushaka lu khou yo wa. Huno ḥinwe shango loṭhe li re kha muelo wa musuku li do wa. Ni a ḥivha izwo. Arali ri tshi khou tshila ri tshi litsha mithelo, milandu ya dzibili, lwa minwaha ya fuina u bva zwino, naa ri ngafhi?

³⁵⁰ Hu na tshithu tshithihi tshine tshi nga bvelela, itsho ndi, u vhidza mali huno ra badela dzibonndo. Huno ri nga si kone u zwi ita. Ndi zwa Wall Street, huno Wall Street i langwa nga Vhayuda. Zwinwe zwazwo zwoṭhe zwi kha Vatican. Huno Vhayuda vha na zwińwe zwazwo zwoṭhe kha Wall Street, na bindu la shango. Ri nga si zwi vhidzele ngomu.

³⁵¹ Huno arali vha tshi nga kona u zwi ita, naa ni elekanya... Avha vhatu vha wisiki na—na avha vhatu vhothe vha fola, vhane, dolara dza dzibiloni ri tshi andisa nga dzibiloni nga nwaha, huno vha thutha mithelo yavho yotha ya mithelo ya mbuelo u itela zwifanyiso zwa kale zwa vhuyađa na zwithu zwa u ralo. Huno ra bva ra dzhena Arizona heneffo, huno ra renga shango la egere dza milioni, kana la zwigidi, huno ra gwa izwo zwisima zwiḥulu, nga dolara dza zwigidi zwa fuṭhanu, huno ra zwi badela nga muthelo wa mbuelo. Huno vha do ni vhea dzhele arali ni sa badeli wañu. Fhedzi vha a u thutha, huno vha posa zwisima, huno vha rumela zwiḥurabada ngomu. Huno vha ita mini? Vha vhea thandela dza nn̄du ngomu heneffo, kha themu i tevhelaho u mona hothe, nga tshelede yavho vho ita. Vha tea u vhea. Huno vha dzhenisa dzinn̄du, dzithandela, ngomu heneffo, huno vha dzi rengisa nga dolara dza dzimilioni. Naa ni elekanya uri avho vhanna vha khou yo leludza, u shandukisa mali?

³⁵² Vhunga uyu muthu fhasi hafha kha... Naa dzina lawe ndi lifhio? Castro o ita. O ita fhedzi tshithu tsha u thanya tshe a vhuya a tshi ita, zwenezwo, musi o tshinyadza dzibonndo, a dzi badela huno a dici tshinyadza.

³⁵³ Dzhielani nzhele, fhedzi ri nga si kone u ita izwo. Avha vhatu vha nga si zwi tendele. Vhomakwevho vho pfumaho vha lifhasi vha nga si zwi fare.

³⁵⁴ Huno zwenezwo hu na tshithu tshithihi fhedzi tshi no tea u itwa. Tshivhidzo tsha Kaṭolika tshi nga zwi badela. Ndi tshone fhedzi tshi re na tshelede. Huno tshi nga kona u zwi ita, huno tshi do zwi ita. Huno nga u ita izwi, u zwi wana, u do leludza na Vhayuda, u ita mulanga. Huno musi tshi tshi khou ita uyu mulanga na Vhayuda... Zwino, elelwani, ndi dzhia itshi tshi tshi bva Luñwaloni. Huno zwino, musi a tshi ita itshi, huno a ita uyu mulanga, ri a dzhieila nzhele, kha Daniele 8:23 na 25, "u do vhanga uri vhutsila vhu bvelele," huno vhutsila *ndi u maga*, "tshanđani tshawe." Huno u ita uyu mulanga na Vhayuda.

³⁵⁵ Huno, vhukati ha iyi, miñwaha miraru na hafu, u vunda mulanga wawe, zwenezwo a tshi wana tshithu tsho putelwaho, huno a wana tshelede ya Vhayuda yo vhoxwa. Huno musi a tshi ita izwo... Yawee, nñenñe! Yawee, nñenñe!

³⁵⁶ U vhidzwa mulwanakristo u swika vhufheloni ha tshikhathi tsha tshivhidzo, ngauri ndi ene...ene na vhana vhawe vha hanedzana na Kristo na Ipfi. Uyu munna u vhidzwa mulwanakristo.

³⁵⁷ Zwino, u khou yo fara tshelede. Huno afho ndi hune nda elekanya uri tshi do dzhena ngomu. Nga muniti fhedzi, musi ndi tshi amba itshi, zwenezwo ndi ḥodou ya murahu khatsho nga muniti.

³⁵⁸ U vhidzwa mulwanakristo, huno u do vhidzwa mulwanakristo, mañoni a Mudzimu, u swika tshifhingani tsha vhufhelo. Zwino, fhedzi zwenezwo u do vhidzwa tshiñwe tshithu-vho.

³⁵⁹ Zwino, musi a tshi wana tshelede yothe kha ndango, "Zwenezwo u do vunda uyu mulanga na Vhayuda," vhunga Daniele hafha o amba uri u do zwi ita, "vhukati ha hafu ya u fhedzisela ya vhege dza fusumbe," dza Daniele. Huno zwenezwo, mukomana, naa u do ita mini? U do vha na u rengisa na u renga hothe ha shango na mbambadzo, nyandano na shango, ngauri u do fara lupfumo lwa shango, tshothe. Huno nga itsho tshifhinga, avho vhaporofita vhavhili vha do takuwa vhuponi huno vha vhidza avho vha zwigidi zwa dana na fuinaina. Zwenezwo hu do itea mini? Zwenezwo luswayo lwa livhanda, la Nzumbululo 13, lu do dzhena ngomu, ngauri o fara mbambadzo yothe, u renga na u rengisa, na tshiñwe na tshiñwe tsha shango. Huno ndi mini tshi no do itea-ha? Luswayo lwa livhanda lu do dzhena ngomu, lwa uri, "A hu

na munna a ne a nga renga kana a rengisa, nn̄dani ha uyo a re na luswayo lwa livhanda.” [Mukomana Branham u khokhonya kha phuluphithi l̄uraru—Mudz.]

³⁶⁰ Livhuwani Mudzimu, Tshivhidzo tshi do vha tshi tshi khou diphina nga mīwaha miraru na hafu ngei Vhugalani, a tshi nga tei u fhira nga kha izwo.

³⁶¹ Zwino dzhielani nzhele, tshifhingani tsha vhufhelo, vhufheloni ha zwikhathi zwa tshivhidzo zwino, u khou vhidzwa... Ene na vhana vhawe vha vhidzwa mulwanakristo, ngauri tshinwe na tshinwe tshi hanedzanaho na Kristo ndi tsha mulwa-na-Kristo. Huno tshinwe na tshinwe tshi hanedzanaho na Ipfi tshi hanedzana na Kristo, ngauri Kristo ndi Ipfi. Zwino ndi mulwanakristo.

³⁶² Zwenezwo, kha Nzumbululo 12:7-9, musi Sathane a tshi pandelwa, mufheti. Ni t̄oda u nwala izwo fhasi, ngauri ndi t̄oda inwi ni tshi zwi vhala. A ri na tshifhinga zwino; zwi tsini, fumbili kana fumithanu u swika fumi, ni a vhona. Fhedzi kha Nzumbululo 12:7-9, “Sathane,” maya, “diabolo,” a re ngei nthā zwino, “mufheti wa vhakomana vhashu.” Zwo luga.

³⁶³ Tshivhidzo tshi takulelwa nthā, huno Sathane u a pandelwa. Musi Tshivhidzo tshi tshi ya nthā, Sathane u da fhasi, zwenezwo Sathane u diitela vhudzulo kha muthu kha mulwanakristo huno u vhidzwa “livhanda.” Zwenezwo, Nzumbululo 13, u vhea luswayo fhasi. Ni a vhona?

³⁶⁴ “Musi Uyo a no tendela,” fhedzi zwino, Vhukriste vhu siwa kha lifhasi nga u t̄amba haho, ndi ngauri, “Uyo a no tendela.”

³⁶⁵ Elelwani hafha murahu kha Vhathesalonika, “O dzula kha thembele ya Mudzimu, a tshi divhidza Mudzimu, a tshi hangwela zwivhi kha lifhasi.” Huno izwo zwi do bvela phanda, “huno vhuvhi vhu do anda,” na u ya phanda. Ngauri, a zwi nga dihwei, nangwe, u swika tshifhinga tshawe tsha u dzumbululwa tshi tshi vhidzwa.

³⁶⁶ Huno zwenezwo Tshivhidzo tshi do t̄anganedzwa. Huno musi Tshi tshi t̄anganedzwa, zwenezwo u a dishandukisa u bva kha mulwanakristo zwino, yawee, nn̄en̄ne, “tshivhidzo, tshivhidzo tshihulwane na itsho,” zwino u vha “livhanda.” Uh-huh! Ndi tama ndi tshi nga ita vhathu uri vha vhone izwo.

³⁶⁷ Zwino elelwani, mulwanakristo na livhanda ndi maya wonoyo muthihi. Heneffo hu na vhurāruthihi. Ee, mune wanga. Ndi zwipida zwiraru zwa maanda mathihi a diabolo. Elelwani, Munikolatini, ni a vhona, o do tea u diitela vhudzulo kha muthu a sa athu newa khare. Ni a vhona? Zwino sedzesani izwi, zwipida zwiraru. Tshipida tsha u thoma, u vhidzwa mulwanakristo; tshipida tsha vhuvhili, u vhidzwa muporofita wa khole-khole; tshipida tsha vhuraru, u vhidzwa livhanda.

³⁶⁸ Dzhielani nzhele, Munikolatini, pfunzo ya mulwanakristo yo thomaho maduvhani a Paulo, i hanedzana na Ipfi la Mudzimu, mulwanakristo.

³⁶⁹ Zwenezwo u a vhidzwa, hafhu, muporofita wa khole-khole. Zwine, musi pfunzo i tshi vha munna, o vha e muporofita kha pfunzo ya u tevhekana ha maimo, zwa—zwa u tevhekana ha maimo a tshivhidzo tsha Kaṭolika. Mupapa o vha e muporofita kha ipfi la khole-khole, huno izwo zwe mu ita muporofita wa khole-khole.

³⁷⁰ Tshipida tsha vhuraru ndi livhanda, munna a no newa khare nga maduvha a u fhedzisela, e na maanda mañwe na mañwe e Roma ya vhuhedeni ya vhuya ya vha nao. Ngauri, livhanda la thoho dza sumbe, ligwena, lo pandelwa ḥadulu, huno la da u diitela vhudzulo kha muthu kha muporofita wa khole-khole. Žwi henehfo, o vha e na khare dza sumbe, huno a pandelwa huno a poselwa ngomu ha liphasi na lwanzhe. Zwo luga.

³⁷¹ Naa ri khou ri mini? Naa uyu munameli ndi nnyi, uyu munameli wa bere? Naa ni a divha zwine zwa vha zwone? Ndi muthu wa n̄tha wa Saṭhane.

³⁷² Ndo ṭuwa vhuňwe vhusiku, vhakomana vhavhili vho dzula tshivhidzoni zwino; Mukomana Norman, henehfo murahu, huno, ndi a tenda, na Mukomana Fred. Ro vha ri vha u pfa munna a tshi funza nga ha mulwanakristo. Munna a divheaho nga maanda, muňwe wa vha khwinesa vhane Khuvhangano dza Mudzimu dza vha navho, huno ḥalutshedzo yawe ya mulwanakristo yo vha, ya uri, “Vha khou yo dzhia vitamini ya luňwe lushaka, u bva kha—kha munna, huno vha fhirisela uvhu vhutshilo vhu tshi bva kha muthu ha dzhena kha tshifanyiso tshihulwane tshi no khou ya u nambatela... a kanda buloko ya mudi nga tshifhinga. Huno izwo ndi...” Naa ni nga humbulela munna o ḥalaho Muya Mukhethwa, fhasi ha phuro i no nga yeneyo, kana u dzhia u vha nga u ralo?

³⁷³ Musi, hafha hu na Bivhili, i amba uri mulwanakristo ndi nnyi. A si... Ndi munna. Dzhielani nzhele, uyu munameli a si tshithu nga nn̄da ha muthu wa n̄tha wa Saṭhane, diabolo o diitelaho vhudzulo kha muthu. Ndi muthanyi o funzeaho. Zwino, ndi a fhulufhela ni na n̄devhe dzaňu dzo vuleaho. Vho vha vha tshi khou lingedza muňwe wa vhana vhawé uri a bve, a si kale, kha khasho ya thelevishini, u vhona arali o vha a songo thanya u fhira munna a tevhelaho, u ita zwa Muphuresidennde. Ni a vhona? Fhedzi, naho zwe ralo, u na vhuťali nga maanda; na Saṭhane o ralo. U lingedza u zwi rengisa. O zwi rengisela Efa. O ri rengisela zwone. Ro vha ri tshi khou ḥoda muthu wa n̄tha. Ro mu wana. Zwo luga. Shango lothe li khou ḥoda munna wa n̄tha. Vha khou yo mu wana. Itonu lindela u swika Tshivhidzo tshi tshi gonya, huno Sathane a tshi pandelwa; u do diitelaho vhudzulo kha muthu. Izwo ndi zwone. Vha ḥoda muňwe muthu ane zwa vhukuma a nga ita mushumo. U do zwi ita.

³⁷⁴ U funzea! Iyi ndi . . . muthu wa nthu wa Sathane, na pfunzo, na vhutali, na theolodzhi ya tshivhidzo ya maipfi awe, ya u ita hawe. Huno u namela bere yawe tshena ya dinomineisheni, u fhura vhathu. Huno u do fhenya vhurereli vhuñwe na vhuñwe ha shango, ngauri vhothe vha khou ya ngomu ha dzangano la—la . . . la zwivhidzo, na dzangano la shango la zwivhidzo. Huno vho no di vha na zwifhaço zwavho zwo fhañiwaho, huno tshiñwe na tshiñwe tsho dzula henefho kha mutalo. A hu na tshithu na tshithihi tsho salaho. Dinomineisheni iñwe na iñwe yo tokwa henefho khalo, dzangano la zwivhidzo. Huno tshi no li tikedza ndi mini? Roma. Huno mupapa zwino u khou lila, "Rothe ri vhathihhi. Kha ri de rothe huno ri tshimbile rothe."

³⁷⁵ Huno avha vhathu, na vhañwe vha vhoiñwi vhathu vha Mafhungo-madifha o Dalaho, ni a hana, ni tea u hana pfunzo yanu ya vhuevangeli, u dzhia vhukando vhu no nga honoho. Naa no ita mini? No pofula nga maanda, kha itscho tshithu tsha dinomineisheni, no landula Ngoho. Huno Ngoho yo vhewa phanda havho, huno vho—vho tuwa Khatsho, huno vha Tshi tutshela. Huno zwino vho "nekedzwa kha phuro ya maanda, u tenda mazwifhi huno vha lañwa ngao." Izwo ndi zwone kokotolo zwine zwa vha zwone.

³⁷⁶ Huno mulwanakristo u zwi dzhia zweþhe. Huno Bivhili yo amba, uri, "O fhura vhothe," ndi, l kavhili, "vhothe kha tshifhatuwo tsha lifhasi, vhe madzina avho a sa ñwalwe phasi ha ayo Mapfundu u bva tshe shango la tehwa." [Mukomana Branham u vhanda zwanda zwave luthihi—Mudz.] Hum! Zwino, arali Bivhili yo amba uri o zwi ita, o zwi ita.

³⁷⁷ Vha ri, "Zwo luga, ndi wa . . ." Khezwo. Iina. Izwo zwi tou vha kokotolo. Ndi tshimiswa tshi fanaho tsha murengisamuvhili. Ndi sisteme i fanaho ye ya thoma u rangani, ine ya vha mulwanakristo, u bva magumoni u ya magumoni.

³⁷⁸ Ndi do pfa nga hazwo, fhedzi izwo ndi . . . Ndi Ngoho. Ndi lavhelela u ralo. Amene.

³⁷⁹ Zwino, dzhielani nzhele, u do fhenya. Huno zwo todou vha kha u fara hawe zwa zwino, musi a tshi kha di vha mulwanakristo, a sa athu vha livhanda. Inwi ni amba nga ha phanishimennde ya tshiþuhu? Inwi itonu lindela. [Mukomana Branham u khokhonya kha phuluphithi kana—Mudz.] Sedzesani zwe avho vho salaho fhano kha lifhasi vha do tea u fhira nga khazwo. Uh-huh. "Hu do vha na u tswimila, na u lila, na u shenganya mano. Ngauri ligwena, Roma, lo pfa madi nga mulomo walø, u ita nndwa na masalela a mbeu ya musadzi, ye ya sala kha lifhasi nga murahu ha musi Muselwa o no nangiwa na u bvisha. Huno ligwena lo ita nndwa na masalela, a lo ngo toða u dzhena ngomu, huno la zwimiwa."

³⁸⁰ Huno Tshivhidzo tsha vhukuma tsho vha tshi tshi do fhira kha izwo arali zwo vha zwi tshi konadzea; fhedzi, ni a vhona,

vha fhasi ha aya Malofha, nga tshilidzi tsha Kristo, huno vha nga si kone u fhira kha manwe Mathupho. A vha na phiriodi ya Mathupho. Tshithu tshi tevhelaho tsha Tshivhidzo ndi U Takulelwa Tađulu. Amene, na amene! Thendo kha Mudzimu. Oo, nga ndila īne nda funa izwi!

³⁸¹ I ri ni ndi ni vhudze. Ri khou amba nga ha zwine mufhenyi a khou yo ita, huno ene zwa vhukuma u khou yo fhenya. O no di zwi ita. Zwo no di rungiwa, ndi zwenezwo fhedzi; zwi khou yo rungiwa, nga tshelede, u ita mabindu a soleaho. Izwo ndi kokotolo. Vha funa tshelede u fhira Mudzimu. Tshiñwe na tshiñwe tshire vha elekanya nga hatsho ndi, "Naa u na tshelede nngafhani?" Naa ndi mini?

³⁸² Ni a ñivha, zwo ambiwa, zwifhinga zwinzhi, "Neani tshivhidzo tshelede, huno tshi do shandukisa shango. Neani tshivhidzo tshelede, huno tshi do ruma vhaevangeli shangoni lothe. Huno tshi do ita mini? Tshi do fhenya shango u itela Kristo."

³⁸³ I ri ni ndi ni vhudze tshiñwe tshithu, khonani yanga i tungufhadzaho, yo pofulaho. Shango a li winiwi nga tshelede, fhedzi nga Malofha a Yesu Kristo. Neani Mudzimu vhanna vha re vhanna vha tshivhindi, vha no do ima heneffo kha ilo Ipfi, vha a tshila kana vha a fa; vha no do fhenya. Uh-huh. Hu do vha na tshithu tshithihi tshire tshi nga fhenya, avho vhe madzina avho a ñwalwa kha Bugu ya Ngwana ya Vhutshilo u bva tshee shango la tehwa. Itsho ndi tshone tshithu fhedzi tshi no do Li pfa. Tshelede a i nga vhi na mushumo natsho; vha rumeleni kulenyana ngomu ha maitele a dinomineisheni dzavho.

³⁸⁴ Kha ri vhone. Ee, nga muṭali wa pfunzo, u do ralo. U do thanya. Nne, nne, nne! Huno vhana vhawé vhothe u mona nae vha do thanya, Ph.D., LL.D., L.D. kavhili, Q.S.D., A.B.C.D.E.F. u tsa fhasi kha Z. Vha nazwo zwothe, zwo thanya. Ndi ngani? Ndi nga murahu ha ndzudzanyo ya Saṭhane. Vhuñwe vhutsila ho thanyaho vhu hanedzanaho na Bivhili ndi ha Saṭhane.

³⁸⁵ Izwo ndi kokotolo zwe a dzhia Efa ngazwo. Efa o ri, "Oo, zwo ñwaliwa, Mudzimu o amba uri riñe ri songo ita izwo."

³⁸⁶ A ri, "Fhedzi, lindelani. Ngoho Mudzimu a nga si zwi ite. Fhedzi ndi do vula maṭo anu huno nda ni nea vhuñwe vhuṭali." A vhu wana.

³⁸⁷ Ro vha ri tshi khou mu ḥoda. Ro mu wana, na riñe-vho, ulu lushaka. Dzhielani nzhele, u do fhenya shango lothe la vhurereli. U do fhenya, u do ita mulanga na vhathu vha Daniele. Ngezwi, kha Wannđa na kha vhathu vha Daniele, Vhayuda vha vhege dza u fhedzisela. Huno ri hafha, nahone ra zwi ola kha dzibodo. Huno ni a zwi vhoná, lwo fhelelaho, heneffo ndi hune zwa vha hone. Livhuwani Mudzimu. U heneffo. Iyo sisteme ya dzangano ndi ya diabolo. Huno izwo a si mavili o kokodzelwaho khazwo, nahone. Ni a vhoná? Kokotolo. Ndi mudzi wa diabolo. Ndi . . .

³⁸⁸ Zwino, hu si vhathu, hu si vhathu ngomu heneffo. Vhone ndi vhathu vha Mudzimu, vhunzhi havho. Fhedzi, ni a divha uri mini, musi ri tshi swika hafha, u swika ri tshi wana idzi Phalaphala dzi tshi lila; huno, tshifhinga tshi tevhelaho ndi tshi da, idzi Phalaphala dzi tshi lila. Elelwani, musi vhone, muruňwa wa u fhedzisela... Uyo Muruňwa wa vhuraru u a budekanya, "Ibvani khae, vhathu Vhangana!" Musi uyo Muruňwa a tshi fhufha, ndi nga tshifhinga tshenetsho tshithihi tshine uyo Mulaedza wa wela fhasi hafha u itela Lufhalafhala lwa u fhedza, Mulaedza wa muruňwa wa u fhedzisela, Pfundo la u fhedzisela lo pfunululwa. Zwoþhe zwi bvelela nga tshifhinga tshithihi. Ee, muñe wanga. Zwoþhe zwi rembulutshela nþha huno zwa ya nga hangei kha Vhutshilo-tshothe.

³⁸⁹ Zwino mini? Nga tshifhinga tshenetshi tshithihi tshine uyu muthu a khou fhenga... Zwenezwo ndi do vala. Mudzimu u khou yo ita tshiňwe tshithu tshifhingani itsho, na ene-vho. Ri songo nea Sathane khuliso yoþhe hafha, ni a vhona. Ri songo amba nga hae, tshothe. Ni a vhona? Musi itshi tshithu tshihulwane tshi tshi khou bva heneffo, iyi sisteme khulwane i tshi khou mona kha aya madzangano, nga vhuthihi, ngauralo vha nga kona u farisana vhoþhe huno vha ima vha hanedzana na vhukomunisi, huno vha sa divhi uri Mudzimu o vusa vhukomunisi u vha fhenga. Ngoho.

³⁹⁰ Naa—naa—naa ndi mini tsho itaho uri vhukomunisi vhu vuwe kha la Rashia? Ndi nga nþhani ha u sa þamba ha tshivhidzo tsha Roma na zwiňwe zwatsho. Vho dzhia tshelede yoþhe ye ya vha i Rashia, huno vha sikisa vhathu u isa lufuni, huno vha sa vha nee tshithu, huno vhudzuloni, huno vha tshila u fana na shango þoþhe.

³⁹¹ Ndo vha ndi fhasi ngei Mexico, hu si kale, huno nda vhona avho vhana vha tungufhadzaho vhaþuku. Liňwe shango-vho la Katolika a li vhi la ditikedza. A hu na liňwe lao. Mmbudziseni uri ngafhi. Ntsumbedzeni hune vha vha hone. Liňwe shango-vho li langwaho nga Katolika a li koni u ditika lone line. Fura, Italy, na one oþhe, Mexico, huriwe na huňwe hune na ya, ha a ditikedzi one ane. Ndi ngani? Tshivhidzo tsho dzhia tshiňwe na tshiňwe tshire vha vha natsho. Itsho tsho itisa uri Rashia i tshi rahele nnnda. Sedzesani zwe zwa itea.

³⁹² Ndi a divha izwi, nne muñe. Ndo vha ndo ima fhasi henengei. Huno ni do elekanya uri mihevho ya musuku yo vha i katni, ni pfa tsimbi dzi tshi lila. Huno hafha musadzi muþuku a tungufhadzaho, a tshi tsa nga tshiþaraþa, a tshi kokodza milenzhe yawe. Huno khotsi o beba lushie; huno vhavhili kana vhararu vhavho, vha tshi khou lila. O vha a tshi khou ita tshigwevho tsha muñwe musadzi o faho ngei nþha. Vho vha nae o... O elekanya uri u do swika hune a ya Taðulu, ngazwo. Oo, tshithu tshi pfisaho vhuþungu hani!

³⁹³ Zwenezwo nda vhona, ndo ima heneffho fhasi, hafha hu da...Ekonomi dzavho dzo linganyiswa nga ndila i tungufhadzaho nga maanda! Tshivhidzo tshi dzhia tshiñwe na tshiñwe tshire vha vha natsho. Hafha, Pancho mułuku, khamusi—khamusi Pancho zwi amba Frank. U da fhasi, huno ndi mufhañi nga zwidina zwa matombo, huno u ita—u ita peso dza fumbili nga vhege. Fhedzi zwi do dzhia peso dza fumbili dzothe, dza mu rengela phere ya zwienda. Idzo ndi ekonomi dzavho. Fhedzi zwino, hafha, mini-ha nga ha itsyo tshifhinga arali—arali ene, e mufhañi na muvhei wa tshidina, huno u ita peso dza fumbili nga vhege, ndi tshi khou tou amba. A thi divhi zwine a ita, fhedzi ndi amba uri ndi lushaka-de lwa ndila ya ekonomi zwo linganyiswaho ngayo. Dzhielani nzhele, zwino, arali a tshi ita peso dza fumbili nga vhege.

³⁹⁴ Hafha hu da Chico, ni a vhona, line la amba “mułuku,” huno u shuma ngeno nnđa lwa peso thanu nga vhege. Huno u na vhana vha sumi vhane a tea u vha kanzwa, fhedzi hu do vha na muñwe muthu a no khou khokhonya vothini lawe, [Mukomana Branham u khokhonya kha phuluphithi lwa zwifhinga zwo vhalaho—Mudz.] u dzhia thanu dza idzo peso, kana nna dzadzo, naho zwo ralo, u badelela mañwe makhandela a girisi a u fhisa kha alitari ya dolara dza milioni, ya musuku u itela zwivhi zwawe. Khezwo. Uho ndi u linganyiswa ha ekonomiki. Iyo ndi ndila ine mashango a vha ngayo.

³⁹⁵ Tshithu tshi zwi dzhia zweþhe. Tshivhidzo tshi zwi dzhia zweþhe. U kha di bva u zwi wana zwandani zwawe. Ndi zwenezwo fhedzi. Huno ene, e na tshelede ya Vhayuda, kha uyo mulanga, vhunga Bivhili yo amba, vha do dzhia tshithu tshoþhe.

³⁹⁶ Huno zwenezwo u vha livhanda. U vunda mulanga wawe, huno u a tzhipa. U kherukanya tshiñwe tsha tshipida tsha mbeu ya musadzi, nga u ralo. Huno u pfa madi nga mulomo wawe; a ita nndwa. Huno hu do vha na u tswimila, na u lila, na u shenganya mano.

³⁹⁷ Huno Muselwa u khou maliwa, ngei Vhugalani, ni a vhona, nga tshifhinga tshenetsho tshithihi. Zwi songo ni pfuka, khonani. Mudzimu nthuse! Ndi—ndi todà u vha henengyelo. A thi londi uri zwi na mutengo-de. Ndi—ndi todà u vha henengyelo.

³⁹⁸ Zwino, dzhielani nzhele, nga tshifhinga tshithihi izwi zwi tshi khou bvela phanda, zwenezwo izwi zwi sa athu itea, kha ndi ralo, kha lifhasi, Mudzimu o fulufhedzisa...Musi u timatima hothe ha dzidinomineisheni, dzi tshi khou taña khani nga ha phambano yadzo nga ha dzindaela, Mudzimu o fulufhedzisa uri U do ri rumela muporofita wa ngoho wa Ipfi la ngoho, e na Mulaedza; u vhuyedzedza kha Ipfi la Mudzimu la vhuvvo, na “Lutendo lwa vhokhotsi,” u disa fhasi Maanda a Muya Mukhethwa vhukati ha vhathu, na maanda ane a do mu vusa nga ntha ha izwi zwithu huno wa mu dzhenisa ngomu,

nga tshifhinga tshenetsho tshithihi. Ee. Ipfi lenelo lithihi li tshi khwathisedzwa, la Yesu Kristo, uri Ndi ene a sa shanduki wa mulovha, namusi, na lini na lini! "Vhonani, Ndi na vhoiwi tshifhinga tshothe, u swika magumoni. Huno mishumo ine Nda ita na vhoiwi ni do ita-vho. Ndi do vha henehfo na vhoiwi. Lwa tshikhathinyana, huno vha nga si tsha Mmbona," ngauri vha do didzudzanya nahone vha balangana. "Fhedzi ni do Mmbona, ngauri Ndi do vha na vhoiwi. Ndi do vha ngomu hanu, u swika magumoni." Musi, O amba zwauri mbiti dzawe dzi do shululwa nga murahu ha magumo. Khezwo. Oo Mudzimu!

³⁹⁹ Naa uyo munameli wa bere tshena ndi nnyi? A no ngo pofula. Inwi ni vhona uyo a re ene. Ndi uyo mulwanakristo, na uyo maya wa vhufhura wo bvelaho phanda zwino huno wa kokovhela ngomu. Ho itwa... Huno, zwenezwo, ni a vhona, Mudzimu u dzulela u zwi dovholola. U zwi sumbedza sa munna a tshi khou tuwa nga bere tshena, huno e na vhura hawehuno a si na musevhe. U a fhura. Ha na maanda. Ni ri, "Maanda a tshivhidzo!" A ngafhi? Naa a ita mini? Vha ri, "Ri tshivhidzo tsha vhubvo." Tshivhidzo tsha vhubvo tshi pandela vhodiabolo, tsho fhodza vhalwadze, huno tsha vusa vhafu, tsho vhona mabono, na tshinwe na tshinwe-vho. Naa a ngafhi zwino? Ni a vhona? Ndi u fhura, vhura vhu si na musevhe. Huh! Izwo ndi zwone.

⁴⁰⁰ Fhedzi, ni a vhona, musi Kristo a tshi da, Banga lo ya li tshi bva mulomoni Wawe, vhunga u taidza ha lupenyo. Lo ya huno la la maswina Awe, huno la pandela diabolo. Lo tumula tshinwe na tshinwe-vho. Huno U a da, nguvho Yawe yo nupeliswa malofhani, huno kha tshirumbi Tshawe ho vha ho nwaliwa, "Ipfi la Mudzimu." Amene. Hafha U a da, e na mmbi Yawe, a tshi bva Tađulu.

⁴⁰¹ Uyo munameli wa bere tshena o vha e shangoni tshifhinga tshothe. U do shanduka u bva kha mulwanakristo. U a ita izwo, huno u vha muporofita wa khole-khole. Ni a vhona, o thoma a thoma, mulwanakristo, maya; zwenezwo u vha muporofita wa khole-khole; zwenezwo, ngavhuya, musi diabolo a tshi pandelwa, u diitela vhudzulo kha muthu tshifhingani itsho na diabolo. Zwipiqa zwiraru! Tsha u thoma, ndi diabolo, tsha u thoma, maya wa diabolo; zwenezwo u vha muporofita wa khole-khole, mudededzi wa pfunzo ya khole-khole; tshithu tshi tevhelaho, u da sa diabolo ene muñe, a tshi diitela vhudzulo kha muthu. Ni a vhona? U henehfo.

⁴⁰² Huno nga tshifhinga tshenetsho tshithihi tshire uyu diabolo a wa a tshi bva Tađulu huno a diitela vhudzulo kha muthu kha munna, Muya Mukhethwa u ya nthia huno wa da fhasi wa diitela vhudzulo kha vhanna. Amene. Yawee, nnennen! Ndi tshifhinga-de nandi!

Vhusiku ha matshelo, Mudzimu a tshi funa, Pfundo la Vhuvhili.

⁴⁰³ Ni a Mu funa? [Tshivhidzo tshi ri, “Amene.” Mukomana Branham u a awela—Mudz.] Zwino, ni a Li tenda? [“Amene.”]

⁴⁰⁴ Ndo tou vala theiphi. Zwino ndi khou yo pfa kha Ilo. Inwi ni a divha izwo, ni a vhona. Fhedzi ndi lavhelela u ralo.

⁴⁰⁵ I ri ni ndi ni vhudze tshiñwe tshithu, mukomana. Ndi tou divha zwino, ngauri nga tshifhinga tshithihi vhutshiloni hanga, ndi ngani uyo Muya wo ntsivhudza tshifhinga tshoþe u hanedzana navho, ilo dzangano. Ndi livhuwa Murena Mudzimu nge a ntsumbedza izwi zwithu. Ndi a divha uri Ndi Ngoho. Li heneffo, lo dzumbululwa heneffo. Hafha u a namela u tsa fhasi nga kha tshikhathi, huno u a bva heneffa huno a diþana heneffa fhasi, lwo fhelelaho u ya nga hune a vha ngaho. Ni a vhona, uyo ndi ene. Zwino a ro ngo fhurwa kha izwo. Zwino ni na maþo anu o vuleaho. Tutshelani kule ha ulwo lushaka lwa zwithu. Huno funani Murena nga mbilu yanu yoþe, huno ni dzule heneffo Nae. Ee, muñe wanga. Ibvani Babele!

⁴⁰⁶ [Tshikhala kha theiphi—Mudz.] Zwithu zwiraru: zwo sumbedzwa nga Ipfi, zwo sumbedzwa nga tshifanyiso, zwa vhonadzwa nga mishumo ya Muya, zwi tshi khwaþhisidza uri Ndi Ipfi.

⁴⁰⁷ I ri Ipfi li de kha idzi sagaduku, Murena. Fhodza vhalwadze. Fhodza muthu muñwe na muñwe a lwalaho a re hone, Murena, na avho vha re heneffo nn̄da vha no nwalela ngomu huno vha founela ngomu.

⁴⁰⁸ Khotsi, nga ino awara, hu na iñwe phodzo i no tea u itwa zwa zwino, huno ri bvela phanda na tshumelo ya phodzo. Fhedzi, Murena, ndi uyo muya, ri toða uyo kha ndzudzanyo, Murena. Huno izwi zwithu zwi fanela u ña.

⁴⁰⁹ Ri a rabela, Mudzimu, uri U do dzhia aya maipfi zwino e a ambiwa, huno wa a ita a vhukuma kha vhathu. I ri vha Li vhone, Murena. Wo pinyeledzwa lwa tshifhinga, huno, U a divha, Khotsi, ngauralo ndi a rabela uri zwo edanaho zwo no ambiwa zwine Muya Mukhethwa u do Zwi dzhia huno wa Zwi dzumbulula ngomu dzimbiluni. Avho vha no khou ñwala Mañwalo fhasi, ngavhe vha tshi A guda. Avho vha no khou ita dzitheiphi kana-kana-kana vha no khou pfa dzitheiphi, ngavhe vha tshi Li guda; hu si u vhea þhalutshedzo yavho Khalo zwino, fhedzi vha tou guda Ipfi. Zwi tendele, Khotsi. Nga Dzina la Yesu, ndi a zwi kumedzela zweþhe kha Iwe, nahone u itela vhugala Hau. Amene.

⁴¹⁰ [Mukomana u a porofita. Tshivhidzo tshi a takala—Mudz.] Amene. Oo, ndi a U livhuwa! [Tshivhidzo tshi isa phanda na u takala.] Oo!

⁴¹¹ Arali hu na muñwe muthu fhano a sa Mu divhi, nga pfarelo, zwi iteni zwino. Ipfani uho u kaidza ha tswititi, ha maanda. Arali ni tshi lavhelela u sendela tsini, zwi iteni zwino, lwa maðuvha nga murahu ha izwi.

⁴¹² Mini-ha arali uho ho vha hu u pfuṇulula iļo Pfundo? Mini-ha arali uyo o vha e Muruňwa o rumelaho henefho, we a nthuthubisa (kačukučuku) mavuni, liňwe duvha, o ima henefho murahu, musi thanzi tharu dzo ima tsini. Izwo ndo ni vhudza ndi sa athu ḥuwa, “Hu do vha na muthuthubo une kačukučuku wa do nthumela n̄tha.” Huno ndo farwa nga Vharuňwa vha sumbe, huno nda da vhubvađuvha. Tshithu tshi ḥoda u ndzinginyisa mavuni.

⁴¹³ Naa izwo ndi zwone, Murathu Norman, Mukomana Fred Sothmann, vhe vha vha vho ima na nne musi zwi tshi bvelela, nga n̄tha ha Tucson? Huno yone—yone... Ndo dzula, ndi tshi khou tomola zwivhavhula kha zwiambaro zwanga, kokotolo zwe bono la amba. Huno ho vha hu tshipembe ha... u yela Tucson. Arali izwo zwi zwone, imisani tshanda tshanu, Mukomana Fred, Murathu Norman. Vha henefho. Imani nga milenzhe yanu, u itela uri vhathu vha kone u vhona uri no vha ni henefho, thanzi. Na khathihi a tho ngo pfa tshiňwe tshithu tshi no nga itsho, vhutshiloni hanga.

⁴¹⁴ Huno, nga u ḥavhanya, a vho ngo zwima, duvha lothe. Ndo luvheledza Fred, nga matsheloni a tevhelaho. Ha divhi izwi. Ndo mu luvheledza u bva u yo zwima, nda dzulela u ri, “Itani. Itani.”

⁴¹⁵ Fhedzi A ri, O mmbudza ngei murahu, “A nga si zwi ite. Ni khou ya Vhubvađuvha, zwa zwino.”

⁴¹⁶ Huno avho Vharuňwa vha sumbe! Muthuthubo wa u thoma, ha vulea. Iina. Mini-ha arali u wone? Ri kha awara ya u fhedzisela. Ni a vhona?

Ndi a funa...

Kha ri Mu luvhe.

Ndi a Mu funa
Ngauri O funa nne u thoma

Kha ri ime.

Huno o renga tshidzo yanga
Murini wa Khalivari.

⁴¹⁷ Kha ri kunakise mbilu dzashu zwino, vhakomana, vhunga ri tshi kotamisa zwifhačuwo zwashu. Khaladzi dzanga, ndo amba nga vhuhalu na vhoinwi, fhedzi ndo zwi ita nga lufuno lwa Mudzimu. Ndo zwi ita ngauri ndo ni funa; nga ha u ambara mavhudzi malapfu, na u ambara na u ita zwone. Ndo zwi ita nga nthani ha lufuno lwa Mudzimu. Kha ri ḥambise luvalo Iwashu zwino musi—musi Clorox ya Mudzimu.

⁴¹⁸ Nga matsheloni, hu nga di vha ho no lengeswa. A nga di kandela phanda. Izwi zwithu zwi tshi da ngaurali, vhakomana, hu nga di vha hu vhufhelo ha ofisi ya vhupfumedzanyi. Naa no no vhuya na elekanya nga ha izwo? Zwo luga, a thi divhi arali zwi zwone. A thi khou ri ndi zwone. Fhedzi mini-ha arali zwi zwone? Mini-ha arali

zwi zwone? Mini-ha nga hazwo? A hu tshe na thengululo; yo ṭuwa, nga itsho tshifhinga. Ndi fhulufhela a yo ngo ralo, fhedzi hu na khonadzeo ya uri yo ralo.

Ndi a Mu funa, ndi . . .

Ri kunakise, Murena. [Tshikhala kha theiphi—Mudz.]

. . . Mu funa
 Ngauri O thoma u funa nne
 Huno o renga tshidzo yanga
 Murini wa Khalivari.

⁴¹⁹ Fhaṭutshedzani Dzina la Murena! Vhugala kha Mudzimu! Ndi funa uvho vhudipfpi vhu qifhaho. Naa a ni pfi Uvho? Muya Mukhethwa fhedzi, vhunga, u tshi ṭamba u mona hoṭhe na inwi, ni tshi tshimbila u mona hoṭhe Nawo. Oo, zwi mangadza hani! Oo, elekanyani nga ha khathutshelo Yawe!

Ndi a Mu funa, ndi a Mu funa
 Ngauri O funa nne u thoma
 Huno o renga tshidzo yanga
 Murini wa Khalivari.

⁴²⁰ Ni songo Li hangwa, khonani. Ni songo Li hangwa. Iyani Naļo hayani. Dzulani Naļo. Li fareni kha musiamelo waňu. Ni songo Li hangwa. Dzulani Naļo. Mudzimu a ni fhaṭutshedze zwino.

Murathu Neville, mufunzi waňu.



NZUMBULULO YA MAPFUNDU A SUMBE

(The Revelation Of The Seven Seals)

Iyi Milaedza ya fumi nga Mukomana William Marrion Branham yo ḥewa lwa vhubvo nga Tshiisimane nga la 17 la Thafamuhwe u swika nga la 24, la 1963, kha Thaberenakele ya Branham ngei Jeffersonville, Indiana, U.S.A., huno Pfundo la Vhusumbe lo isa phanda nga la 25 la Thafamuhwe kha Mothele wa Sherwood. Ho no wanala theiphi dzi vhonala ho nahone dzo fhelelaho lwo engedzeaho dza vhubvo, iyi Milaedza yo no itiwa nga tshivhumbeo tsha zwino. Vhuḍidini vhuriwe na vhuriwe ho itwa ha u fhirisela Mulaedza nga ndila yo teaho u bva kha rekhodo dza theiphi ya maginete u ya kha siaṭari lo gandisiwaho. Iyi i songo pfufhifhadzwaho Tshivenda ṭhalutshedzo yo gandiswa nga Voice Of God Recordings.

Pfanelo dzothe kha iyi bugu dzo vhulungwa. Iyi bugu i nga si kone u rengiswa, u dovha u gandiswa, ya ṭalutshedzwa kha dziṅwe nyambo, kana u shumiswa kha u ita masheleni hu si na thendelo yo buliwaho yo ḥwaliwaho ya William Branham Evangelistic Association.

TSHIVENDA

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE
58 DISA ROAD, ADMIRAL'S PARK, GORDON'S BAY 7140 WESTERN CAPE
REPUBLIC OF SOUTH AFRICA

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org

Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS
P.O. Box 950, JEFFERSONVILLE, INDIANA 47131 U.S.A.
www.branham.org